

AZ.
III

BIBLIOTECA NAZ.
Vittorio Emanuele III

XL

B

12

NAPOLI

h

B

12



THOMÆ

RAVASINI

PARMENSIS

GEORGICORUM

LIBRI III.

MISCELLANEORUM

LIBER I.



PARMÆ,

Ex Typographia Octavii Rosati
M. DC.C.

Superiorum Permissu.



T H O M A S

RAVASTON

1842

1842

1842

1842

1842



1842

1842

1842

1842



Illustrissimo, ac Reverendissimo Domino;

DOMINO

ALEXANDRO

SFORTIÆ

*Neocesariensi Archiepiscopo, Episcopo Assi-
stenti, & apud Regalem Sabaudicæ
Celsitudinem Nuntio Apostolico*

THOMAS

RAVASINUS.

I*nclyta Sfortiadum Soboles, cui mascula Virtus
Regales per Avos, & avitas ducta Tiaras
Inbuit ingentes augusto Sanguine venas,
Victoresque olim populorum, & Palladis arte
Insignes implent atavi longo ordine fastos,
Hoc tibi Cingulides properatum carmen ad undas*

A 2

Vovi.

4
 Vovimus, obsequium æternos proſtitentis in annos
 Pignora, nec monumenta ullo interitura ſub ævo:
 Parva quidem fateor, nec idonea munera; ſed, quæ
 Uteris in cunctos, tua ſi clementia nobis
 Favêrit, excipiens placido donaria vultu,
 Accedet noſtris nova gloria verſibus. & quæ
 Parva prius fuerant, te Præſide maxima ſient.
 Non aliter vacuos animæ, & ſine corpore, lucis
 Sol Pater, attollit viles ſuper aſtra vapores,
 Elatoſque polo, formaque, & nomine donat;
 Quin ipſos pulchram diſſingit in Irida, pictas
 In nubes cogit, minioque colorat, & auro;
 Nec ſatis hoc; ſtellas ſimili propè luce referre
 Sæpe docet; par eſt, niſi quod citò tranſit imago.
 Pars culpæ tamen eſt, & magni criminis inſtar
 Te magnum parvis Patronum adſciſcere ſcriptis,
 Qui fore materies, argumentumque canenti
 Debueras, totoque labor iucundus in ævo;
 Sol oculos nimia ceu luce retundit, inertes
 Sic tua laus præſtringit, & ingens gloria ſenſus;
 Eſtque tuis vatum ſuperata audacia factis.
 Andino ſiquis te cantu, altove cothurno
 Ferre per ora virum, talemque effingere vellet
 Qualem mirata eſt populo dare iura volenti
 Hœpita Muſarum quondam Ferrara ſedes,
 Queque jacet Saliſis interſita fluctibus Ancon,
 Idem purpureum conetur pingere ſolem
 Divitibus, miſerisque æquali luce faventem,
 Perpetuoque ſuos ſignantem munere curſus.
 Eſt aliis, ſed quod præſens deſiniat etas
 Conſpicuum decus, & generoſi gloria facti;
 Præſentis tu laudis, & alta deinde futuræ
 Suppeditas exempla, canendaque plura ſuperſunt;
 Quæ tibi venturis ſera ætas deſtinat annis,
 Quam quæ promerito modò te comitantur honore.
 O mibi ſi reliquæ ſpatium producere vitæ

Fata sinant, quod te fulgentem murice votis
 Aspiciam plenum communibus addere pondus,
 Purpureique decus, numerumque augere Senatus,
 Quos non extollam plausus, quæ non mihi pectus
 Gaudia perfundent! tum carmine docta ciebo
 Numina Pieridum, totumque Heliconæ movebo;
 Quandoquidem tantis vis est conatibus impar,
 Sat mihi sit voluisse tuas intexere laudes;
 Sat tibi sit quoque vate cani meruisse, sed illo
 Vate, impacatum qui Troicæ immisit Achillem.



P R A T A .

L I B E R I.

H Astenus agrestes pastorum inflare cicutas
 Cura fuit, superæque elegos inscribere Matri:
 Nunc quo Prata velint studio, cultuque parari
 Alter erit memorare labor: stellantis Olympi
 Diva potens, tua ni solito præconia cantu
 Prosequor, & studiis feror in contraria versis,
 Dà veniam nostris, quæcumque ea culpa, Camœnis:
 Tempuserit, tua cum totum latura per orbem
 Nomina, semotos mea Pieris ibit ad Indos
 Mæoniis inuenta rotis, Solique negatum
 Affectabit iter; mille hinc, mille inde secuti
 Parthenii te summa ferent ad sydera vates;
~~Primæ ego ante alios casta præcinctus olivæ~~
 Aurea pulsatis modulabor carmina nervis;
 Plaudet, & ingenti jessicam voce Parentem
 Scriptorum chorus omnis, & omnis turba sequentum
 Clamabit populorum: excelsi lucida Mundi
 Claustra tonant; imitata sonos redit aura, Mariam
 Responsant valles, responsant astra Mariam,
 Omnia responsant iterata voce Mariam.
 Jamque fave, & tenues audire facillima Virgo
 Carminis ad titulos ne dedignere vocari.
 Siqua tenet prati te, Villice, cura parandi,
 Mite solum, pinguique ferax uligine, quod nec
 Stagnantes rivos, lapidosave rudera culpet,
 In plano sortire loco: respondeat æqua
 Aeris, & placidum servans pro tempore morem
 Temperies: tardo quæ vere remittitur ora
 Sera nimis differt herbas in tempora, nec ter
 Pratenfis fundus, nec bistondetur in anno

Contentus semel esse ferax; quin mollia Solis
 Assidui poterunt malè gramina ferre vapores,
 Sicubi perpetuo sitiens ardore laboret
 Annus, & incumbat terris arentibus æstas.
 Quæ tamen ingenium declarent signa locorum
 (Pinguis enim lætis tellus accomoda Pratis)
 Accipe: difficilis prodit jejunia terræ
 Illaudata filix, spinosos aspera echinos
 Castanea, & brumæ nulla violabilis ira
 Juniperus: contra fæcunda Cydonia pomis,
 Quercus opaca comas, & vitibus utilis ulmus
 Viscivorisque avibus præbens alimenta fabucus
 Ubere proveniunt gleba: super omnia farsam
 Quidquid tellurem, succique accusat egenam
 Observare prius, mox & vitare memento.
 Nec tamen arcanos te cæli ediscere mores,
 Naturæve velim, num vena divitis auri
 Nativonè magis laudetur sulphure fælix
 Agri condicio: ~~males~~ quid Pleiades ortu
 Præmoneant, aut infesti Mars arbiter anni;
 Signaque ad occasum quæ convertuntur, & ortum:
 Sat fuerit tibi præteritos proponere rerum
 Eventus, longumque artem formare per usum;
 Et cum Luna vocat (de stellis omnibus unam
 Hanc audire potes) Lunæ parere vocanti.
 Hæc ubi præstiteris, quod tu selegeris aptum,
 Sæpius impresso seu vomere, sive bidente
 Verte solum, dein rastris ausas assurgere glebas
 Deprime, compositoque equaliter undique campo
 Sparge per innumeros herbarum plurima sulcos
 Semina, queque herbis designas arva ferendis
 Aut vicia sere, vel farro flavente, dein cum
 Nata recens messis spem fecerit, injice natis
 Messibus in lato quidquid fœnilia fundo
 Deposuere; sed uda dies, nimbo saque tali
 Decernenda operi; secus arida semina longis

Solibus, & cœlo pluviis parcente sitirent.
 Temperies igitur modo faverit humida, fetus
 In varios ibit proiectum semen, & ipsa
 Incipiet viridem meditari terra colorem:
 Atque vbi diversis quas annus proferet herbis
 Venerit a gemino collecta audacia vere,
 Tollet densa comas, & circumfusa virentem
 Luxuries umbrabit humum; tu gaudia læto
 Corde premes, herbosa videns pubescere rura,
 Laudabisque tui sœlicia cœpta laboris.
 Ergo tibi cum verna dabit se pompa videndam,
 Contemplare, leves pariter num surgat in auras
 Infœlix soboles, audax erumpere bruma
 In media elleborus, sese confessa maligno
 Tactu urtica, suos ingrata absyntia succos,
 Sanguineum baccas ebulum, rubicundaque florem
 Malva suum: Prunus silvestris sœpè, minaces
 Interdum subiere rubi: tu vindice ferro
 Persequere invisum genus, & radicibus altè
 Erve quæsitis: radix intacta feracem
 Suppeditat siluam, matremque ulciscitur hères
 Plurimus auxilium: nullo non tempore longam
 Curam adhibe, donec tandem infelice levetur
 Prole locus, solo & ingenium silvestre recedat.
 Eja age, nonnè vides ut culta novalia nuper
 Nunc dici obtento mereantur prata virore?
 Rumpe moras, lucem Phœbo spondente serenam
 Æstatis, verisque inter confinia, cum iam
 Velle videntur abire omnes in semina flores,
 Cotibus armatos, & acuta falce colonos
 Lata in prata voca: te crebro urgere vocatos
 Hortatu iubeo, dum mollis rore recenti
 Lentescit, curvis nec falcibus herba resistit.
 Nec mora; cernere erit solem prohibente galera
 Protectos caput, exutos thoracas Agrestes
 Insudare operi, & duram exercere frequenti

Dexteritate manum : æquali vestigia ponens
 Quisque loco, rotat uno, & eodem tempore ferrum,
 Quaque secatur, teneras quoque falce recolligit herbas,
 Et sectas post se longo aggerat ordine : duro
 Hic aciem renovat saxo, tenvatque frequenti
 Atritu; offensis facit hic convicia saxis,
 Ille moras operis de pressis imputat herbis,
 Accusatque graves æstus; modò tollit ad astra
 Clamores imcompositos, modò rustica pubes
 Miscet verba iocis in condita. silva cachinis
 Respondet, vocisque frequens iteratur imago:
 Sepè aliquis densa residens Venator, in umbra
 Audiit, & tumulo ridens despexit ab alto.
 Parte alia fuscæ nudato crure puellæ
 Gramina dispergunt calido, versantque sub æstu,
 Assiduoque agitant opere: hæc mala tædia dulci
 Colloquio levat, & fabellas narrat inanes,
 Ad numerum illa modos, alternaque carmina dicit,
 Hisque levant studiis, intermittuntque labores.
 At vos pratensis dum res curatur, aquarum
 Parcite ceruleæ rivos in vergere nubes;
 Aut prius effusi quam rumpant æthera nimbi,
 Venturos certis nimbos ostendite signis;
 Quò possint celeres instantia damna coloni
 Antevenire, suos & maturare labores.
 Signa tamen quæ sint verborum non ego longo
 Pandam circuitu: gravidæ si fortè supernos
 Involvant nebulæ, ceu candida vellera, montes;
 Si Maris absentis dubium pertingat ad aures
 Agricolæ murmur, lucis vel nuncius ales
 Intempestivos cantus moduletur, aquosa
 Haud multum distabit hyems; nec te imbrifer auster
 Fallet, & insolitus Solis vapor, aut ubi summo
 Densior apparet stellarum exercitus axe:
 Si tamen ingentes evadere non potes imbres
 Siccatos nec sole domum advektare manipulos,

Illos in medio congestos extruere campo
 Paulatim decrecentes in vertice, ut alta
 Pyramis, irriguis via quò sit libera guttis,
 Neve strues penetretur aqua: formosa reducet
 Cum Titana dies, poteristunc ordine nullo
 Hesternas prati exuvias ostendere Soli:
 Imbriferum humorem sol decoquet; aut domus absit
 Ni procul, & tecto plaustrum què potegat alto
 Porticus, iniectum properanter convehè fenum
 Ad vicina domus celeri magalia plastro;
 Post tectis secta educes, & gramina longè
 Expones iterum quò fiant arida luci.
 Sed non tondendis dum curam impendere pratis
 Tempus adest, quisquam in visa me durus in urbe
 Detineat; iuvat ire, & agros lustrare virentes
 Atque operas primo sub manè revisere, fundi
 Nequa malè attonsi vestigia ponè relinquant,
 Neve mora in longum ducant opus, utque levetur
 Æstivi spatium, diuturnaue tædia solis,
 Dum reliqua Agrestum vacat herbis turba secandis,
 Mollibus in pratis captans avido ore locustas
 Venamur volucrum genus: est mihi fæta capacem
 Lethali plumbo, & nitrato sulphure ventrem
 Ferri canna teres, truncoque inclusa cavato,
 Cui celeres addit stimulos, animosque ministrat
 In flammæ abitura silex: tum si aere summo
 Circvitu alludat crebro, & se mittat apertos
 In campos pronis sturnorum exercitus alis,
 Continvò insidias solerti molior arte
 Arborea latitans, & inobservatus in umbra:
 Et nigras lis inter aves si quando coorta est
 Verme super capto, vel Papilione, ruuntque
 In prædam, pluresque unà glomerantur, ego tum.
 Consulta extrema fatalis arundinis ora
 In volucres rectos collineo protinus ictus:
 Nec mora; vix catuli monitum properantis arundo

Audiit, ecce nouas ætnei fulminis instar
 Ore vomit flammæ, plumbique volatilis imbrem
 Ingenti explodit tonitru; miratur in agris
 Longinquus sonitum Pastor, secumque requirit
 Venatu quisnam vetito, haud setaibus ausis
 Temperet: interea alituum moribunda per agros
 Pars linquit tenues animas, aut faucia pennis
 Sperat inutilibus frustra contendere summos
 In colles, pars declinata a cæde superstes
 Auolat iratæ similis, salicique propinquæ
 Insilit: haud secus hostiles in valle phalanges
 Opperiens latebris miles se condit opacis;
 Atque ubi fulgentem clypeis, atque ære manipulum
 Adventare videt, feralia protinus arma
 Expedit, & certos nondum determinat ictus
 Impatiens: fraudum interea secura nigranti
 It conualle phalanx, patulaque sub Illicis umbra
 Fert iter; aduersa erumpant tum parte ruentum
 Ex inopinato manus ingruit, & sibi stricto
 Ense minax, tortisque furens hastilibus hostem
 Per medium rimatur iter; numero illicet ille
 Obruitur; iamque ense latus perfossus adacto,
 Lataque contorto traiectus tempora plumbo
 Purpuream vomit ore animam; hic deiectus anhelis
 Pulverulentus equis trahitur, supremæque frustra
 Numina conclamat; pars in latebroso superstes
 Lustra fugit, montesque procul contendit in altos.
 Sed iam longinquis Solis morientis imago
 Apparet procul in campis; fœnilibus infer
 Siccitas, prius humescant quam roribus, herbas.
 Ergo super lentis Corydon cum Daphnide plaustris
 Iniiciat parvos fœni crepitantis acervos;
 Cui super è medio respondeat axe Menalcas
 Submissos dextra accipiens, læuæque manipulos
 Componens latere ex omni: non in nubia desit
 Testylis, in cumulum quæ rastro adducat acerno
 Quid-

Quidquid preterit manus inconsulta, vel error
 Impatiens. Verne nimium properantis; & horum
 Sæpe aliquis circumversis observet ocellis
 Ne fortè a læva, dextra vel parte laboret
 Indigesta strues; aliter rota concita partem
 In proclinatam radio stridente recumbet
 In media resupina via: quoties ego læto
 Quando alacres ibant animo, & nil tale cavebant
 Agricole, traheam vidi in transversa ruentem
 Procubuisse, & humum læta stravisse ruina
 Antè expectatum: tales avertere casus
 Ipse potes, rectum servans quacumque tenorem,
 Et super iniectis torta de cannabe vinclis.

Testa reponendo nunc quæ sint commoda sæno
 Expediam, & qui mos genti sit cuique reponam:
 Alpibus in summis crebras ubi turbidus Auster
 Exercet pugnas, & prælia conferit Euris,
 Undique protecto Cæli perflantis ab ira
 Sub lære componunt sænum: via si qua pateret,
 Muro intermisso, & venienti janua vento,
 Graminis arentis stipulam è sænilibus imis
 Æolii erverent fratres, & turbinis ingens
 Vis in discordes longè disperderet anras:
 Plana tamen qui rura colunt, collesque benignos
 Testa struunt pilis innixa, ad aperta que parte
 E' gemina, undè strues se sæni porrigit extra,
 Suevit ubi sero se vespere condere Passer:
 Læve pavementum quadris substernitur intus
 Costilibus, subterque parant præsepia tauris;
 Verum contiguas sedes, sæniliæque alta
 Latè ingens spatium determinet area iusto;
 Ne si fortè (Dii tales prohibete ruinas)
 Aprendat vis pratensem vulcania messem,
 Corripiat pariter tabulata, & aperta domorum
 Limina, cumque suis vertat longa atria muris.
 Tempus erat quondam, cum prati nulla parandi
 Cura,

Cura, nec ulla fuit cumulandi in tempora brumę
 Gramina ieiunis victum præbentia tauris.
 Tantũ inter silvas, neglectaque pascua ruris
 Errabant, armenta, aut sicubi melle levatus
 Sublata iniussas campus submiserat herbas,
 Inde pruinosos Borea revehente Decembres
 Tristia pellebant paleis jejunia siccis,
 Aut de populea ramalibus arbore vulsis.
 Viderat hoc amphrysiacum dum Phæbus ad amnem
 Molles pascit oves; nec longum tempus; agrestem
 Instituit pubem falces tractare recurvas,
 Et sectas calidis proponere solibus herbas,
 Dein longę servare hyemi; monstravit & ægro
 Pascua quę pecori fælici in colle faverent,
 Quę nocitura forent; non tempestate sub illa
 Lethales Taxi, aut miseros funesta legentes
 Fallebant Aconita, nec infelicibus agris
 Depastas pecudes varii factio impete morbi
 Invasere; potens medica succurrere divus
 Pastor ope, afflatus cæli, moresque malignos
 In melius vertebat: ego hinc paulisper ab orsis
 Digrediens canerem agricolis, populosque docerem,
 Quo culpanda situ, pecorive sit utilis herba,
 Cur hædis alpina magis, timidisque Capellis
 Pascua conveniant, aut qua convalle bidentes,
 Ubra vel saturæ referant distenta Juvenæ;
 Sed me triste furens subter præcordia pestis
 Primævo miseram carpens sub flore juventam
 Dulcibus avertit studiis, primisque sub orsis
 Vota interpositæ frustrantur inania curæ,
 Nec faciles musæ, aut dexter tutatur Apollo
 Perniciem adversus tantam: quis plurima morbi
 Semina, quis varias species, & nomina mille
 Carminibus memorare queat! modò lethifer æstus
 Correptas agitat fibras, modò frigidus horror
 Ingruit, utque Notis, rigidisque Aquilonibus æta
 Verti-

Vertice decusso dubitat fluvialis arundo;
 Sic mea diversis huc illuc percita causis
 Vita labat: quoties distenta per ilia murmur
 Personat, inducta quoties caligine teter
 Insultat capiti vapor, & vertigine longa
 In transversa rotat! stomacho fastidia quævis
 Esca movet; lentore tenax, & amara calore
 Officit, undarum superenatat humida more,
 Urit adusta siti, despecta in tædia dulcis
 Vertitur, estque acidus noxæ sapor; acer edendi
 Corripit interdum furor, & pejore fugatur
 Nausea longa malo: fistarum improvida rerum
 Suspicio inventrix, mens & prænuncia cladum
 Torquent ancipites dubia formidine sensus
 Certa subest neque causa: feris tot cladibus impar
 Pergama non bello cecinisset capta bilustri
 Meonides, nec Trojugenam mala talia passus
 Minciades dicturus erat: sub nocte sopora
 Somnia cum porta Morpheus emittit eburna
 Occurrunt simulacra modis pallentia miris,
 Umbrarum tenves animæ, defunctæque letho
 Corpora, dein lucem Phebo revehente diurnam
 Horribiles repeto formas, & magna doloris
 Pars meminisse mei est: non me solatia ruris
 Ulla juvant, non assiduo quæsitæ voluptas
 Venatu; quævis longos mihi causa dolores
 Integrat: o rerum Virgo spes una mearum,
 Ærumnis spes certa meis cælestis Achates,
 Credita cui nostri cessit custodia, si quis
 Tangit amor, vel si pietas movet ulla, labores
 Arcete innumeros, atque hanc avertite pestem
 Parthenii memores vatis: quod si sua longis
 Non deerit votis, parvis sua gratia donis
 A' dextra tibi magna Parens, tibi pervigil Ales
 A' læva, in medio duo ponam altaria templo
 Phidiaca cælata manu, & modò, ut hætenus, æra
 Teu;

Tueticis posthac non sint pendenda catervis
 Auratis pingenda notis; ingentia rerum
 Monstrabunt superimpositæ monumenta tabellæ;
 Illic primævo gavisus crimine serpens
 Depicta fidet super arbore, torvaque vibrans
 Lumina flexibiles sese sinuabit in orbes;
 At tu cæruleo Genitrix descripta veneno
 Colla premes; frustra ille altas ad sydera cristas
 Eriget, & fistas nequidquam assurget in iras.
 Parte alia bella Aligerum, & festiva trophea
 Narabit pictura loquax: pennata juvenus
 In pugnam ruet, & Michael fortissimus unus
 Numinis inscriptum superi haud effabile nomen
 Obtendet clypeum, & flammæ missile fulgur
 Armipotente manu jacet; ruere etere credas
 Desertricem animam, caudæque volumine tractos
 Ignitum rapere in præceptis per inane manipulos:
 Vos adedò gemini este meis securæ medela
 Lenimenque malis, vestro quò munere sospes
 Desuetas repetam curas, Pindumq; revisam
 Lætæq; gramineis inducam flumina pratis;
 Quæ pars dimidii superest mihi parva laboris

L I B E R II.

V Os ò vitiferi quæ mollibus humida rivis
 Thelioris pulchræ curatis rura Napeæ,
 Dicite, quis varios primùm monstraverit usus
 Fluminis, & prati mos venerit undè rigandi;
 Sic ego; de pulchris sic rettulit una Napeis.
 Fortè inter superam Junonem, & Nerea magnum;
 Quem penes officium ruris foret, atque juvandi
 Cura soli, certamen erat; nimborum Tonantis
 Visa Soror fuerat meritam sibi postulare laudem:
 Ambobus tamen hæc sedit sententia, pulchram
Chloris;
Villa in agro Parmensi.

Chlorida, pomiferis simul & quæ præsidet hortis
 Frugiferamque accire Deam: mora nulla, vocatæ
 Advenere Deæ, & parvo post tempore partes
 Junoni dederunt Ceres, & Pomona priores:
 Sola tamen favit Nereo Zephyritis: at uxor
 Magna Jovis subitas extemplo exarsit in iras
 Multa minans, nec longum, inquit, lætabere Ch'ori
 Judicio malesana tuo: vindicta secuta est
 Aspera verba; negat solitis se durior ether
 Ufibus, æstivos cælum non sufficit imbres
 Nullaque nocturni succurrit copia roris
 Floriferis pratis, & suavè rubentibus hortis;
 Quodque magis nocuas iras mireris, ab alto
 Ethere demissus vapor ingruit, & mala florum
 Pernicies subeunt nebulæ; huc modò Chloris, & illuc
 Dividit ancipites animos, artesque, modumque
 Consulit, undè queat miseros evadere casus,
 Quàque potest duri succurrere sedula rebus
 Certat; at aereæ quando vis improba Divæ
 Urget, inassuetas nequicquam consulit artes,
 Et frustra duris occurrit sedula rebus.
 Illa ut erat damno, magnaue exterrita clade
 Nereidum fertur supplex adiisse Parentem
 Talia vociferans: regni ò Deus alter aquosi,
 Cui centum, & plures famulantur in ordine Natæ,
 Officii ni te cæpere obliviam nostri,
 Flebilibus succurre malis, Iovis invida Coniux
 In nos dira odia, atque iras excercet iniquas:
 Tu fer opem miseræ, & sælicibus aspera verte:
 Auduit, & sortem Nereus miseratus acerbam
 Æquoreum quid Numen, ait, quæstuque fatigas
 Littora? me tribuente feres Zephyriti quod optas;
 Ærumnis ne cede, licet Saturnia summum
 Aera possideat, non possidet æquora Iuno.
 Dix erat, & fonti ducendo imponere morem
 Edocet, & ruris tradit præcepta rigandi,

Quo

Quò Divæ rabidas eludere vindicis iras
 Possit, & æstivi dispendia corrigat anni:
 Parvâ intervenit mora temporis; illicò Flora
 Arida collectos vocat in viridaria rivos,
 Areolasque inter dispensat, & ubere vena
 Dotalem recreat fundum; vix se levis unda
 Applicat herbarum fibris, cùm pulchra repentè
 Telluri facies redit, & meliore ligustra
 Se vultu, violæque probant: nitido ethere qualis
 Apparet species, radios siquando coruscòs
 Extulit, & nubes victor discussit Apollo,
 Talis inest pariter renovato gratia ruri:
 Ex illo sua laus hortis, sua cæpit haberi
 Laus etiam prætis inducto à fonte rigatis:
 Talia verba dedit Nymphæ, & se condidit antro.
 Quando cumque tuos igitur meditabere in agros
 Ducere ducendos primùm reperire labora
 Jugis aquæ fontes: sunt qui de flu mine parvam
 Deducunt partem, sunt qui tellure cavata
 Elicitunt laticem, & patria sub rupe latentem
 Increpitant; melior cæcis qui profilit antris
 Sponte latex, nullo studio, nulla arte paratus,
 Et vena sælix indeficiente, diurnum
 Quem nec iter minuat, nec torrida pauperet æstas.
 Sole tamen tepidis intret viridantia lymphis
 Arva; tepens æstu, solisque vaporibus humor
 Adjuvat herbarum conamina: vidi ego mæsto
 Decolor interdum vultu pallescere prætum
 Irrigua quamvis in valle; at pallor ab ipsa
 Proveniebat aqua nullis cedente tepentis
 Solis blanditiis, nullis cedente diei:
 Nativus rigor, aut impendens Collis, & umbra
 Optatos Soles inviderat. Aptæ fluentis
 Elige ductilibus loca, declivemque tenore
 Continuo rastris, durisque ligonibus alueum
 Effode, qui gemina collectam frænet aquæ vim
Agge-

Aggeris in morem ripa: si longa trahendo
 Interfint spatia, & montes cum vallibus amni,
 Descriptum prius in tabula metire laborem,
 Præruptasque vias, atq; intervalla locorum
 Picta tibi variis proponat carta figuris,
 Tractibus ut solet innumeris illula papyrus
 Interpuncta notis discernere regna, marisque
 Ingentes scopulos, montesque, orbisque remotas
 Demonstrare plagas: sua quondam accivit in arva
 Talibus inventis latices Thelioridis agri
 Accola gens; riguis quæ nunc lætissima fundis
 Illorum quondam languebant rura, neque ullus
 Prædia comendabat honos, quæsitave ductas
 Ubertas per aquas; ab aquis accessit amæno
 Gloria quæsitis, & rerum copia ruri.
 Siqua fides tamen est augenti singula famæ,
 Quæ modò montivagis deducta canalibus unda
 Prata rigat, captus quondam Thelioride nympha
 Pastor erat, qui spe præsumens plurima, frustra
 Se voto, atque suo sperabat amore potiri;
 Sed desideris, & spe dejectus inani
 Nec votis est ipse suis, nec amore potitus:
 Nec tam quòd reliquas inter pulcherrima nymphas;
 Quàm quia dives erat Dominam male sanus amabat;
 Namque illi centum prata, & dotalia centum
 Jugera ruris erant; quoties ah Cingulus illam
 Laudavit Pater, & laudatam optavit habere!
 Ipsa omnes quotquot patria de gente fuere turba
 (Sive pudor castam faciebat, sive superbam
 Forma) procos fugiebat: eam sibi reddere longo
 Obsequio facilem infelix tentabat amator,
 Portabatque sui ruris munuscula, donis
 Addebatque preces; sed donis gratia nulla,
 Nulla fuit precibus; tam dura puella roganti;
 Et tam dura fuit munuscula parva ferenti.

Ille

2 torrens in agro Parmensi.

Ille gravi interea percussus corda dolore
 Astra suis accusat inofficiosa querelis,
 Et modò frondosi summo de vertice collis
 Adspectata suæ considerat arva Puellæ,
 Et modò per latebras hæc illac fertur opacas
 Perditus, amenti similis : per inhospita montis
 Mille legit, relegitque vias, saltusque pererrat,
 Amisso qualis sætu formosa Juvenca
 Per virides agros, & devia lustra vagatur.
 Post varios tandem casus, longosque labores
 Apenninus ubi clivò mitescit amæno
 Constitit : hæc noctes in luctum impendit amaras
 Impenditque dies; nulla est nisi flere voluptas:
 Tantus & à lacrimis crescit manantibus humor,
 Ut gemino uberibus stillare è lumine guttis
 Flumina bina putes; nec decipiere putando:
 Nam miser assiduos sensim resolutus in imbres
 Liquitur, ut verno glacies vitata tepore,
 Et mæstos abire in tartæos; qui nuper amator
 Pastor erat, tenuis sit aquæ sine nomine rivus;
 Priscus amor tamen, & vetus illi cura remansit;
 Nam longo percurrit adhuc errore jacentes
 Convalles, modò per colles, aut plana vagatur,
 Thelioreꝝ donec Nymphæ potiatur amatis,
 Dotales sibi quos olim præsumpserat, agris.
 Ergo nec ingenium duræ intractabile rupis,
 Nec juga prærupti remorentur scrupæ collis,
 Ad tua quin faciles invites prædia fontes
 Tramite declivi, & patefacta per loca montis
 Arte via : si fortè cavo se vallis hyatu
 Cæptis interponat, aperta & fauce dehiscat,
 Ordine deductum longo, qui rupis utramque
 Comittat partem, de secta ordine canalem
 Abiete, qui fixis incumbens undique tignis
 Flumina præcipiti transmittat euntia cursu :
 Aut magnos tua ni sumptus fortuna recuset,

Erige

Erige saxosi sinuatos fornicis arcus;
Continuare suos quàm possit lympha labores.
Possem aliis super, atque aliis exponere dictis
Diversas artes, documentaque ferre per urbes
Æmilias, amnis quæ sit mensura fluentis,
Quæve superficies; quid recto linea tractu,
Quid velit obliquo, num fundo equabilis alveus
Excuset residues, an pronior incitet undas;
Cur properet pluviis freta auxiliaribus unda,
Aquiratque pigras diversa ambage viarum,
Obicibusue moras; sed barbara nomina doctæ
Odere Aonides, latioque incognita verba,
Nec me ulla ingratos Sophiæ penetrare recessus
Cura tenet; juvet has alios perquirere causas;
Ipse ego formandis pandam vulgata colonis
Inventa, & facili captos novitate tenebo.
His ita dispositis, ubi solibus arida longis
Gramina sustuleris, pratens inducere parte
E' supera jubeo rivos: si ascendere jussum
Deneget unda locum, currenti molibus undæ
Injectis obsta: tabulas opponere acernas;
Ingentesque trabes potes, atque repagula, quod se
Altius atollat, conditaque jussa sequatur.
Agricolæ quocumque vocet: tunc Villicus altè
Nudatus latosque pedes, hirsutaque crura,
Armatusque bidente manum simul ire parantes
Diffociet rivos, & fundum immittat in omnem;
Sicet in dextram divertat, & inde sinistram,
Et modò per medium, modò per confinia ducat,
Donec jucundo recreentur mollia potu
Iugera; cum breve post tempus satis arva bibisse
Advertes, claude oppositis sine lege vagantem
Obicibus rivum: longa viridantibus herbis
Officit ille mora, secumque abducit cundo
Fælicem pinguis succum telluris: apricum
Septima lux, solem uix porta emittet eoa,

En

En iterum verno renovabitur annus amictu ;
Et viridem teneras prolem submittet in auras
Fœnifecis addens animos: sæpe integrat æstas
Oblitas vires, & adhuc implorat hyulca
Humorem tellus; tunc ostia clausa relaxa
Fontanis iterum scatebris, sed rura priusquam
Sicca riges, plures finito intercurre Soles;
Rara sitim faciet, maciem si crebrior unda.
Hic ego non documenta tibi memorata revolvam
Cum tonsura tuis iterabitur altera pratis;
Sit satis hæc docuisse olim; quod te omnibus unum
Observare magis jubeo, quam admiseris usus
In solitos, nullis turbata sit imbribus unda;
Implicat illa novas, limoque intercipit herbas;
Longaque ni vitium pluvia eluat, arva priusquam
Herbida falce metas, pulvis, lutulentaque fœnum
Inficit ærugo: nil peste nocentius illa [tussis
Mendenti ad stabulum Tauro; hinc quatit improba
Pectora bellatoris equi, & nil tale merentum
Exercet pecudum genus - At mihi Villice forsan,
Herbosa num sit ponenda in valle requies
Arbor; opaca comas viridi defigitur ulmus
Sæpe solo, vitisque ulmis adjungitur; umbras
Lenta suas pariter promittere Morus, & olim
Silvestris doctam pyrus emendanda per artem,
Igntesque Nuces recto quincunce feruntur;
Quas circum agricolæ primis suevere sub annis
Parvo circuitu tellurem vertere; sed me
Nulla arbuta juvant illic fata; non bene fundos
Audit apud virides radicibus arbor, & umbra:
Præcipuè Nux alta Jovis de nomine dicta,
Populeum genus, & fibris in Tartara tentans
Quercus iter; lentam Salicem cui criminis expers
Umbra viret, nec humum radix extenta fatigat
Simplice contentam cura potes ordine longo
Conferere; ex facili satio, parvoque labore

Con

Conflabit cultura : alta de Matre recisa
 Exacue in morem valli plantaria , facto
 Dein longis cuneis , palisve foramine , eodem
 Fige loco , crebroque pedum circum apprime pulsu
 Tellurem , ne fortè cavo intromittat aperto
 Sæva dies estus , inconcessaque petantur
 Radices à Sole via : quandoque novellæ
 Oppositam in prima formidavere juventæ
 Vim Solis plantę ; tunc ignea Spicula contra
 Stramine munitis doceatur parcere libris
 Sôlis vis ; at hyems cum venerit , exue totum
 Direpta truncum palea ; secus iruet imber
 Hibernus , stipulamque inter , stirpemque salignam
 Inducto squallore situm meditabitur , vnde
 Infincera trahent parvi natalia vermes ,
 Erumpentque levestineæ , queis protinus omnis
 Præfestinatae patietur damna fenestæ
 Exesus cortex , primoque arbuſta sub ævo
 Morbosa absumet caries : qua lenta probetur
 Utilitate salix , & quot se preſtet in usus
 Præciperem , verùm hæc annis monstrare futuris
 3 Est animus , quando occiduo Vainerides orbe
 Deducam muſas , Italoque in littore sistam ,
 Longaque vineti tradam præcepta ferendi
 Sequanici poſtrema legens veſtigia vatis ;
 Nam bene conveniunt tenera cum vite ſalicta ,
 Et ſine Viminea malè Vineæ ſtirpe paratur .
 Nunc age , ſagiferas quibus inſtituenda per alpes
 Prata modis referam : ſub primi exordia veris
 Cæduntur validis nemora alta ſecuribus [altas
 Cæſorum parva eſt nemorum jaſtura per alpes)
 Dein ſuccum longo cùm depoſuere ſub eſtu ,
 Hac , illac ſtratis ſupponitur ignea tæda
 Arboribus , sæva undè ſerens incendia celiſis

Quer-

9 hîc inquitur P. Jacobus Vainerius Societatis Jeſu qui de
 vinetis vineta oratione elegantiffimè ſcripſit

Quercubus, & duris se Mulciber applicat alnis,
 Et cæco crepitant strepitu cava robora: cælum
 Turbidus obnubit vapor, atque volumina tetra
 Agglomerat: tantos procul aspicit infcius ignes
 Colle super celso venator, arator in arvo,
 In mediis piscator aquis: dubitante favillæ
 Ignitum per inane volant errore, nec ulla
 Amplius apparent veteris vestigia luci;
 Advena squallet ubique cinis, semiuftaque fumant
 Fragmina filvarum: plurestunc ordine Lunas
 Ire sine, extincto penitus quò flamma residat
 Fomite, productaque mora coalescat adustus
 Telluri pulvis; rarefcet pulvere mixto
 Densa loci natura, & seu flaventia farra,
 Tritica siue velistelluri credere, jactis
 Seminibus tellus morem geret; annua namque
 Quando redit fatio, quà nuper silua virebat
 Semina te jubeo sulcis comittere: tali
 Exercere diu poteris montana labore
 Jugera, dum facies penitus diversa priori
 Succedat, feritasque loci silvestris amico
 Mansuescat cultu; sine mox voluentibus annis
 Incultum cessare solum, quò longa feraces
 Inducant herbas ignavis otia glebis,
 Graminibusque vacent horrentia, lustra ferendis.
 Ne tamen alpinum speres æstate sub ipsa
 Bistondere jugum: magnis conatibus impar
 Deficit, & pingui non se componere plano
 Fertilitas alpina valet: satis est semel illic
 Si nova prata metas: tonsis immittere pratis
 Mosest inde pecus, populandaque pascua tauris,
 Balantunque gregi permittere: tarda videbis
 Armenta, & nondum fruticanti fronte petulcos
 In mediis matres comitari valibus hédos,
 Firmamtemque gradus baculo Silvestris oliuę
 Hirsutum Corydona sequi: procul ille vagantes

Obfer-

Observat pecudes, patulaque moratus in umbra
 Infortunatos cantu solatur amores,
 Affaturque agros, assuetaque rura querelis
 Respondere suis: teneris clamoribus omnis
 Balat ager, redit ex imis convallibus echo.
 Quo studio possint humiles herbescere colles
 Nulla referre mihi cura est; discrimine nullo
 Et planum curare potes, collesque benignos.
 Pænè mihi exciderat, quæ Lunæ mollibus herbis
 Conditio faveat, verùm memorare; novella
 Quodvis Luna opus in pratis fortunat, & alium
 Suppetit humorem; crescente supervenit humor
 Plurimus a Luna: tantum infælicibus herbis,
 Cùm latet illa, solum, atque rubis purgare memento.
 Multa ferunt virides aliquando incommoda fundi,
 Sive latebrosas talpæ fodere cavernas,
 Sive parans soboli tectum formica creandæ
 Emotostennis cumulos erexit arenæ,
 Pulvereaſque caſas: cape tunc cum ſtramine torrem,
 Et populatricem poſitis interſice peſtem
 Ignibus; at ſtudio potes hoc occurrere talpis;
 Illos ſiquando aſpicias conamine roſtri
 Dimoviſſe ſolum, & varia ſcripſiſſe ruina,
 Armatus raſtro, ſubituſque paratus ad iſtum
 Obſerva tacitus ſero ſub veſpere, num ſe
 Per ſua lucifugi prodant veſtigia mures,
 Signantesque viam ſumma tellure, ligonis
 Non expectato, vel acuti verberare pali
 Opprime: ſi terræ macies inviſa nocebit
 Deficietque vigor, loca ad herbida conuehe plauſtris,
 Eductas ſtabulis ſordes, cęnumve regeſtum;
 Et ne gramineas vaga deprimat orbita ſibras
 Deſcribens nudum variis erroribus arvum,
 Expecta nive dum teſto ſuper cęquore currens
 Nulla ſui plauſtrum poſt ſe veſtigia linquat.
 Prima erit hæc hyemis, poſtremo erit altera cura,
B
Vere

Vere prius quàm se componat florifer annus,
 Advectum per lata fimum dispergere prata;
 Solibus ut longis, crebro & resolutus ab imbrè
 Herbarum insinuet se se radicibus, undè
 Attoliant animos nova gramina: lecta columbi
 Stercora quin natas sementis more per herbas
 Projicere interdum pluvia veniente juvabit;
 Namque columbinus fimum urit gramina, nimbo
 Succedente, suo ni de fervore remittat.
 Forsitan eveniat, tibi quod contingere nollem,
 Cum sicce calido pendebunt aere nubes,
 Nullaque subveniet nimborum roscida pratis
 Copia: fraudata tristes non ibit in agros
 Tenuis aqua rivus, tacitoque abscondet in antro
 Cæruleum caput: hæc atavus perpeffa mihi olim
 Narrare exitia, & feralia damna solebat,
 Quando omnes cæcis se se occulvere latebris
 Najades, & nullos urna effudere liquores:
 Quid misero tunc mentis erit? succensa videbis
 Arva siti decus omne suæ deponere formæ,
 Inductaque hortos macie squallere, nec ulla
 Jam veris superesse solo vestigia: damna
 Tot contra, nil præter opem implorare Deorum
 Proderit; angustis tum Divum accedere templis
 Te jubeo, & flecti facilem mollire Tonantem
 Thure dato, precibusque; nec in tua vota vocabis
 Frustra Parthenidem; deerit non illa vocanti
 Eliciens è nube imbres, è rupe liquores
 Pulchra quibus variis tellus lætabitur herbis.
 Sæpe etiam stagnante palus humore locorum
 Infedit plana, atque ignava torpuit unda;
 Illa altè infosso, ducto, & longo ordine sulco
 Corrivata, exire suo doceatur ab alveo;
 Atque ingens lapidis ni pressi copia desit
 Longos saxosa sulcos superintege testa,
 Quæ geminæ incumbens solido de rudere spondæ
 Com-

Componat teretem quæ profluat nuda canalem :
 Saxa operi fossis mox supra extantia glebis
 Ne vacua herbarum , neu pars sit inutilis ulla .
 Longa tamen senii quis damna avertere pratis
 Possit ? ubi annorum innumerus se verterit ordo
 Subrepet fundo facies in honora virenti ,
 Et Muscus nocua lanugine deprimet herbas .
 Illicò vomeribus validisque bidentibus æquor.
 Infinde , & Soli glebas obverte supinas ;
 Moxque sub autumnum serito : vos ista per annos
 Haud plures habeat solertes cura Coloni ;
 Mox iterum positis cessate ligonibus , ut se
 Induat in viridem tellus velut antè juventam .
 Hæc pratis super irriguis documenta ferentem
 Me placidi Thomam colles Thelioris alebant :
 Tempore quo heroum Lodoix fortissimus unus
 Grandibus occasum factis implebat , & ortum .
 Te cultis elegis , & arundine , Partheni , lusi .



De Ficulnearum Cultura

LIBER I.

TU quoque post liquidos fontes, & mollia prata
 Carmen eris nobis Ficulnea: flatibus euri
 Hibernis, teneræ parcant edicite plantæ
 O' superi, gelido qui morem imponitis anno;
 Et pariter vati, pariterque favete Colono:
 Utraque eat sælix vestro de munere causa
 Virgo prius grati quam formosissima ruris
 Infortunatos Phæbi meruisset amores,
 Nulla fuit stirps in campis ficulnea: Nymphæ
 Versa est in biseram Diana à vindice plantam;
 Nam fuit hæc castæ de nymphis una Dianæ:
 Illius inque omnes ut longum extenderet annos
 Dedecus, induxit lac Delia frondibus; index
 Maternæ est illud labis, læsique pudoris.
 Ergo tuosi te ficus delectat in agro
 Conferere, ad placidos Austri, solisque tepores
 Vergat ager, qui non alto de colle iacentes
 Despiciat valles, cui nulla injuria brumæ,
 Nec ferus officiat Boreas: mihi nec loca muris
 Proxima displiceant, aut sicubi tecta supersunt
 Semirutæ, & veterem ostentant monumenta ruinam;
 Ruderibus, sabulique, & mixtæ calcis acervo
 Proficient arbuta: tibi non plana locorum,
 Pigra nec alpino succurrant arva rigore:
 Planitiem gelidis Aquilo circumvolat alis,
 Nec favor alpini speratur ab indole cæli;
 Veris ubi tamen assidui clementia vernat
 Colle sit, an plano nil me sata planta movebit;
 Sunt tamen Arctoæ quæ frustra in collibus oræ
 Presumunt blandi aspectu mansuescere Solis
 Quando bruma riget: sic quæ perlabitur Ister,
 Quæque celer gelidas persultat Vistula ripas

Non

Non ullis arbor novit parere coloni
 Blanditiis: Ligurum quæ littora prospicit, hic se
 In mores Itali studuit componere cæli
 Gallia, sed reliquis ingloria mæret in agris:
 Quin ipsa Eridani ad virides Ænotria ripas
 Prole caret bifera; tamen haud procul alta beatos
 In colles emergit humus, quibus indiga pensat
 Damna loci, montisque favet vicinia plano.
 Ergo ubi communes cæli, terræquæ favores
 Conspirare videbis, & aera prorsus amicum
 Respondere, virens cum turget in arbore gemma
 Ficulnæ spem matris ab imo caudice vulsam
 Crede solo: studium tibi de radice, nec ulla
 Cura sit; ex facili iaveniet sibi cortice rupto
 Injussum radix iter, & comprehendere discet
 Sponte sua ramus: ramo blandire novello
 Assiduo cultu, & renovatis sæpe bidente
 Impresso glebis: si quas in germen abire
 Præter vota, novæ circum internodia plantæ
 Aspicias gemmas, admoto protinus ungue
 Corripe, inutilibus ne se distracta fatiget
 Stirps incrementis; tantum de vertice summo
 Pubescens virgæ spes exeat: illa fenestram
 In sterilem cum verget, erit submittere tempus
 Parvam tunc sobolem, effeta que matre capeffat
 Fundendi partes fructus, genus atque novandi
 Arboreum: illius conamina prima juvabit,
 Ingentesque animos addet borealia contra
 Frigora, sparsa fimi sub brumam copia; fasce
 Nec non stramineo, filicisque arentis amictu
 Insuetæ poteris defendere frigus Alumnæ.
 Ne tamen ingrato vitientur dulcia succo
 Mala, fimo planta haud crebrò saturetur adulta:
 Vtilius fuerit cænum, sordesque viarum
 Applicuisse, vel externa pinguedine cum non
 Est opus, augendi curam interponere succi

Artibus his: breve post tempus Ficulnea fructus,
 Pars semel in toto, pars bis producet in anno
 Dispare diversos facie: sunt quos breve colli
 Suspendit spatium, flavusque colorat amictus:
 Illos subviridis color, hos niger inficit, ille
 In morem conii protenditur, iste rotunda
 Se probat in forma: Autumnus qui tempora præcox
 Antevenit, nimio vix se defendit ab imbre,
 Et pariter nimio vix se tutatur ab æstu:
 At quem nulla movet laus fertili: atis adeptæ
 Ante diem, pluvias, & inæquales Autumnos
 Sustinet, Eurorumque minas: sed causa feraci
 Quæ morem indiderit pantiæ bis poma ferendi,
 Stat nobis memorare: tibi succurrat ut olim
 Flava Ceres variis Natam quesiverit oris,
 Quæsitamque diu non ulla invenerit ora:
 Solibus interdum æstivis defessa recumbit
 Diva solo, nec habet soles quò placet iniquos.
 Interdum circumspiciens deserta locorum
 Colle super sedet; & quoque tunc in colle sedebat,
 Cum frustra patula quæfinit in arbore ficus;
 Arbore, spe vacuis quæ stabat proxima ramis:
 Extremi nondum tempestas venerat anni,
 Sneiderat ambrosios qua ferre arbuscula fætus.
 Nec mora; ut æstatem sive hoc decoraret honore,
 Seu potius languor, sive improbus ardor edendi
 Impulit, insolitum tria verba sonantia dixit;
 Ecce recens prodire suo non tempore fructus
 Incipit, & forma nisi quod maiore tumebat,
 Ficus erat; grossum latii dixere Coloni.
 Nunc quoque Eleusine in sua munera perstat amicus
 Matris amor; namque his dives cum exuberat annus;
 Et dives gravidis Ceres annum ditat aristis;
 His pariter sterilis cum non exuberat annus,
 Parca Ceres sterili quoque spicas invidet anno;
 Ergo messis erunt hæc, Villice, signa futuræ.

Sæpe

Sæpe tamen bifera stirpis spes prima malignis
 Affatur nebulis, votique relinquit inanem
 Agricolam; feri spes altera fortior anni
 Nulla reformidat vitia aeris: Ecce decorum
 Extulit & pomis, & versicoloribus uvis
 Autumnus caput; arborea jam mitis in umbra
 Fertilitas apparet, & æstu cocta diurno
 Maturæ facit irritamina blanda rapinæ:
 Hæc oculis cum præda offert se se obvia nostris,
 Protinus insiliens facilem qui præstat in altum
 Ascensum ramo, si quæ pendere retorto
 Aspicio paulum collo, atque dehiscere rimis?
 Poma lego manibus, gratique in parte laboris
 Vxor adest, oneratque sinus, impletque canistros,
 Quos famuli inde domum exportant: occurrit in ipso
 Limine Lucilla, atque patri blanditur, & altis
 Uisque inferre manus calathis parat: ò mihi tales
 Ducere contingat superum de munere soles
 Urbe procul, transmissa atavis ubi rura vetustis
 In sortem cessere meam! si non mea splendent
 Atria picta auro, & phrygiis spirantia signis,
 Nec mihi Apellæ referunt phlegrea tabellæ
 Prælia, vibrantemque cyclopea tela Tonantem,
 At mihi purpurei domus ad spiramina solis
 Confurgens, infra positas considerat agros:
 Rara mihi patrios velat pictura penates,
 Non bello Jovis, aut pugnis illusa Gigantum,
 Sed quæ partheniæ narret decora alta Parentis,
 Elisumque anguis Stigii caput: ampla videtur
 Vineæ sat, quamvis angusto confita colle;
 Cultus ager parvo conclusus limite, pomis
 Planta ferax, totumque virentia prata per annum
 Sunt voti mensura mei: Quàm dulce vaganti
 Lumina prospectu, volucrum concentibus aures
 Oblectare, tuis quàm dulcius inclyta Virgo
 Laudibus invitare faventem è vallibus echo,

Frondet ubi nemus, & variis quâ Cingulus errat
 Flexibus! audito Jesseç Nomine Matris
 Ille caput levat, atque urnam, cubitumque remittit;
 Najades assurgunt pariter; Protho innuba cæptas
 Viminibus naffas præcul abiecit; Anthlia Patri
 Desistit liquido virides properare coronas.
 Parte alia juvat in tacitas decedere silvas,
 Gratus ubi flet horror; ego hîc in blanda pudicas
 Otia Pierides voco; ad otia blanda vocatæ
 Ad sunt Pierides; pars ramo mitis Olivæ,
 Pars mihi ferta parat pratensi è gramine, quando
 Nondum ausim è lauro textam sperare coronam;
 In medio castus mihi carmina dicat Apollo:
 Hoc placidum vitæ genus, hæc pede fausta beato
 Lustra fluvant, cæli vescar dum mitibus auris.
 Sed jam tempus adest avium prohibere rapinas,
 Pennatosque præcul scunda avertere fures
 Arbore: ad assuetam properans Ficedula prædam
 Convolat, & saliens modò & huc, modò cursitat illuc
 Vibrato terebrans dona autumnalia rostro:
 Discolor est pariter volucris, cui penna refulget,
 Pars Ebena similis, pars fulvo concolor auro;
 Est etiam qui se dulci dape passer opimat:
 Hostes tot contra supremum exponere planta
 Terriculum fat erit, media quò credere possint
 Esse aliquem, qui se venientes arceat umbra.
 Tempuserat prædatricem cum perdere gentem
 Fas erat exploso ferrata a barundine plumbo,
 Aut fraude in visco posita, laqueove fugacem
 Aprendente pedem; sed postquam dira vetandæ
 Venatum lex elapsis inolevit ab annis,
 Diversas artes, diversas querere formas
 Ediçtis agimur duris, cladesque volanti
 Ridiculas generi, & molimur inutile bellum:
 Sic filice, & paleis infarctus homuncio vasras
 Terret aves, longa que repellit arundine; sæpe

Cannabe fista, colum dextra, lævaque bacillum
 Tollit Anus: stat fronde super, pavidisque minatur
 Stupeus alitibus puer: ecquis talia cernens
 Temperet à risu? tamen assuetudine longa
 Deposuit quandoque metus, vanaeque timoris
 Deprendit causas, volucrum grex: vocibus imple
 Tum loca, complosaque manu sonitum ede, fugetur
 Quò rapidus longè populator: & improba damno
 Est formica; nigrans variis erroribus agmen (dit
 Itque, reditque frequens in stipite, summaque scan;
 Arboris, & partem paulatim abducit eundo
 Admorsum secum fructus, solæque supersunt
 Corticis exuviae, vacuas quas parva reliquit
 Prædatrix: imas idè circumdare plantas
 Proderit admoto cinere; atris quippe favillæ
 Tantùm relliquiis populatrix pestis abhorret,
 Quantum autumnales flores odere pruinas,
 Aut nebulas vineta; atque ut vineta nocentem
 Quamvis pertulerint nebulam, tamen hæret in uva
 Inditium quandoque mali, sic mellea ficus
 Materno quamvis ramo duraverit hospes
 Sæpe capit vitium, & vestigia nota relinquit.
 Siqua igitur croceo videas pallere colore,
 Et digitis una plus parte resistere poma,
 Illa malam cæli traxere a crimine labem:
 Vilibus idcirco potes hæc dimittere Vernis.
 Parte etiam pandum non parva onerabis Asellum,
 Corbis, aut costæ impositis utrinque canistris,
 Immitteque urbi: tota concurret ab urbe
 Emptum venales puerorum turba mariscas,
 Vixque sibi poterit fraudes defendere pubis
 Munera Pomonæ clam surripientis; at ipse
 Sera luce domum ære gravis se Verna reducet.
 Pars etiam tibi ferventes ponatur ad æstus
 Testa super, textis in cratibus; atque ubi soles
 Passa diu fuerit, clibano committe capaci

Siccandam ; ficca innumeros adhibetur in usus,
 Sive famem victu est animus sedare modesto
 Cum parca excusant tenues ieiunia cænas,
 Sive juvat tussi succurrere , five colorem
 Præstat pallidulo vivacem inducere vultu ;
 At cui morboris fervent hypocondria flammis
 Nec sicca poterit , nec vesci impune virenti.
 Jam ter (adhuc memini) fata spicea messuit æstas,
 Cum nos Thelliores, simul & Lydorus in agros,
 Lydorus divum interpres , castusque minister
 Quæsitum blandæ secessimus otia pacis
 Urbano procul à strepitu , vulgique tumultu :
 Utque ferax aderat , qui fruges mitigat annus ,
 Ardor erat petere omnigenas ex arbore fruges,
 Præcipuè quas ferre solet Ficulnea malus :
 Altera jamque dies processit , & altera , nobis
 Cum lapsu insinans tacito se morbifer æstus
 Applicuit , validoque æstu lentescere cepit
 Noxius in venis humor : diffusa per artus
 Segnities , tetrisque vaporibus obsessum cor,
 Et lux inductis , & mens obducta tenebris
 Jam pridem noti renovabant semina morbi ,
 Atque intestino fervebant viscera bello.
 Cautior à damno tandem , admonitusque periculo
 Rarius ad cænas donum autumnale poposci,
 Et poto mensas elande bam fonte secundas ;
 Potus aquæ nimios ficus attemperat æstus.
 Finiturus eram , nisi me revocasset iniquam
 Ars immutandi , & naturam in stirpe novandi.
 Siqua ergo audierit malè succo tristis acerbo
 Ficus apud Vernas , succos emendet acerbos
 In fitio , captas fælici ex arbore gemmas
 Crede infelici , hospitio sub cortice facto,
 Alterius ramo ; nox ulmea vincula circum
 Indito , ne ventis pateat via : rumpere siquid
 Aspicias lævi injussum de caudice germen ,

Carpe manu, illius positæ ne audacia gemmæ
Obsit, & ascensu illudat provecta superbo;
Atque hæc assiduò teneat te cura per annos,
Donec luxurians foliis, fretusque sua vi
Victor ad ethereas consurgat furculus auras.
Est etiam modus hic, quo non præstantior alter:
Tu cape sæcundam nodo gemmante sagittam,
Cui ferro tunicam non excedente virentem
Circumallude, data quò libertatè paratus
Discadat virga cortex, velut exit adunca.
Tracta manu vagina; feræ mox delige ramum
Arboris implentem mensuram corticis; atque hunc
Mox ramo immitte, atque imissum deprime, donec
Ire via ulterius sit ab arcta erepta facultas.
Sunt quibus in trunco resecatur inutilis arbor
Servat inoffensus ubi recto in caudice tactus,
Plagamque exæquant ferro parcente, deinde
Discernunt tenero vicinum a cortice truncum
Demisso cuneo, quæque est via facta novos,
Quos priùs exacuunt, in aperta foraminis ora
Malleolos adigunt, luteo dein glutine vulnus
Obducunt, pressave admoto pollice cera:
Hæc curanda tamen pleno jam vere memento
Cùm largè plantis tener omnibus humor abundat,
Quando omnis silet aura, nec imbrem cogitat aer.
Ars fuit hæc olim nostris incognita terris,
Namque Itali per se blanda indulgentia cæli
Edebat fructus curæ nullius egentes:
Fama fuit veteri in Latio infelice sapore
Versa olim poma, ob malè respondentis amorem
Vertumno Pomonæ; iras Pomona nocentes
Vertit in agricolas nil unquam tale merentes.
Non tulit id Natura parens; quin protinus Artem
Fidam operum consortem, adiutricemque laborum
Aduocat, atque modum, quo sit reparabile damnum,
Consulit; illa malis certam sperare medelam

Jussit, & d' dixit, nete ista incommoda tangant;
 Vix ea, cum Genios opera in diversa ministros
 Destināt, & vasti dimittit ad ultima mundi
 Littora, qui variq; diverso ex orbe reportent
 Fēlices plantę ramos: pars dulcia mala
 E' Cerasunte, vuam pars graia aduexit ab ora
 Cretensem, & succo ficus meliore probandas;
 Plurima preterea retulerunt semina stirpis,
 Silvestrem undē nova prolem insitione novarent.
 Hęc grati cōstiva Thelioris sede canebam
 Ille ego qui bibulis induxi flumina pratis:
 Vos, quibus est curare labor pomaria, pulchrę
 Frondibus arboreis mea cingit tempora Nymphę,



MISCELLANEA:

MISCELLANEA

CARMEN

In Legulejum Carpentem

Amores Parthenios.

Fortè malè emundæ naris, vatumque latinas
Exosa illecebras patria spatia bar in urbe;
Eccè vaser legum interpres, jurisque Tyrannus
Visus adesse mihi Labeo, & salve ò mihi salve
Doctus ait, vates, sacro qui percitus æstro
Parthenioselegis, & arundine ludis amores,
Quos puer imber bis legat, atque innupta puella:
Dic tamen, & nostris præbe sermonibus aures,
Cur tam rara tuo numeratur pagina libro?
Quàndoquidem tenera scriptum de Phyllide carmen
Et de cantata tibi sunt Amaryllide lusus,
Cur sacris lasciva ferens, & casta profanis,
Non in mane facis; vastoque abdomine, quale
Palmarem posset mensuram æquare volumen?
Tunc ego sardonico resecutus talia risu
Sic tibi protantis, dixi, pro talibus in me
Officiis auri aucupium benevertat, & omnis
Vtiliter tibi fraus, commentaque vendita cedant;
Sic tua consultum properent responsa clientes,
Quorum quotidie fiat tonsura, Patronum
Te dives velit ante alios matrona, tuas quæ
Fallendi nondum varias cognoverit artes:
Auspice te externum Rullus jam morte propinqua
Nuncpet hæredem, cui testamenta refingas,
Arbitrioque tuo fingas, redimendaque nummis
Tercentum, vertenda etiam si fortè volet res,
Proque novis dentur ducendis æra lituris.

Exi-

40
Exiguum quod ais tamen esse volumen, id ipsum
Et Puer obiecit Rutilus, qui triste severi
Orbilii sceptrum formidat, & acre flagellum;
Ut qui venales à solo pondere libros
Æstimet, ignarus quid differat Omega ab Alpha:
Nectu magne Parens legum mirere, pudicis
Quod non miscuerim lasciva poemata cartis;
Non bene conveniunt, nec in una sede locari
Cypria debuerat Venus, & Jesseia mater.
Plura locuturo, Jam nos condita, togatus
Subdidit, hora vocat; me nota ad limina dudum
Turba salutantum manet officiosa clientum:
Ire juvat; quippe est nostra hæc vindemia, quam non
Vlla interceptat grando, quam nulla perurant
Frigora, nec vexet boreas, minvatque procella:
Hæc ait, atque data prius acceptaque salute
Pallia sub cubitum sinuosa interplicat, & se
Publica composito ducit per compita gressu.
O' fatuum caput, o' ventosa cucurbita! crasso
Tunc meos Baldo versus componis, idem si
Ac foret ex cultum deducere carmen, & alta
Legibus ingestis conflare volumina? natas
Miror ego quod non lentè gradientis Afelli
Induis auriculas, siquidem est hæc pæna ferentis
Judicium malè de Phæbo, castisque Deabus.
Esse putas aliquid, vacua quod Gymnade clamas
Quidquid erat rigidi scriptum Prætoris in albo,
Quidquid barbarico blaterat sermone pedester
Bartolus, & pingui scripsit quodcumque Minerva
Nugarum Jason, & summæ conditor Azo;
Quodque rotæ Ausoniæ, violento cujus in orbe
Plurimus in longos Ixion voluitur annos,
Enucleas decreta, quibus reliqua adiice, feudos
Falcidiam, atque dolum, culpam, latamque, levemq;
Et quæ præterea Rabulæ suevere forenles
Non intelletis heu barbara ponere rebus

Nomi-

Nomina: finge tibi nostris excereita Musis
Præla, tot assiduis quot Nestor viderat annis;
Quid tamen hoc profit, tibi si conscripta latino
Carmine lecta duas absumit paginz Lunas?
Utilius fuerat tibi nulla poemata Perfi,
Utilius fuerat tibi condere nulla Catulle,
Nulla breui siquidem debetur fama libello
Sola Voluminibus post hac discrimina moles,
Et pondus facient, Labeo sic iussit habendum
Causidicus, tautum Mularum, artisque peritus,
Quantum materna nuper puer editus alvo.

*Hic Lector te monitum volo, me non in optimos
causidicos, summos Antistites, aut præses ha-
sce tres sequentes eclogas scripsisse, verum Ut
ineptorum quandoque poetarum nugæ emunctæ
naris scriptores præstrinxere, ita mihi promiscuè
super deterioris notæ pragmaticis, qui fortasse
nulli erunt, visum fuit lusitare, ut Jurispru-
dentum, & Judicum Æquitas, & sapientia,
scribarum fraudibus, & commentis à regione
positis clarius elucescat.*

E C L O G A I.

Interlocutores

Damon, Alexis.

D. **Q**Uæ patrio te rure procul, piscator Alexi,
 Tam longæ tenuere moræ? quoties ego fidum
 De te Demetam, quoties Corydona rogavi!
 Nec responsa mihi de te ulla dedere roganti.

A. Quandoquidem urgebat mala nos penuria rerum,
 Urbem adii, si fors domina arruisset in urbe
 Quæ semper vultu me fors respexit iniquo:
 Tandem post varios quibus est obnoxia casus
 Paupertas, condita operam mercede locavi
 Caufidico, quo non est vertere doctior alter
 Jura, & perspicuo tenebras inducere vero.

D. Ut video, fato sortem meliorem novasti,
 Namque rubens vultu plenoque esturgidus ore,
 Et pallor vetus, & macies antiqua recessit.

A. Nil melius nostris poterat contingere votis;
 Nec pleni Baccho cyathi, nec pingua defunt
 Prandia, dira mihi penitus valedixit egestas.

D. Humanas siquidem varius restemperat ordo,
 Nullane tam faustis appendix addita rebus?

A. Ut fatear, mihi non finit omni à parte beatos
 Ire dies pars officii mihi iussa diurni;
 Namque meus labor est ad limina stare, clientes
 Excipere, & Domino ferre, & responsa referre;
 Mentiar, à rosei primo si luminis ortu
 Villa quies datur usque ad opaca crepuscula noctis:
 Semper adest pulsans, & semper ad ostia clamat
 Ille ferens Lepores, hic raptas corte volucres,
 Sæpe aliquis vitulos à torua matre petitos.

Hilce

Hilce oculis vidi cælati aspera signis
 Uipidii famulos argentea vasa tulisse
 Subter palliolum : lex dicta ferentibus hæc est,
 Ut clam dona ferant, vastras ne inquirat in artes
 Vulgus heri, populusue dolos deprendat iniquos.

D. Silicet in solo Jurisprudentialucro
 Vertitur, & desiderio nutritur habendi.

A. Sunt etiam, qui solerti enucleanda Patrono
 Mittunt scripta superposito gratissima nummo :
 Ille datum in scriptis tacito risu approbat aurum
 Dissimulans, vertitque aliò ceu nolit ocellos, [ram :
 Seque bonum posthac spondet, memoremque futu-
 Quatuor inde notas confusæ in margine ducit
 Scripturæ & spatio inter se distantibus amplo
 Pagina lineolis absolvitur integra quinis.

D. Dic mihi, num sapiens varia perhibetur in arte
 Causidicus, novitne Sophos, & Numina Pindi?

A. Si longo excipias quod jus cognovit ab usu,
 Sic Sophiæ ambages, & dulcia carmina callet,
 Ut puer, anniculum cui nondum accesserit ævum :
 Tantùm Causidicis placet ipsa ignavia, quantum
 Aer alitibus, nativum piscibus æquor :
 Illorum si scripta leges comissa tabellis,
 Invenies illic heu barbara nomina voces,
 Quas non agnovit Latium, non approbat Arnus
 Italici pater eloquii ; mediam inter utramque
 Barbaricam rabulæ linguam invenere forenses
 Ridiculam, indoctam, quam plebs exhibet omnis

D. Credideram quotquot rabidi impacata frequentant
 Regna fori, populoque ferunt responsa petenti
 Palladia supra reliquos excellere laude ;
 Namque illos ajunt immensa volumina, libros
 Innumeros intra forulos servare repositos.

A. Crede mihi à solis frustra sapientia cartis
 Quæritur, ignavo cùm mens torpore laborat :
 Siquis erit tamen ulla cui sit portio mentis.

Tunc

Tunc vaser in melius sibi quod videt esse futurum
 Detorquet variis leges ambagibus, actor,
 Annē reus fueris discrimine habebere nullo;
 Exitus oblato litis dependet ab auro.

D. Tantarum undè tibi tam vasta peritia rerum,
 Qui modò ducebas captos ad roscida pisces
 Littora, piscatuque dies agitare solebas?

A. Ingrata quicumque moras traducit in urbe
 Sit famulus licet, aut ima de sæce popelli
 Urbanos mores, & plura vocabula novit
 Hastenus ignota agricolis: puer omnis, & ipsa
 Plebs, quæ venales explorat pollice ficus
 Scribarum indoctum genus, atque ad furta paratum
 Dignovit melius, quam notus ouilia Pastor.

D. Indocti penitus quod sint, tantumque periti
 Ad diversarum Scribæ molimina fraudum,
 Miror ego, timidèque tibi mens credula nostra est.

A. Ne mirere doli artifices, fraudumque Patronos,
 Moshic jam tota quando est communis in urbe;
 Nec minus illorum te non ignavia tangat;
 Subtiles siquidem qui se profitentur alumnos
 Palladis, & sophiæ latebras rimantur opertas,
 Apellant studium, quæ docta Academia dici,
 Atque vocant fasces, quæ dici fascia debet
 Non sua diuersis aptantes nomina rebus;
 At ne præteream quod erat memorabile primum,
 Quis risum tenuisse queat, si fortè legenti
 Occurreret, miseri qui tristia damna Souse,
 Fataque mille iocis rerum narravit ineptis?

D. Vè tibi, si quidquam populorum adstante corona
 Huic simile excideret, vel si tua pagina falso
 Morderet lusu hac fatuas de gente mariscas;
 Protinus ad gelidose xul tua carta Batavos
 Iret, & Aufoniis proscriberetur ab oris.

A. Hæc sint dicta ioco; curas repetamus inanes,
 Nugasque, & plebis deliramenta forensis.

D. Plura

- D.** Plura quidem memorare potes, quæ fraude clientes
 Decipere, & dubias soleant producere lites,
 Verba quot erasis expungant scripta tabellis;
 Verùm Thelioris juga post nemorosa ruens Sol
 Colloquiis monet alternis imponere finem;
 Plurima de populo faciemus verba togato
 Crastinus eoos cùm Lucifer advehet ortus.
- A.** Ut lubet, incæptam cras perficiemus inepta
 De gente historiam, & meritos reddemus honores;



E C L O G A I I.

Acon, Iolas.

- I. **C** Vitu nuper Acon lætas in vitibus uvas,
 Rubraque textilibus portabas mala canistris?
 A. Causidico condita tuli munuscula, namque
 Lis mihi de tribus est raptis à fure capellis.
 I. Infælix o Pastor! oves raptasque capellas
 Utilius poteras sævo dimittere furi,
 Causidici quàm furta pati pejora; putasne
 Purpureis pomis, & lecta in vitibus uva
 Illius ingentes tibi conciliare favores?
 A. Est etiam parvis sua donis gratia; vidi
 Judicis antè pedes, metuendumque antè tribunal
 Vimineis gemere in caveis quandoque columbas;
 Quodque sine ingenti non est memorabile risu
 Orabat raucis causam clangoribus Anser;
 Adde quod & parvo mihi munera parua tætere.
 I. Non ego diffiteor, quin parvæ tenuia dona
 Impensæ tibi sint, verum repetita nocebunt,
 Et lis prouentus dilata exhaustiet omnes.
 A. Ille ubi conspexit cistis allata salignis
 Munera, cæpta hodie non hebdomas, inquit abibit,
 Asservisse tibi tua cùm me armenta videbis;
 Atque hæc dicta mihi per sacramenta sponpondit.
 I. Hæc tibi quinquagies repetet, cras & fore dicet
 Finem litigii, donec penitus tibi totos
 Emungat loculos, & opes absorbeat omnes
 Ingenti quas rura ferunt exercita cultu:
 Nulla fides legum rabidis, pietasue Tyranis.
 A. Urbanos quæ causa fuit tibi noscere mores,
 Præcipuè quorum toga publica compita verrit?
 I. Lis mihi de prato fuerat cum divite Rullo,

Et

- Et si preteritos casus, exemplaue species
 Jura mihi primas tribuebant omnia partes:
 Succubui tamen, atque stetit victoria Rullo:
 Empta tamen magno; nam mittere dona solebat,
 Quanta potest cui census, & ampla domestica resest:
 Hinc clades fecere, & me mea damna peritum.
- A. Amissi te prati angit jactura, forenses
 In gentes idè exerceas odia aspera; nonnè
 Regnaret populos feritas impune per omnes,
 Ni populos Themis adstrictis cohiberet habenis?
- I. Jura quidem Themidis laudo, sanctique senatus
 Edicta, at veterum decreta eversa Parentum,
 Fraudes in verbis positæ, notulæque bilingues,
 Divitibus favor indultus, miserisque negatus
 Acrem scriptoris ferulam, scuticamque merentur.
- A. Si nou vana refers, si non imponis Jola,
 Non hac in toto gense est furacior orbe.
- I. Plura quoque, & majora forent memoranda, sed iste
 Ne nobis etiam malevertat sermo timendum.
- A. Nil est quod metuas, Iudex hic nullus, & ullus
 Non est spectator; quin differe, si qua supersunt.
- I. Quando iuvat, tibi partim audita exponere pergam,
 Partim visa; nec ista putes in somnia noctis
 Hesternæ, aut similes illis, quas sæpe solemus
 Fabellas rerum cupidis narrare Puellis:
 Ficta forent ut inam, vel quæ sunt publica vota
 Nullus Pragmaticus, nummiue fuisset hyrudo,
 Nullus & ex illis, qui testamenta resignant,
 Nullus & ex illis, qui vasti dogmata juris
 Tradunt, ingenti juvenum stipante corona:
 Doctrina hinc didicit prava formata iuventus
 Abdita Cæsarei violare oracula juris,
 Et veteres, getico verbis ex orbe petitis,
 Vertere scripturas nil unquam tale locutas.
 Ah quoties ficta fecere cadavera voce
 Sæpe loqui, arbitrioque suo scripsere vocatos.
- Hære:

Heredes; quoties recitarunt dispare sensu
 Caufidici tabulas, & lectis nullibi concors
 Pagina respondit! non illos arcta popelli
 Conditio potuit solitis avertere furtis,
 Non Themidi jurata fides, non terror ab ullo
 Iudice, non vindex supremi Numinis ira:
 Et tamen urbana siquem de gente requiras,
 Cui sint in centum porrecti iugera fundi,
 Pocula cui caleant, & pingua prandia fument,
 Scriba erit, aut aliquis populi de fece forensis:
 Nos miseros, quorum sunt vota modesta, Colonos
 Et quibus innocuum sine crimine ducitur ævum,
 Perpetuæ afficiunt clades, à Theutone longus
 Sollicitat terror, repetendaque fortè tributa,
 Res angusta domi premit, & sælicia siquas
 Rura ferunt fruges, siquos vineta racemos
 Sæpè repentina rapit inuida grando procella:
 Nulla nocet Rabulis frugum penuria, nullus
 Turbo, nec hybernæ formidant damna pruinae
 Quæ crescunt variis patrimonia magna rapinis.

A. Nil ergo utilius fuerit, quàm se addere magno
 Scribarum numero, & causas orare clientum;
 Sit malè Pieridum studiis, quibus assolet ire
 Paupertas semper comes, atque miserrima vitæ
 Conditio; plus ignavi malesuta Patroni
 Scripta valent, quàm *smyrnei celeberrima vatis*
Ilias, & summus divinæ Eneidis auctor.

I. Urbem quandoquidem fatuâ populumque minorem
 Offusis premit ignorantia crassa tenebris,
 Nil mirum, veteri si Bartolus ore locutus
 Nescio quis docto Mantus præfertur alumno.

A. Hæc pæna indocti est, nequidquam agnoscere posse
 Quid pejora bonis, pulchris deformia distent.

I. Cum de musarum studiis, Latiaque minerva
 Res agitur, palmaris eos ignavia vincit;
 At loculo implendo cum se dolus aptior offert,

Pro-

Protinus aspecto quævis signauit lucro
Exiit, sapiensque dolo fit scriba reperto.

A. Ut uideo hinc rerum seges altera crescit, & altas
Interea medius nemorum Sol contrahit umbras:
Ulterius ne tende; satis scelera impia, uersos
In pejus mores, & iniqua acceperimus ausa:
Quod superest, siquidem in toto nil sanctius orbe est,
Sic Rabulas fido, scribasque colemus amore,
Ut lepores Canis, agna Lupos, & Cerua Leones.



E C L O G A I I I.

Acon, Iolas.

- A.** **H** Esternus dira veniens ex urbe Menalcas
 Rettulit, iratos nobis mala multa minari
 Causidicos, quoniam illorum ridere loquaces
 Audemus nugas, lepidisque laceßere dictis:
 Quam vereor ne (seva ferant procul omina venti)
 E' nobis duras meditentur sumere pœnas.
- I.** Silicet extremę proscripti ad littora Thules
 Ibimus in mores plebis quod pauca forensis
 Lufimus, & verum discussa ostendimus umbra?
 Non hoc de vobis pietas sperare jubebat
 Vestra Patres, patrii juris, legumque periti,
 Et vos qui lacero Themidis propè limina scribæ
 Palliolo rigide duratis frigora brumæ;
 Sed timor etherias fors hic vanescet in auras,
 Et puto vos nobis tantummodò velle nocere,
 In fontem verso cum Cingulus amne redibit;
 Hoc amor, hoc probitas, vestra & clementia spondet.
- A.** Non satis est quod Causidicis sale multo, & aceto
 Hæterna lucem fricisti luce, nisi illos
 Irridere velis? cave ne te in carceris antro
 Interiore locent, aut ad suspendia mittant;
 Ipse sibi hanc cladem, mala noster & ista Menalcas
 Illorum tetricos dixit prædicere vultus.
- I.** Si scelera obiicimus Rabulis artesque dolosas;
 De scelere objecto culpamur, & arte dolosa;
 Horum si meritis laudes persolvimus æquas
 Irridere putamur, & acri illudere versu;
 Quid faciam dubito, meaque est sententia discors.
- A.** Dicentis rectæ quæ sit sententia menti
 Proditur è vultu; variis dum laudibus illos

Accu-

Accumulas, laxis exsolveris ora cachinnis,

1. Esto, quod officii causa (nunc seria verba
Eloquor, & teneo risu exire paratos)
Esto, quod officii causa data sumere dicam
Munera Pragmaticos, quis si sit stultus, & excors
Credulus esse velit? jurabo vocabula cartis
Erasa, ut sensus, melioraque verba reponant,
Quis præstare fidem poterit? patrimonia casus
Auxit, fortunæque favor, non publica furta;
Urbs me mendacem, me Curia tota vocabit;
Quo pacto aonia docti dicentur in arte,
Qui nec metiri, nec recto inflectere norunt
Ordine versiculos? si non erit ille Poeta,
Saltem erit Orator; latet hunc sed scripta latinè
Syllaba, barbarico notescit pagina tantum
More notata; quid esse putem, benevertere semper
Quod lis divitibus solet, & malè cedere contra
Pauperibus nisi quod sic omnia jura ferebant?
Fabula sed teneris hæc est narranda Puellis
Antè focum, dum noctu hyemes vigilamus iniquas:
Ipse vides rerum quonam in discrimine versor.

A. Si quando tibi consultum continget adire
Causidicos, ut sæpè solet contingere cui res
Est comissa domus, aut si lis ulla resurget,
Quam non vindictam, quæ non tibi facta reponent
Improba, pro falso quo tu sermone jocularis?

1. Et mihi dum rubro cum Tyrside prælior ovo
Liserat, & senior nisi composuisset Amyntas
Prælia, ad urbanum litem deferre Patronum
Mens fuerat, rem judicio qui expenderet æquo;
Nulla mihi à Rabulis est justæ causa timoris:
Quin nos officiis colere, atque faventia verba
Dicere debuerant, quod nostro carmine vincti
Ingentem trans Oceanum glacialia visunt
Littora, & Aonia florentes laude Batavos.

A. Quando tui mordax excivit Musa forenses,

Quis scit an ex illis tibi non irata remittat
Verba aliquis, metri in morem, legemque coacta?

- I. Esse aliquem credamne illa de gente disertas
In nos qui musas pugnacibus armet Iambis?
Cum sic ausonias gens calleat illa camænas,
Ut tardia iuratus Sileni vector? at horum
Esto aliquis doctos meditetur condere versus,
Qualia conficiet sed carmina? qualia vicis
Assolet in mediis raucus cantare Baty'lus,
Dum mendicato victum sibi comparat ære.

- A. Utilius me colloquiis desistere, Iola,
His erit, hæc dominam ne si fortè uilus in urbem
Deferat, & pæna quoque nos multemur acerba;
Jamque iter ad patrios tempus condicere pagos.
I. I felix, memorique animo mea dicta reconde,
Et Rabulas super omnia pragmaticolque memento
Ambire obsequio, & tibi deuincire merendo;
Hoc tantæ sibi poscit honos, & gloria gentis.



Rivus profugus.

Amaryllis, Phyllis.

Ad A. R. P. Nicolaum Parthenium Giannettasium Societatis Jesu.

Qui priscos Musarum, & avitæ laudis honores
 Asseris Ausonice, atque in pristina jura reponis,
 Parthenie, antiquum Latii decus, hos tibi lusus
 Ludicra Nympharum rescentes bella dicabam:
 Quandoquidem tenues mihi non ad grandia vires
 Munia sufficiunt, profugi cantavimus amnis
 Desertricem undam, quam cæpto avertere cursu
 Vsa tuo tantum potuisset carmine Phyllis,
 Freta meo frustra tentavit carmine Phyllis:
 Tu placido nostrum vultu dignare laborem,
 Quæque potes, levibus plena adiiice pondera rebus.

Nuper deserto Fons transfuga Phyllidis agro
 Ibat servitum roseis Amaryllidis hortis:
 Mollibus hæc ergo illecebris, atque illice cantu
 Fontis aquam patria retinere laborat in ora:
 Illa fed iratæ similis, similisque minanti
 Nil valitura facit profugo conuicia riuo:
 Hæc Amaryllis, & hæc jactabat candida Phyllis
 Fluminis ad viridem diverso è gramine ripam.
 A. Lucidior glacie, placida tranquillior aura
 Fons, & Narcisso spectata pulchrior unda;

Et mea contempta si Phyllide rura rigabis
Splendidior vitro, atque electo purior ipso.

Ph. Frigidior glacie, rapidaque fugacior aura
Fons, & Narciso uisa fallacior unda;

Et mea ni uersis irrores prædia lymphis
Lentior electo, vitroque rigentior ipso.

A. Sic tibi feruentes æstas placidissima soles
Temperet, atque tibi, mala Rivule frigora parcant;
Sic tibi nulla hominum uestigia, nulla ferarum
Vitrea tranquilliturbent arcana profundi.

Ph. Torrida sic rapidis urat te solibus æstas,
Adstringatque rigens glaciali compede bruma:
Sic tibi pastorum, & uestigia pressa ferarum
Oblitas patrii perturbent littoris undas.

A. Este viæ faciles; nec eunti occurrere rivo
Vos scabra fæxa, & vos folia arida deflua ramis,
Et vos excussi boreali turbine rami.

Ph. Vos inhibete fugam, celerique obfistite rivo
Objecti lapides, laplæque ex arbore frondes;
Cæcum iter ambages, & dura repagula tardent

A. O' mea si longo recreabis jugera potu,
Quas non blanditias, & verba fauentia dicam?
Tu fletus Nymphæ miseros lugentis amores,
Tu dryadum communis amor, tu Rivule nostri
Diceris ruris medio solamen in æstu,
Floribus undè redit decor, & sua gratia; quin tu
Non adeò es fons pauper aquæ; te littora vidi
(Verna darent animos cùm tempora) littora vidi
Alta licèt spumisa spargere; te quoque dicunt
Amnem Pastores, & ego sum credulus illis:
Nec satis hoc; vario de flore fragrantia nectam
Serta; caput uiolis cinctus, canisque ligustris
Pulchrior incedes per florida rura, tibi que
Naias adjunctos gratabitur omnis honores:
Mentiar, inuidia mæstas nisi tabidus undas
Cingulus euoluet, quamuis de carmine uatis

Ille sui, modò sit patriis celeberrimus oris.
Ph. Si fors te cæpto potuisssem auertere cursu,
 Quæ non uerba dedi? quò fers vestigia dixi,
 Quò properas ingrate? quid ah, quid patria rura
 Deseris, ignotasque procul contendis ad oras?
 Quàm melius fuerat natiuo rure vagari,
 Nec longis fessas tenuare erroribus undas:
 Nunc te nulla uiq; lassarent tædia, nullum
 Puluerulentus iter faceres: incommoda quanta
 Prætereunda loca, & uiolentior afferet ardor!
 Pars non parua tui variis exhausta peribit
 Cursibus, ingenti pars absumetur ab æstu,
 Partem intercipiet ruris viciniæ, partem
 In sua quæ vertet te Amaryllis prædia, donec
 Humentem pones animam longinqua per arua,
 Solaque, qui fueras, sterilis monstrabit arena,
 Glareaque infælix: tum sicco in littore sidens
 Illudet tibi Pastor, eras & tu quoque dices
 Olim rivus aquæ, qui fastu elatus inani
 Sperabas te posse viæ tolerare labores,
 Sperabas te posse æstus durare diurnos;
 Verùm te primis tua vis defecit in ausis:
 Hæc tibi pastores facient, hæc iurgia Nymphæ;
 Et meritò, quoniam sordent tibi prædia nostra.

A. I fons, & cursus properans intende secundos
 Quò sitiens vocat herba, vocant quò blanda vireta:
 Non inter tribulos, aut horrida lustra fluentes
 Dispensabis aquas, sed flores inter amenos,
 Et florum suaves spatiaberis inter odores:
 Quin ubi formosi in medium perueneris horti
 Accedet noua fama tuis, & gloria lymphis:
 Æratis illic tubulis prouectus in altum
 Edita marmoreæ scandes fastigia molis,
 Et reliquos infra te amnes, fontesque videbis
 Subdita despiciens uiridaria: quis reliquis tum
 Sensus erit riuis, tacitus quia mæror, aquarum

Te supra fortunam, & ad astra uidentibus ire?
 Ph. Ne te, ne ueris capiat maletuta uoluptas,
 Fons, & diuerso uernantia flore uireta:
 Illic nulla quies, & nulla tibi otia fæssæ
 Contingent: uariis hac illac flexibus ire
 Amissa frustra te libertate querentem
 Dura adigent iussa agricolæ; bibet arida tellus
 Humorem, bibet alta suis radicibus arbor,
 Squamigeræ limosa bibent uiuaria gentis;
 Interea scissæ te tot dispendia uenæ,
 Et facient tot furta inopem; si sculpta figuris
 Saxa canaliculis ascendes ductus ahenis,
 Quot tormenta feres! summa cum mole uolutus
 In præceps liquida asperges subiecta ruina
 Marmora, quis timor, & lapsu qui terror ab alto!
 Verte aliò cursus, insueto non bene cælo
 Creditur; ipse etiam nunc meret Cingulus, illum
 Pœnitet, inceptæque uiæ, Patriæque reliquæ.
 Aut hoc, aut simili mulcebat carmine fontem (eunte
 Pulchra Amaryllis, & hoc quoque carmine Phyllis
 Sperabat se posse suos diuertere in agros:
 Parthenii sed ubi riuo præconia uatis
 Blanda spopondit, & insolitos Amaryllis honores,
 Fons tenuit ceptos neglecta Phyllide cursus.

Fraga Amico dono missa sub Autumnum.

Menalcas Amyntæ.

Alpibus in gelidis læta hæc tibi fraga Menalcas
 Mittit, & esse sui dat non leue pignus amoris;
 Parua quidem fateor munuscula, sed bona dantis
 Quæ mens accessit donis, & amica voluntas,
 Plus tua quam missum puto tanget pectora munus.
 Purpureos ypreta legens per inhospita fætus

Quæ

Quæ non alpini toleravi incomoda cæli;
 Aeris insuetum frigus, vigilataque noctis
 Tempora sub dio, & primo sub mane pruinas:
 At quia solus eras mihi causa laboris, Amynta,
 Nil me perpeffum frigus, nil tristia noctis
 Tædia, nil matutine movere pruinae.
 Adde quod incæpto me grandinis ira sub ipso
 Terruit, in clemens Boreas, & jam gravis alto
 Axe ruens imber; crudeles parcite vos o,
 Dicebam, venti, ruituræ parcite saltem,
 Dicebam, pluviæ, lectis dum fructibus ait
 Accumulem calatos, qui mox mittantur Amyntæ:
 Uix ea fatus eram; pluvias sensisse putares,
 Auritosque Notos; deterfis nubibus ether,
 Risit, & aprici tranquillior aura favoni
 Discussit densas pelleſto Sole tenebras. (bas
 Haud procul hinc, medias rutilant ubi fraga per her-
 Pisa virent teneros nondum anſa recludere folles:
 Mitia ſi fieri, dubioſque evadere caſus
 Autumni poterunt, tibi & hæc mitemus, & illa;
 Tu modò miſſa bono dignare hæc munera vultu.

O V A R U B R A

Ad A. R. P. Vincentium Vivianum S. Jeſu.

Pingendi unde rubro mos venerit ova colore,
 Dum placidus teneras veris tepor evocat herbas;
 Accipe Vincenti. Quondam de crimine ſummi
 Faſta parens Læda eſt, ſi vera eſt fama, Tonantis:
 Illa prius gravidam quàm faſtu exſolveret alvum
 Fæmineo de more cibus inhiabat ineptis,
 Pluraque non iſtos querenda petebat ad uſus;
 Quodque magis mirere, rubris ſuper omnia pomis;
 Atque oſtro ſimili delectabatur Jaccho:

Et sua luminibus fuerat malefana voluptas,
 Namque illa aspectis sese recreare pyropis
 Sueverat, idaliisque rosis, nytidoque tabellis
 Illusis minio, & conchili murice, blandos
 Antè oculos roseus semper rubor ibat, & illum
 Mente revolvebat noctuque, diuque colorem.
 Menstrua Luna suum novies impleverat orbem;
 Eccè puerperio gemini se pulchra resoluit
 Nympha ovi genitrix, & quo foret uia marito
 Nota dedit documenta; novum quin alba ruborem
 Sollicita vanæ signata cupidine matris
 Extra testa tulit, desideriumque remanfit
 Impressum pictis, quod Læda favebat, in ovīs.
 Protinus Argolicas iit improba fama per urbes
 Furta canens Jovis, & tanti miracula fasti
 Vix habitura fidem; fieri pars posse negabat,
 Pars quorum melior steterat sententia menti
 Vera fatebatur, nam Matrum dira cupido
 Assollet in fætu sua sæpe relinquere signa:
 Ex illo inventrix nugarum Græcia, cæca
 Sive superstitio, novitas seu talia suavit,
 Purpureo instituit pingenda colore quotannis
 Ova coloratos Lædæ referentia partus;
 Missus ab inachiis dein post breve tempus Achiuis
 Mos hic Ausoniis etiamnum perstat in oris.

F I N I S.

IMPRIMATUR.

Aloysius dalla Rosa Vicar. Gen. Parmæ.

IMPRIMATUR

Vicar. Sancti Officii Parmæ.

V I D I T

Præses Cameræ.

A M O R E S
P A R T H E N I I.

A M O R E S
P A R T H E N I A

A M O R E S
P A R T H E N I I

ECLOGIS, ELEGIIS,
ET LYRICIS EXPRESSI

A

T H O M A
R A V A S I N O

P A R M E N S I.

Editio II.

Auctior, & emendatioꝛ.



P A R M Æ,

Ex Typographia Oſtavii Roſati M. DCC.
Superiorum Permiſſu.

A M O R E S

PARTHENII

ET LIRICIS EXPRESS

ET LIRICIS EXPRESS

T H O M A

R A V A S I N O

P A R M E N I S I

FORM II

ANNO, C. MCMXXIV



P A R M E N I S I

UNIVERSITY OF CHICAGO
LIBRARY

REVERENDISSIMO PATRI

TYRSO GONZALEZ

SOC. JESU PRÆPOSITO GENERALL

A

*Gricolis ea officiorum vicissitudo cum
 Plantis intercedit, Reverendissime Pater, ut
 illi suis quidem laboribus, ac studiis planta-
 rum incrementa provebant, & ubi adultior
 etas*

ætas accesserit, ad fecunditatem laceſſant, illæ verò impenſo ſtudio facilè obſequentes opulenta colonis reſpondeant ubertate: Verùm irritus cùm labor Agricolas, tùm plantas conatus fruſtraretur, ni quidquid molitur ſolertia, aut medietur natura, perficeretur à ſole. Uſqueadeò illud Orbis vitale jubar ſublunaria omnia recreat, atque alit, ut quanta flores venuſtas, & quantacumque fructus commendat jucunditas, ab inexauſto lucis fonte corripitur, illique debeatur. Nos obſimili haud planè ratione adoleſcentiæ noſtræ primitias tibi offerimus, ſed informes adeò, ac mendoſas, ut injuria potiùs, quam adeptæ fertilitatis laude cultores viderentur afficere, niſi à Te plurimum decoris, & maturitatis eſſent aſſecuturæ. Sanè pudet me Patres Soc. Jeſu ſolertiſſimos juventutis meæ inſtitutores, tam exiguo proventu, ac propè nullo eluſiſſe: At acceſſionem gloriæ hoc faciet illiſque dandum erit laudi, quod contumacis pervicerint arbuſculæ ſterilitatem, atque in hos qualeſcumque fætus erudierint. Haud me latet cum plures non defuturos, qui hæc tenuia non dicam munera, ſed obſtriçti animi monumènia infra

Te,

Te, ac tuam dignitatem prorsus posita esse arbitrentur: Verùm cuinam potiori titulo Poësim latiali cultu elaboratam, quàm inclytæ Jesu Soc., & quod caput est, Tibi, qui Tanti, atque adeò ubiq; terrarum præclarissimi Ordinis summum summa cum laude diutenes Regimen, dicatam vellem? Nemo, si à tuis discessero, aut ferè nemo impensius nativum Latii sermonem colit, atq; amplificat; quo planè nomine universus Orbis à Barbarie vindicatus Vobis plurimùm debet; in primis autem Italia, ubi vernacula adeò dialectus invaluit, ut nisi vestra obstitisset sedulitas, latinum idioma, aut indecorè obsolevisset, aut propè in situ jaceret. Reliqui carminum Scriptores non tam me voluminis mole, quàm dictionis elegantia longo post se relinquent intervalllo: Tametsi hoc uno eos mihi decessisse gloriabor, quod nec Patronum aliundè suis operibus adscitum, aut humaniorem optaverint, aut illustriorem promerverint. Et quidem ab ipso argumento ea mihi imponebatur necessitas, ut casti lusus Viro integerrimo, sacri Religiosissimo, suo pte titulo commendabiles heroi virtutum omnium genere ornatissimo nuncuparentur. Quod si justo fiden-

tius

*tius tantum mihi adsciscam Mecenatem, id tue
potissimum benignitati, R. P., tribuendum est,
quæ faciliorem ad Te mihi aditum fecit. Vale,
& totius Orbis Christiani, & clarissimæ Jesu So-
cietatis, cui præes, bono vive.*

Addictiss. Humillimus, & Obsequentiss. servus.
THOMAS RAVASINVS.

ECLOGA I.

67

Parthenici Clientis fœlicitas .

INTERLOCUTORES

Meliseus Vinitor, Sincerus Olitor.

M Irabar Syncere tuo dum nuper in horto
 Manè vagor, partesq; oculos dimitto per omnes
 Occurrant veris si fortè exempla futuri,
 Undè novus diffaret odor, redolensq; tepentis
 Spiritus halaret Zephyri; quæ florea, dixi,
 Inſinvata meis blanditur naribus aura?
 Ecce repercusso patet facta rosaria Sole
 Ante diem proprios formæ excellentis honores
 Extulerant, & (quod miror magis) apta creandis
 Temperies aderat nondum mitissima rebus.
S. O Melisee, Parens nobis hæc tempora fecit
 Parthenis, hos postquam superè sacravimus hortos
 Parthenidi, rigidi mos invariabilis anni
 Vertitur, invitaſq; hyemes clementior æther
 Prævenit; illa meis avertit floribus iras
 Ventorum, illa meis indulget floribus omnes
 Veris divitias, cœli, terræq; favores.
M. Silicet illud erat, dominam quodd nuper in urbem
 Venales primo flores sub manè ferebas;
 Pallentes violas, pictos lugubre hyacinthos,
 Purpureasq; rosas: hinc est quodd divite cunctos
 Proventu superas, quot habet vicinia campos:
 Hinc te nulla fames, aut nulla exercet egestas,
 Quæque solet reliquos mala fors vexare colonos.
 Nostra [fatebor enim] vix nobis rura per annum
 Suf-

Sufficiunt alimenta; mihi porrecta per ingens
 Excurrunt spatium vineta; incommoda foetus
 Pampineos sed quanta manent! nebulis modò primi
 Depereunt flores, modò spem mentita retortos,
 Vva in capreolo transit, sæpe humida cœli
 Temperies, improtestis sæpe officit uvis.
 Æstivus vapor, aut istas si evadere clades
 Contigerit, quandoq; ruens rupto æthere grando
 Corripit à sero quidquid speravimus anno.

S. Ante ingrata meo viridaria sæpe labori
 Optatis fuerant malè respondere; novelli
 Prodierant flores? flores riguere: recentes
 Prodierant gemmæ, variaq; ex arbore frondes?
 A glacie frondes, sunt gemmæ à frigore læsæ;
 Omnia delusis ibant contraria votis:
 At simul ac stellis morem, venisq; protervis
 Imposuit Virgo, contractum supputat annus
 Mensibus hybernis spatium, lætissima tellus
 Injussasabit in flores, vestitaq; vernis
 Ridet hyems violis, nec se cognoscit in illis

M. Haud equidem invideo, potius cœlestia miror
 Hæc horti portenta tui; tibi sed favor undè
 Tam facilis Divùm, & superæ indulgentia Matris
 Tam studiosa tuis ultro succurrere rebus?

S. Imprimis quascumq; novi clementia veris
 Protulit, instructis Divæ suspendimus aris
 Primitias, quas consuetas prævertere Lunas
 Assiduo cultu, atq; impressis urgeo rastris.
 Nullusabit mensis, quin ullo munere pactum
 Affirmè obsequium; quantumvis parva, tamen sunt
 Munera grata illi; primo cum nupere eo
 Quinque rosas læto depictas murice, puro
 Quinque alias candore, aliasq; colore rubentes
 Sanguineo, castæ ferrem Genetricis ad aras
 Illam ultro nostris, vultu arridere sereno
 Muneribus vidi, vel me vidisse putavi;

Esto

Esto quod eludens oculos deceperit error ;
 Ex illo tamen , insolito mihi pectus amore
 Carpitur , & flammis cor à cœlestibus uror.

M. Fortunate puer , pretium cui tale laborum ,
 Nec minor optatis fors contingit ; ò ego tantum
 Si Virgo sperare tuo de munere possem ,
 Nulla prior nobis foret isto cura labore.

S. Ne metuas , tua quin vultu dignetur amico
 Parthenis officia , ingenuus modo candor , & insons
 Officiis accedat amor ; non illa coloni
 Pauperis obsequium , aut inopis munuscula Verne
 Despiciat : assiduo quoque tu cognoscere cultu
 Ne dubites , & virgineam precibus Genitricem
 Conciliare tuis , pro talibus illa rependet
 Plus solito faciles lunas , sine nube serenos
 Autumnos , ditemq; novis proventibus annum.

M. Una mihi reliquas inter lætissima vites
 Est Apiana , minùs Domini quæ fallere sœvit
 Vota sui ; Octobrem cum serior advehet annus
 Hanc simul , atq; hujus teneram sacrabimus vnam
 Virgineæ Matri , pignusq; sit ista deinceps
 Ut nos semper amet , nam semper amabitur illa ;
 Ite procul re iquæ quot habent vicina puellæ
 Rura , Nape , Phyllis , Galatea , Nigella , Lycoris !
 Nulla meos posthac ex vobis speret amores ,
 Sola meos Virgo sibi nam modò poscit amores.

S. Quàm tibi luce dies fuit hæc fœlicior omni ,
 Qua primùm casto Divam cognoscis amore :
 Non favère tuis magis unquam numina rebus ;

M. Non si me bifero vitis fœcunda bearet
 Palmite , tanta meum pertentent gaudia pectus
 Quanta mihi manat cœlesti ab amore voluptas.

Talibus agricolæ prono jam Sole cadentem
 Detinere diem , quin plura iterare parabant :
 Cùm tandem extremo rubicundus Vesper olympo
 Fulsit , & optatam nox abstulit invida lucem.

illi converso parva ad magalia gressu
Per calles iter, & compendia nota ferebant.

ECLOGA II.

Parthenii erga Deiparam amoris certamen.

Lysias Olitor, Alcon Vinitor.

Vitreus herbosos quâ præterlabitur agros

1.

2.

Cingulus, & media Theliorem interluit unda
Constiterant olitor Lysias, & vinitor Alcon;
Florentes annis ambo juvenilibus, ambo
Experti dulces iessæ Virginis ignes;
Cum Lysias; quàm me superæ sacer ardor adurit
Parthenidis; mihi quàm cor æstuat! excipit Alcon;
Ille iterum: vix flamma locum, quò crescere possit
Hæc habet: & nostro vix est in corde relictum
Alter ait, tanto quò progrediatur amori.
Talia dum crebro iactant sermone vicissim
Et voces iterant varias, suspiria miscent
Vocibus, alterniq; pari certamine cantus
Virgineam geminata vocant in vota Parentem;
Hæc Alcon; his est Lysias Alcona secutus.

A. Dulce mihi illæsas nebulis, gelidaq; pruina
Adspicere suas lentis in vitibus vuas:
Dulce sed a flammis magis est cælestibus uri.

L. Me, fateor, variis oblectat floribus hortus,
Quiq; odor aprico veniens aspirat ab horto;
Plustamen oblectat superæ me Virginis ardor.

A. Qui

1. *Apennini torrens.* 2. *Villa ad Apenninum sita.*

- A. Qui volet infomnes animo dimittere curas,
Lætâq; tranquillè producere tempora vitæ
Ille amet, ille tuum Virgo experiatur amorem.
- L. Qui volet assiduus ingratos condere Soles
Ærumnis, mæstisq; animum tabescere curis
Non amet ille, tuos nec Virgo curet amores.
- A. Non ita suspirant gelidos viridaria rivos,
Cum parcastacita se ros suspendit in herba,
Ut mea te longis suspirant pectora votis.
- L. Non ita post madidos imbres, austrosq; tepentes
Vinea purpureis recreari Solibus optat,
Ut desideris exposceris unica nostris:
- A. Carior una mihi, mihi gratior omnibus una es,
Nam te nobilior, nec te prestantior ulla
Visa, nec ulla tuæ visa est accedere formæ.
- L. Communes in te sola es quæ vertis amores,
Nam nil dignius est, nec amari dulcius usquam
Orbe patet toto, cæloq; quod imminet orbi.
- A. Quidquid habet pulchri, quidquid natura de coris
Uni prima tuæ cedit præconia laudi.
- L. Nec quæ versicolor nubes discriminat Iris,
Nec cum mane rubet tibi par aurora videtur.
- A. Qui te Diva Parens nocturnis comparata astris
Fallitur, es nitidis nam tu speciosior astris
- L. Qui tibi nascentis componit lumina Solis,
Errat, enim est roseo major tua gratia Sole,
- A. Ferreus ergo foret, qui te cum posset amare
Nollet, & ipse suos alio converteret ignes.
- L. Stultus & ille magis, qui à te cum posset amari
Maluerit versis aliò deflectere votis.
- A. Fælix qui primis tibi se devovit ab annis
Impendens famulam longæva in tempora vitam.
- L. Infælix nocuos qui vergetatis in usus
Transulit, atq; tuos cognoscere noluit ignes.
- A. Quid te blanda Parens sit amare, expertus amorem
Antè tuum nisi sit, nemo est qui dicere possit.
- L. Quid

- L. Quid verò sit amari, & te quoque rursus amare
Expertus vel sit, nemo est qui dicere possit.
- A. Ontinam tantus me sensim absumeret ardor,
Dulcè foret tali paulatim ardore perire.
- L. Aut vivam, aut moriar (sic tu mea vota secundes)
Te sine Diva mori, sine te nec vivere detur.
- A. Spiritus hæc dum membra reget, nil præter amare
Succurrat nostris, queat aut contingere votis.
- L. Aut mihi non ullæ rapiant præcordia flammæ,
Aut mihi sola tuis urantur pectora flammis
- A. Cum mihi non reliquis fueris prælata puellis
Tunc grauib. nebulis, & iniqua grandinis ira
Vapulet Autumnus, commisasq; semina terræ
Non responsuri culpent mendacia sulci.
- L. Immemori tunc te deponam Partheni mente,
Cum flores autumnus, hyems cum torrida spicas,
Ver dulces vuas, mites feret æstus olivas.
His, & mille aliis implentes aera dictis
Agricolæ castos lamentabantur amores:
Audiit, & fundo vitreum caput extulit imo
Voluere penè suas oblitus Cingulus undas.

ECLOGA III.

Virginis patrocinium implorant

Menalcas, Demetas vinitores.

3

M. **I**lla ruens gelidi nuper de vertice Spurni
Grando fuit nostris innoxia vitibus: almæ
Gratia Parthenidi, cujus tutela fauorq;

Siquid

; *Apennini mons;*

Siquid triste parat, siquid malè cogitat æther
In melius vertit, vel ab his eliminat oris.

D. Nil magis illius quam nos custodia præsens
Sospitat, ærumnis nos hec communibus una
Vindicat: è patriis veniens modò villicus agris
Narravit Lycabas, sua quamvis proxima nostris,
Sic vineta ferox quod adusserit aeris ira,
Ut sibi nil, præter lacrymas, mæstosq; dolores,
Et vanum desiderium, curasq; superfit.
Addidit impacta decussas grandine vites
Subjectos propria campos stravisse ruina,
Qualis prima solet sub acutæ tempora brumæ
Squallida deciduis substerni frondibus arbor.

M. Haud equidem miror, superùm contemptor & equi
Est Lycabas: non ut reliqui suevere coloni
Votivis cumulat donis altaria: tantùm
Cælicolas curat, quantùm vineta pruinæ,
Aut quantùm rigidas cautes alpina pruinas.

D. Silicet hæc illi pro talibus æqua rependit
Numinis ira: suis ultores flectere posset
Officiis, facilesq; sibi promittere Divos:
Ipse sed inversam studia in contraria mentem
Dividit, & nocuos aliò traducit ad usus

M. Adde quod infidos vafræ profitetur amores
Phyllidis, illam omni mollem sibi reddere cura,
Illam omni studio, cultuq; laborat, & arte
Conciliare sibi: quiste malus error adegit
Infælix Lycabas? Proh quàm fælicior esses
Si quæ silvestrem frustra consumis amando
Phyllida, Parthenidî sacrares tempora, quæ non
Dignior ulla coli, nec amari dignior ulla.

D. Quas velit ipse suas (curam hanc dimitte) puellas
Depereat Lycabas; nobis superam Genitricem
(Quando operas lux excusat modò festa diurnas)
Cura sit interea submissa in vota vocare,
Assiduasq; preces, ut quæ speravimus apto

D

Im-

Impleat eventus, semperq; facillima, vena
 Continvet proprios indeficiente favores.

M. Æquum est Demæta tibi me parere; feramus
 Suppliciter junctis, & vota, & carmina palmis;
 Carmina, Diva quibus mage se cognoscat amari,
 Vota quibus tantos Divæ mereamur amores.

D. Primus ego incipiam, tu deinde sequere Menalca

M. Incipe, & alterno respiret fistula cantu.

D. Alma Parens uno quæ quamvis maxima Nato.

Es minor, æterno prope par sortita Tonanti
 Imperium, si rite tuis absolvimus aris
 Vota suam jam nata fidem, nostriq; vovemus
 Ruris primitias, placido nos aspice, quali
 Nubes aspectu, tempestateq; serenas,
 Bellaq; componis ventorum, atq; aera placas.

M. O quæ communes mundi famulantis honores

Quæ cæli totos in te convertis amores
 Si quidquam de te facilis succurrere Virgo
 Nos sperare jubes, nec spes deludis inanes,
 Siquis honos nostris, vel si qua est gratia donis,
 Accipe silvestri deductum carmen avena.

D. Te promissa salus hominum, columenq; precamur,

Invideat lentis ne vitibus horrida longæ
 Vis brumæ, ne discedens infesta relinquat
 Signa gelu, primove rigens sub vere pruina
 Detineat residues inopino frigore gemmas.
 Vineæ floruerit? sit flos immūnis iniqua
 Auspice te nebula: teneri de flore racemi
 Prodierint exempla? novis & prica racemis
 Temperies faveat, nec ramos turbidus eurus
 Deturbet teneros, & nondum ob stare paratos.


M. Ipsa potes cælum Zephyris aperire serenis,

Ipsa potes cohibere uno, atq; emittere nutu
 Cærulei simbres, nocuos arcere vapores,
 Et calidas lenire dies: si parva minore
 Quàm decet obsequio tibi munera vovimus; aras

- Ante tuas si primitiis quandoq; dicatis
 Accessit mala mens, sceleris nec pura voluntas
 Da veniam nostris ultro mitissima culpis.
- D. Officium tibi sit superum Regina, tuoque;
 Sit Nato nobis per te indulgere parato,
 Siqua manent veteris delere piacula noxæ;
 E nobis duras ne sumat deplua pœnas
 Grando, nec offensi partes ulturus olympi
 Eludat sterilis promissum pampinus annum.
- M. Quod nisi tu nostros fortunes Virgo labores
 Frustra pampineis vites deponimus agris,
 Frustra depositas cultu exercere frequenti
 Nitimur, aut tenui rastro, validoq; bidente
 Duratum renovare solum: sine te sua vota
 Pastores, mileros sua decipere colonos.
- D. Non ultra nobis insomnes pectora curæ
 Sollicitent, quæ frugiferi spem provehat anni
 Cæli temperies, mesto quid cogitet ortu
 Sol, quid nocturnæ moneant dispendia Lunæ
 Alternas sortita vices, pro sidere quovis
 Diva erit; hæc toti leges imponet clympto.
- M. Si volet illa, suos dediscant aspera mores
 Tempora, si favet hæc, injussa messe virebit
 Terra, comis arbor, nemus arbore, floribus hortus.
- D. Quin etiam Zephyro, modò jusserit illa, tepenti
 Spiritus alter erit, ruri decor alter, apricis
 Altera vinetis facies, non uua saporem,
 Mitia non succos servabunt poma priores,
- M. Sed prius occiduis solem deponet in umbris
 Sydereus vespèr, tenui quàm singula voce
 Commemorem; non tot mora perficit annua fœtus,
 Prodiga quot nobis diffundet munera Virgo.
- D. Parthenidis si quis vellet percurrere dona,
 Arboreis idem numerum subducere tentet
 Frondibus, aut variis quas ventilat eurus aristis,
 Cum discussa nouo tollunt se tritica folle.

M. Quod superest, unum hoc supplex te Parthenis oro
 Finibus his gentem pellas [quænam fuit illa
 Gens fera, nescioquo nuper quæ venit ab Istro,
 Hybernifq; plagis) mala parturit omnia nobis
 Quæcumq; illa est, & pariet quoq; plura deinceps
 Non ignara mali ni tu succurrere Mater
 Appropere: hinc nos miseros, rerum omniū egenos
 Dura tributa premunt, hinc æra injusta jubemur,
 Pro quibus è domina creber venit urbe satelles
 Castigatq; moras, modò raptò ab ovilibus agno,
 Sæpe etiam abductis queis vertimus arua juuencis:
 Adsis, & duris mitissima consule rebus.

D. Ip̃a vides quàm nos variis fors improba verſet
 Caſibus, & quales extrema per omnia clades
 Afficiant: repetita hyberni incommoda vexant
 Militis, ipſe etiam mutatis moribus æther
 Aſperior noſtris ſe denegat uſibus, ipſa
 Anni ſpem tellus mentiri aſſuevit, & omnes
 Fruſtratur ſœtu non reſpondente labores:
 Alma fave, & deſideriis ne deſice noſtris.
 Finierant: tremulum viſa eſt agitaſſe cacumen,
 Sub qua conſtiterant paſtores, innuba fagus;
 Fagus, quæ ſuperæ nuper devota Parenti
 Amborum inſcriptoſ truncò ſervabat amores.



Deipara in Cedri flore Virgo, in ejusdem
fructu Mater adumbra-
tur.

*Quasi Cedrus exaltata sum in Libano Eccli.
cap. 24.
Flores mei fructus honoris, & honestatis ibi-
dem.*

Alcimus, Jonathas.

Fortè sub occulta Libani convallè sedebant [bras
[Quandoquidè arboreas Phœbus contraxerat um-
Alcimus, & Jonathas; patrii ditissimus ille
Ruris, & iste gregis; silvestribus aptus uterque
Versibus: hic pressò calamum percurrere labro
Doctus, & ille habiles animare in carmina buxos.
Ergo per umbrosas dum captant frigora silvas,
Et calidas vitant dum sol attollitur horas
Rustica ad argutam modulantur carmina Cedrum;
Virgineam Cedrum, qua non formosior ulla
Æthereum florem, qua non fecundior ulla
Divinum teneras fructum produxit in auras
A.O nitidis formosa comis, speciosa pudico
Flore, sed æterno frætu speciosior arbor
Defessis faucas pastoribus, & tua semper (stros.
Umbra junet pecudes, pecudum junet umbra magi-
I. Defessis fauens pastoribus, & tua semper [stros.
Umbra junet pecudes, pecudum junet umbra magi-
Arbor, ab emotis quæ dulcia frigora ramis
Leniter indulges, tu nos reficisq; fouesq;

Tu facis ut silvas ut amemus rura, tuasq;
Defessum somno caput acclinemus ad umbras.

A. Tu facis ut silvas, ut amemus rura, tuasq;
Defessum somno caput acclinemus ad umbras.

Tu dulce es pecori æstiuo sub Sole levamen,
Tu molles Zephyros vicino è colle reducis,
Ipsaq; blandiris, cum sis blandissima, nobis.

I. Tu molles Zephyros vicino è colle reducis,
Ipsaq; blandinis, cum sis blandissima, nobis.

Te sine deterior, graviorq; exæstuat aer,
Tecum frigidior, leviorq; subæstuat aer:
Te sine triste mihi, quod in æstu est dulce, videtur
Tecum dulce mihi, quod in æstu est triste, videtur:

Tantum alias superas cedros, pulcherrima, quantum
Molle silet Myrtus, Myrtum penera laurus,
Et Laurum quercus, quercumq; idea cupressus,
Et quantum superat pinus fecunda cupressum,

A. Autumni placidos arbor ficulnea menses
Prouentum dicit bifero, sed nulla futuri

Demonstrat fructus præmissio insignia flore;

Tu flores uno quo fructus tempore gestas;

Autumni te laus, lauste manet unica veris.

Vivite sælices diuino pignore flores.

I. Vere nouo cum ridet ager, cum mitior annus
Vernat, & innumerastellusabit omnis in herbas

Omnigeni erumpunt flores per rura, sed illos

Nulla secuturi comendat gloria fructus:

Tu flores, fructusq; geris, nec te triget ulla

Floridior, nec te viret ulla feracior arbor.

Crescite Virgineo fructus data præmia flori.

A. Quid nunc candidius, pressioq; in vimine lacte est,
Concretaq; euro glacie, teneraq; pruina?

Attamen in tanto si spectes singula flore

Flos nive candidior, pressioq; in vimine lacte est,


Concretaq; euro glacie, teneraq; pruina,

Vivite sælices diuino pignore flores.

I. Sunt

- I.** Sunt quibus arrident nativo illusa colore
 Persica, & hybleas imitata cydonia ceras.
 Si videas, quibus est arbor uberrima, fætus,
 Pendula nil proprio mirabere picta colore
 Persica, nec flavas imitata cydonia ceras.
 Crescite virgineo fructus data præmia flori.
- A.** Lilia virgineis lætentia junge ligustris
 Lacteolisq; rosas stellantia junge ligustra;
 Si flores videas, quibus est spectabilis illa,
 Lilia cum niveis jurabis nigra ligustris,
 Pallentesq; rosas, maculisq; infecta ligustra.
 Vivite sælices divino pignore flores.
- I.** Confiti fert vvas bene cultæ vitis in agro,
 Punica spes implet sæcundo malus in horto.
 Fertilis ex culto cedit tibi vitis in agro,
 Cedit, & ipsa suis tibi punica malus in hortis.
 Crescite virgineo fructus data præmia flori.
- A.** Sicut tibi nulla tuos nebulæ vis improba flores,
I. Nulla tuos lædat venti vis aspera fœtus. (addo?)
A. Sed quid ego hæc voveo? **I.** cur hæc verba in super
A. Nulla tuos flores, quamvis jurata nocere
 Aura. **I.** nec ulla tuos poterit vis lædere fœtus. (il'la
A. Flore quidem pulchra es. **I.** fructus es fœcunda. **A.** sed
 Quæ laus nobilior. **I.** vel quæ tibi gloria major
A. A florere magis? **I.** magis an producere fœtus?
A. Magna erit intacto tibi laus pubescere flore
I. Magna erit æthereos tibi laus emittere fœtus
A. Si tamen à fructu sunt ulla pericula flori
 Dum serves florem, non sis fœcunda, pudicum.
I. Non sunt à fructu metuenda pericula flori;
 Servabit florem quamvis fœcunda pudicum.
A. Dum non Virgineos amittas veris honores
 Maternæ cures nil fertilitatis amorem.
I. Non illa innocuos deponet veris amores
 Fœcundos quamvis autumnus curet honores.
A. Florida sis ergo, quamvis sis fertilis arbor

- I.** Sis ergo sæcunda , & semper florida cedrus.
A. Cedre decus nemorum , Libanitidis unica silvæ
 Gloria , Idumeos inter celeberrima lucos,
 Florida de violis statuam tibi ferta quotannis,
 Sertaq; de calthis , & pallidulis hyacinthis;
 Submittensq; genu dicam , qui rustica vovit
 Munera , cum donis animum quoque vovit & ipsum.
 Vivite felices divino pignore flores.
- I.** Ipse quoque umbrosa decerpam ex arbore poma,
 Primitiasq; legam ruris , quas educat annus
 Frugifer , & lectas quovis sacrabimus anno.
 Crescite Virgineo fructus data præmia flori .



ECLOGA V.

Anemon Flos.

In Anemone flore hyberno, candidi & purpurei coloris

Non nisi vento flante sese aperiente

Jesus puer hyberno tempore nascens,

Diviniq; Spiritus afflante aura conceptus adumbratur

Iuxta illud Cantic. cap. 2.

Ego flos campi

Et cap. 3. Dilectus meus Candidus, & rubicundus.

Alluditur etiam ad illud, quod Anemon ab

Unde & nomen accepit, flos venti dicatur.

Ad A. R. P. Franciscum Grandium è Societate Jesu

olim in Rhetorica facultate preceptorem meum.

Mopsus, Lygdon, Maris Olitores.

Mop. **U**T mihi post varios casus, post publica ruris
Vota inter reliquos flos o pulcherrime flores
D 5 Expe-

Expectate venis, sed quæ tibi causa serenos
 Invidit Soles, & aprici tempora veris
 Ut mala te rigida subeuntem incommoda brumæ
 Aspicerem? Ah te ventosi ne turbida cæli
 Temperies, Ah ne rapidum te frigus adurat.
 O si qui placida genuit te spiritus aura
 Læta mihi sacris afflaret pectora flammis,
 Quas non festiva laudes meditarer avena.
 In tua vicinas animans præconia rupes.
 Sed cum non tales ausim sperare favores,
 Et senio desint vires in corpore, vestra
 Cura sit alterna Lygdon, & Mæri camena
 Inclyta Iessei natalia dicere floris,
 Floris, tranquillæ cui præstant nomina venti.
 Dixerat: Interea Lygdon, Mærisq; sedentes
 Innuba quæ patulas laurus diffuderat umbras
 Dissimile agresti variabant carmen avena.

L. Nascere virginei flos inuiolate pudoris,
 Florida virginitas, conclusi filius hortæ,
 Innocens florum candor, formosior inter
 Diversos, Anemon, quot hæbet natura colores:
 Nascere: nascenti consuetos brumæ rigores
 Ponet, & ipsa tuos mitescere discet in usus.

M. Siste, quid infidus andes te credere nimbis
 O Anemon, rosei flos intemerate ruboris?
 Purpura pratorum bicolor, prænuncia veris
 Iris, & hybernæ risus vegetabilis anni.
 Ne te nascendi sub iniquo sydere fallax
 Tangat amor, soles nondum adduxere serenos
 Tranquillæ ventorum animæ: crudelis ubiq;
 Sævit adhuc Boreas, rigidusq; irascitur aer,
 L. Nascere, quid patrio dubitas te fidere cælo,
 Vitalesq; haurire dies? tibi prodiga lætos
 Terra sinus aperit, famulari sedula certat.
 Officis natura suis, tibi blandior ultro
 Servit hyems, posteaq; minas effeminat ira.

M. Siste, quid invisa properas erumpere terra
 Unica lessæ soboles, & gloria Virgæ?
 Nec te triste gelu, nec inofficiosa moratur
 Aura hyemis, nocitura tuis natalibus aura?

L. Eja age rumpe moras, quid amantum crebra fatigas
 Vota, quid aprici differs genialia veris
 Gaudia? te nostræ suspirant Floscule valles,
 Ipsi te colles, ipsa optavere vireta;
 Te sine nulla fuit deserto gratia ruri,
 Omniserit tecum formoso gratia ruri.
 Rumpe moras; non hoc de te sperare jubebant,
 Prævia qui veteres cecinere oracula vates.

M. Ne justo citius flos formosissime nasci,
 Ne properes: properata nocent natalia sæpe
 Floribus, hæc certè tibi nunc properata nocebunt.
 Vidi ego surgentes alieno tempore flores
 Vitalis dubias exire in luminis auras;
 Mox rigida afflictos glacie, vitreaq; pruina
 Non potuisse brevis spatium durare diei.
 Ne tanti quæras, non est tua tuta voluntas,
 Ne tanti quæras, flos o pulcherrime nasci.

L. Nil est quod timeas; si te penetrabile frigus
 Uret, te nimio defendam à frigore; si te
 Aeris afficiet violentia, mitior aer
 Arte mea fiet, ventosq; & frigora contra
 Straminis injecto, paleæq; tegeris amictu.

M. Ah flos, ah formose, nimis ne crede serenis
 Solibus, incerto nimium ne crede favori
 Aeris, ictu oculi citius mutatur in horas
 Sæpe aer, versosq; facit mendacia vultu;
 Tutius ad molles poteris florere tepores,
 Maternæq; latens imo sub viscere terræ
 Securas tolerare moras, mitissima donec
 Temperies verni conatus adiunget annis
 Quam vereor ne te affectum glacialibus euris
 Invidæ mortalis rapiant discrimina fortis.

- L.** Pone metus Anemon: tibi non metuenda supersunt
 Siqua manent gelidæ suspecta pericula brumæ:
 Hæc alii timeant fores, communis origo
 Quos tulit, & vili tellus produxit abortu:
 Semine nascentem è supero te Dia fovebit
 Roribus irriguis, placidisq; teporibus Aura.
M. Felices Zephyri, quorum de munere tellus
 Floret, & aprico recreantur rura sereno,
 Nimbofas lenite dies, ne tristia cæli
 Tædia, ne flori noceant mala frigora nostro.
 Fa, lorego, ane mea Zephyri audivere querelas?
 Astra favent, precibus subscribunt mollia flecti
 Numina: non ultra vobis spem ponite brumæ
 Crudeles, rigidæq; nivescuntq; pruinæ.
Mop. Hactenus o foci tennes inflasse cicutas
 Sit satis: excelsi jam solem abscondere colles
 Incipiunt, nostrisq; diem subducere pagis:
 Nos quoque tempus erit sere decedere nocti:
 Cras iterum (festiva dies nam crastina) blandis
 Cantibus, & vario dicetis carmine florem.

ECLOGA VI.

Lygdon, Meris, Mopsus.

Ad eundem.

- L** Æta quieturis invexerat otia pagis
 Postera lux; festum pubes agrestis agebat
 Assiduusq; operis, duroq; soluta labore
 Rustica gens festis requiem condixerat agris
 Pacem campus habet, non stivæ innixus arator
 Dividit everfas impresso vomere glebas,
 Aut motam resupinat humum; non falcifer instat
 Vinitor, aut viduis con nubia cogitat ulmis.

Quid

Quid vacuus curis festiva per otia Lygdon,
 Quid solers faceret Mæris? nec vasta licebat
 Arua, nec incurvis curare ligonibus hortos.
 Ergo super molli verbis Anemone resumptis
 Preteriti repetunt studia intermissio diei,
 Hesternosq; iterant cantus; cum iudice Mopso
 Omnis erat circum mixti vicinia ruris:
 Hæc Lygdon, simul hæc repetebat in ordine Mæris.

L. Aspicias ut tenerum intacta tellure cacumen
 Exerat, & superas Anemon se attollat in auras
 Dein rima faciente viam discludat inertis
 Emergens calathio violata repagula follis?
 Talis ab eo se promit lucifer ortu,
 Talis nocturnis intermicat hesperus umbris.

M. Concha virens facili veluti circumcava torno
 Oscitat, & patulo diducitur intus hiatu
 Crescendi spatium, libertatemq; datura
 Purpureo calici, labroq; virente tuetur
 Veris opes: simili quis dives dote colorum
 Flos ita laudari, magis aut mereatur amari?

L. Vestra minor violæ, minor est tua forma hyacinthe,
 Vester honos minor est, qui suavi murice menses
 Pingitis æstivos immortales Amaranthi:
 Ipsa minus varios ostentas Tulipa vultus,
 Tulipa versicolor redeuntis Proteus anni.
 Cresce verecundi flos inviolate pudoris.

M. Ipsa tibi primas formæ Clytie aurea partes,
 Ipsa tibi primos, Anemon concedit honores
 Florida Caltha, sui quondam Narcissus amator,
 Pratenfes cassæ, nardi fragrantis ariffæ,
 Et quæ pro vario traxit cognomina vultu
 Innumerabilium pubes pulcherrima florum.
 Cresce verecundi flos intemerate ruboris.

L. Lactæ virgineus commendat lilia candor,
 Candidulum lactescit ebur, lactescit & illa,
 Quænam est nocturnum via quæ discriminat orbem?

Cum

Cum tamen aspiciote floscule, lilia sordent,
 Candidulum vilescit ebur, vilescit & illa,
 Quænam est nocturno quæ semita lucet olympo?
 Cresce verecundi flos in violate pudoris.

M. Pace tua, rosa pæstani pulcherrima veris:
 Filia, puniceo quamviste purpura fuce
 Vestiat, & rari laudent exempla decoris,
 Pace tua nostro cedis me iudice flori.
 Nec frustra rosa cedis, habes quò cedere possis,
 Namq; meo flori rubor est divinitus, at te
 Improbala scivo violavit sanguine Cypris.
 Cresce verecundi flos intemerate ruboris.

L. Ne primas oculo speres à iudice laudes:
 Stare loco impatiens convolvule, ne tua jactes:
 Ora levi risu, dulciq; natantia lacte;
 Major inest nostro candoris gratia flori:
 Flori cujus honos, & gratia crescit in horas,
 Ut solet eo lux crescere Solis ab ortu.
 Cresce verecundi flos in violate pudoris.

M. Syderei frustra Sol alter diceris horti
 Caryophile, decus vernantis nobile ruris,
 Nympharum communis amor, celeberrima veris:
 Gloria, & auricomæ regalis purpura Floræ.
 Has Anemon tantum nativo murice laudes
 Exsuperat, quantum rosei siluestria flores
 Gramina, plebeos quantum aurea Lilia flores.
 Cresce verecundi flos intemerate ruboris.

L. Aspicias excitos, quos mollis Amygdalus edit
 Aduentu veris calices exire, ruboris
 Pulchra quibus dos est, sed plus candoris abundat?
 Vernantem species Anemonem pulchrior ornat.
 Plaudite virgineo, mea plaudite carmina flori.

M. Vidisti subito mutari poma colore
 Autumno redeunte, una quæ candida parte
 Opposita quoque parte rubent? majore meus flos
 Aspectu, pulchraq; magis se luce colorat.

Plau.

- Plaudite purpureo, mea plaudite carmina flori.
L. Dicebam, viridi siquando in sepe ligustra,
 Cana ligustra, vel albentem per rura sabucum
 Contigit aspicere, atq; diu observare tuendo
 Dicebam, proh quale decus, proh quanta venustas!
 At postquam nostris Anemon inolevit in hortis
 Cætera mirari vernæ spectacula pompæ
 Misimus, & reliquum ruris laudare decorem.
 Plaudite virgineo, mea plaudite carmina flori.
M. Vere novo, primoq; anni sub limine gemmas
 Eduxit roseas, olim sua pema futuras
 Perficus, ignitoq; rubet magis ebrîa faco
 Punica quæ prodit se per sua fragmina Malus;
 At simul ac nostris Anemon sese addidit hortis,
 Non me forma movet tua Perficus, aut tua Malus
 Punica, nil pulchri quo nos capiamur habetis.
 Plaudite purpureo, mea plaudite carmina flori,
L. Pura nitent lactis stipata coagula, lacte
 Pura magis nix est, tepidi cui servida veris
 Temperies, Zephyro nondum redeunte, repercit:
 Fallor, an ista tui flos est candoris imago?
 Plaudite virgineo, mea plaudite carmina flori.
M. Incultas propter sepes nascentia fraga
 Dulce rubent: livet nitidos imitata pyropos
 Turgida quæ gravidis suspenditur una racemis;
 Fallor, an ista tui sunt flos exempla ruboris?
 Plaudite purpureo, mea plaudite carmina flori.
L. Cresce Anemon: tua sic divino imbuta tepore
 Incrementa juvet tellus: tibi frigidus aer
 Apricos soles, tibi Sol penetrabile frigus
 Temperet, & placidi semper concordia cælî
 In tua perpetuo conspiret comoda vere
 Parcite virgineo mea plaudere carmina flori.
M. Tempuserit cum de nostro donaria rure
 Floribus instruas tibi suspendens us ad aras,
 Omneq; memor pastorum rustica pubes

Vota tibi solvat, meritosq; indicet honores.
 Parcite purpureo mea plaudere carmina flori.
Mop. Mariti tuo, pariterq; tuo nil carmine Lygdon
 Dulcius esse potest; gratæ sitientibus undæ,
 Grata quies fessis, mihi vestræ cantus avenæ:
 Quas ergo vobis laudes, quæ dona rependam;
 Sunt mihi contexti diverso stamine flores,
 Arte laborati flores, quos nexuit olim
 Versicolorato ductis è vellere filis
 Silvestres inter Crotale doctissima Nymphas:
 Intactos hos iam dudum servavimus, istos
 Esse damus (qui sint merito promunere) vestros.

ECLOGA VII.

Adolescentibus prophano amore captis
 Virginis amor proponitur.

Daphnis, Melibæus.

D. Dicebam, tenera dum se monstraret in uvæ
 Spes anni, quàm se nobis vindemia spondet
 Uberior: certè fælici educere visa est
 Principio lætos vitis bene florida fæns:
 At nunc, ut video, me spes ignava fefellit,
 Votrq; destituunt vacui, sterilesq; racemi:
 Aut aliquid cælo malè nos aspexit ab alto
 Numen, vel rabidus livor, vel thessala nostras
 Fæmina devovit cantato carmine vites.
M. Nescis pampineos quæ vistibi fascinet agros
 Inconsulte puer: tu fons, & causa doloris
 Ipse tu es; nihil est cur provida Numina culpes;
 Fortunæq; vices, sagæq; venefica verba.

D. Si-

- D.** Silicet eventu quæ nobis dira finistro
 Sorstulit, Autumni quicquid spem corripit, in me
 Vertis, & ingrato quicquid peccatur ab anno?
- M.** Hisce meis, quæ forte putas mendacia dictis
 Hæc facient exempla fidem: jam florifer annus
 Venerat, atque suos repetebat quisque labores
 Vinitor: infide tibi tunc Amaryllidis una
 Cura fuit, quando reliqui vicina ruris
 Tondebat vineta, aut longè à matre petitam
 Pampineam viduas sobolem attollebat ad ulmos.
 Interea labor, & votorum summa tuorum
 Hæc erat, alta sequi ducentem armenta puellam
 Per juga, quaq; moras fuerat traducere longas
 Ire, redire, nec in tenera tibi vite recisa
 Sunt sarmenta, prius quàm verno è palmitè gemma
 Ruperit, & seros falcis damnaverit usus.
 Dic mihi, quæ leuitas, vel quæ dementia major?
 I nunc, atque tuas in Numina conice clades.
- D.** Si tibi primæuo vernaret flore iuuenta
 O Melibæ, mihi non hæc verba aspera, nec tu
 Tanta super nostra faceres commenta puella;
 Sed tibi dum frigent exanguia corda, nec istud
 Dulce potes læti cognoscere nomen amantis,
 Turpe mihi ducis tua quod non sustinet ætas.
- M.** Dulce mihi annorum quoque ver effloruit, at non
 Quæres, ipse fui; mitte hæc, & prospice rebus
 Consilio meliore tuis: vindemia tota
 Jam ferme exacta est, & adhuc in vite legendæ
 Arbitrio restant ventorum, & grandinis vixæ?
 Daphni cave tibi ne mora longior obsit: iniquum
 Sæpe sub Autumnum, cùm jam nil tale ueremur
 Hybernæ venit ira Jovis, malus ingruit auster,
 Et nocuæ subeunt nebulæ: si fertilis anni
 Spes intercipiat de tot modò cladibus una
 Quo studio miseræ poteris succurrere sorti?
 Tu scis quam variæ longo nos ordines vexent

Ærumnæ, postquam longiquo miles ab Istro
 [Aut Istro, aut alio veniense littore] nostris
 Finibus insedit longum est memorare quot illa
 Genstulerit clades: hinc nos penuria rerum,
 Hinc maleuada fames, grauiorq; obsedit egestas;
 Et quod triste magis nunquam contingere posset
 Sæpe aliqui titulo causas sibi quærit ab isto
 Æra extorquendi miseris impune colonis.

Et tu Daphni potestantum oblite malorum
 Ludere festiuos imperturbatus amores?

D. Si mea dimissa cessarent damna puella
 Nulla prior nostris esset solertia curis:
 Sed quando urbanis (queis nil crudelius) esset
 Non ideo dominis minor inclementia, nec res
 Parcius exacto melius procederet ære,
 Quid mihi deserta prodesse Amaryllide possem?

M. Certa meæ pariter foret hæc sententia menti,
 Si quote ditat prouentu frugifer annus,
 Cuncta tibi prouisa forent, nec larga superbæ
 Munera deferres Dominæ, patrimonia parua
 Absumptura mora: nec tu me vana locutum
 Esse putes: patulis (ego post viburna latebam)
 Auribus his hausi, quæ tu modò crebra puellæ
 Verba dabas: mihi cras urbs est adeunda sub ortum;
 Dicebas, Amarylli: noui quid ab urbe reportem?
 Ane collum, qualem Phyllis, croceosue cothurnos
 Afferri tibi vis, quales formosa Lyconis
 Uxor habet? num pileolum qui si malus aer
 Ingruat, à pluuia, si Sol, defendat ab æstu?
 Plura feram quoque, si qua velis tibi plurima ferri:
 Ah miser, Ah malecaute! leui nec fronde capellæ
 Nec tymbra saturantur apes, nec rore cicadæ,
 Nec queit ulla datis expleri sæmina donis.
 Cum malè sic fuerit tibi pars consumpta peculi
 Quid facies, repetet cum iussa tributa satelles

D. Silicet aduersis semper iactabimur? at non

Hoc

Hoc placitum est superis, ut nos æterna malorum
 Affligat series, forsan sors aspera versis
 In melius discet posthac miteſcere ſatis.
 Intereæ blandas dilectæ Amarillidis inter
 Illecebras, gratos pergam traducere Soles.

M. Quis furor incepta per tot discrimina velle
 Ire via? rabidos imbellis cerva leones,
 Agna lupum, pavidæ miluum fugere columbæ,
 Nec tu nefanæ fugies hostilia Nymphæ
 Blandimenta, tuæ tantum nocitura juventæ?
 Quære alias curas, Amaryllida desere pastor.

D. Suavius aspicerem læſas à vindice fruges
 Grædine, quam lacrymas deſertæ Amaryllidis ingens
 Quid mihi proſit ager, quid ſcæx copia rerum
 Si noſtri vidui ſine luſibus ibitis anni?

M. Cum tibi nulla prior, non altera præter amarè
 Cura ſuperſit, ama; ſed te notus ignis amantem,
 Et melior totas accendat flamma medullas:
 Quandoquidem primos malè ſic impendis amores
 Utilius poteris non ullo ardore peruri

D. Seu roſeos vultus, rarine exèmp'la decoris,
 Singula ſeu mirer quibus eſt mirabilis illa,
 Quæ magis ulſa colis, magis aut mereatur amari?
 Non huic te Nice, quamvis pulcherrima Nice,
 Pace tua Corydon, non ſe componere poſſet
 Pace tua Meliſſæ, hyrſuti filia Mopſi;
 Una habet, una meos Amaryllis habebit amores.

M. Tu modo ſyderæ noris decora inclyta formæ
 Pulchra quibus ſpeciem Virgo ſupereminet omnem,
 Non te crede mihi vanas ſpreviſſe pigebit
 Illecebras, verſis quin in contraria votis,
 Sero nimis dices fuit hæc mihi cognita, & illa
 Tempus ad hoc fuerit cur non dilectæ, quæreris?
 Verte alio tua vota, Amaryllida desere Paſtor.

D. Ut volucris, quæ lentatos circumlita viſco
 Impediente pedes, poſitas in vimine fraudes

Fru-

Fru Fru Fru

Fru Fru Fru

Frustra iactatis evadere nititur alis

Sic mihi femineas, quamvis exire parato

Insidias, certæ spes non est ulla salutis.

M. Illicitis modò, Daphni, velis desistere cæptis

Non tibi libertas, non est erepta facultas:

Ulterius ne tende tuis obtendere culpis

Velamenta, unum hoc subeat tibi perditæ Pastor,

Dum superæ præfers Genitrici Amaryllida, tristes

Pro violis spinas, dulci pro melle venenum,

Ingratam voluisset tibi pro matre novercam.

Ista nisi accepto te munere novit amare,

Muneris illa suos sine spe largitur amores;

Ista tibi varios casus, fata aspera; lætos

Illa tibi spondet tranquilla per omnia soles.

Ipse vides geminæ quæ sint discrimina fortis.

D. Hei mihi difficile est, ubi longo indurvit ævo

Fiectere ramosam curvato stipite quercum.

Difficile est ubi sax antiqui crevit amoris

Velle novis veteres flammis extinguere flammæ.

M. Quid magis est durum saxo, quid furdus unda,

Rupibus asperius, fœta truculentius urfa?

Da celeres undas, da saxa, moveret amore

Blanda Parens, fœtam mansuescere cogeret ursam,

Et dociles traheret rupes; tu sævior istis

Durus es ad sacros, ad iniquos cereus ignes?

D. Da veniam fasso Melibœ; haud lusibus apta

Cum veniet, siquidem est nobis ventura senectus,

Tunc studia in melius versa sequar altera mente;

Ætatis mihi nunc liceat decerpere primos,

Sera prius quàm nos prævertant tempora, flores.

M. Hæcenus ut video nulla sanabilis arte

Est furor iste tuus: frustra medicina paratur.

Cui non grata salus, nec cura salutis amatur:

Iccepta malesane via, tibi cognitus olim

Forfan erit, serò licet, irreparabilis error.

ECLOGA VIII.

93

In augustissima Jesu, &
Mariæ Nomina

CARMEN AMEBÆUM,

Corydon, Amyntas.

- C.** Loquar, an fletū? jubet hoc timor, imperat illud
Dulcis amor; magis ane timori magis ane timor
Anteferendus amor? timor omnis cedat amor:
Eloquar, & Pueri, super astra feremus [at ipsa
Verba labant, subitaq; mora intercepta laborant)
Eloquar, & Pueri nomen super astra feremus
Dulce mihi nomen, venerabile Nomen Jesu:
A. Esse quid hoc dicam, quod te pulcherrima Virgo
Conatur liquidas dum vox proferre sub auras
Tunc vi nescio qua, ceu compede uincta, uolentem
Dicere destituit, mediisq; in faucibus hæret?
Esse metum credamne? metum sed uincat amantis
Officiosus amor: Divæ super astra feramus
Suave mihi nomen, nomen mihi dulce Mariæ.
C. Cum tua blande Puer subeunt mihi nomina, quanta
Tunc subeunt animo mihi gaudia? gaudia quæ non
Enumeret mea vox, nec mens comprehendere possit,
Nec satis ipsa suis capiant præcordia flammis.
A. Cum subit illius mihi nomen amabile, totos
Cujus in obsequium vitæ devovimus annos,
Cum subit illius mihi nomen amabile Matris
Lætitia tremulæ saliant in pectore fibræ.
C. Grata mihi Zephyri venientis sibila, grata est
Quæ levis argutos interstrepit unda lapillos,

Sed

Sed vox grata magis, quæ te compellat Iesu.

A. Suaue canit philomela, virente sub arboris umbra
Suaue gemit turtur; sed Partheni, suauior illa
Pervenit ad nostras quæ te vox indicat aures:

C. Cum te lustra voco per opaci confraga montis,
Lustra repercussas assueta remittere voces
Nil te uisa mihi est retulisse libentius echo.

A. Frondoso cum te nuper de colle vocarem
Fallor, an ipse sonum te Diua nocantis amabat
Qui mea frondosus repetebat carmina collis?

C. Cum tua uicinæ narro præconia siluæ
Verticibus leuiter motis alludere silua
Velle videtur, amica noti quasi uentilet aura,

A. Hesternæ cum luce tuas; quæ Cingulus errat
Agresti laudes meditarer arundine, uisus
Ipse fuit lætis applaudere Cingulus undis.

C. Arboribus scriptam delebo Amaryllida, & illum
Expuncta patulis inscribam Amaryllide sagis.

A. Partheniis animata notis hæc saxa loquentur
Quæ prius insanos referebant Payllidis ignes.

C. Nec satis hoc; patulis non illum inscribere sagis,
Pectoribus potius, cordiq; inscribere uellem.

A. Nec satis est illam duris incidere saxis,
Quin foret in nostro quoq; mens incidere corde.

C. Quid metuis nebulas infelix villice? Natum
Implores Mariæ, & nebulæ timor omnis abesto.

A. Frigora cur aliquis formidat vinitor? ille
Imploret te Mater, & horrida frigora parcent.

C. Si qua malè evenient, Pueri dic nomina: dictum
Quam cito nomen erit, cito tam mala singula cedent.

A. Ipsa licet fueris nobis nocitura, vocato
Parthenidis titulo fies innoxia grando.

C. Illius audito deponet nomine prædam
Immitis Lupus, & securo parcat ovili.

A. Audiat: æstiuas non ufferit auster aristas;
Audiat: irriguas non Sirius ufferit herbas.

C. Te

- C.** Te clamem *suprema* meos cū finiet annos
 Hora, nec officio mea vox cessabit ab isto.
- A.** Cum *vicinia* mihi mors vocis ademertit usum
 Cor mihi languentis supplebit munera linguae.
- C.** Cum neque vox poterit, neq; cor sua dicere verba
 Halitus *extremæ* te languidus innuat auræ.
- A.** Quin nisi spes tanti nimis est temeraria voti
 Cura erit una tuas super astra retexere audes.
- C.** Finiturus eram, de se sed plura reposcit
 Cælestis Puer, atque suo de nomine dici.
- A.** Pæne ego finieram, de se sed plurima dici
 Alma Parens Pueri, *lesseja* Virgo reposcit.
- C.** Sed mihi sat dixisse, mei es spes unica Jesu.
- A.** Sat mihi sit dixisse, mei es spes una Maria.
- C.** Dicere plura velim, sed dicere plura volenti
 Non nisi dilecti nomen succurrit Jesu.
- A.** Plura ego dixissem, dicturo plura sed ipsa
 Non nisi succurrit toties mihi dicta Maria.
- C.** Carmine dum tali siluas, vicinaq; siluis
 Flumina mulcebant Corydon, & pulcher Amyntas
 Nescio quis mediis visus fuit Aliger umbris
 Attentas præbere novis concentibus aures
 Quis scit an æthereo Pastorum vota Puello,
 Quis scit an illorum laturus vota Mariz?



E C L O G A IX.

Parthenios amantes, nec in som-
nis ab amore vacare.

Manasylus, Jolas.

- M.** **D** Ic mihi, quid fœlix adeò tibi contigit, ut te
Securum mala sic tangant præsentia, quantum
Dura movere solent alpina cacumina venti?
Si vacuos curis, & ab omni parte beatos
Copia nos ingens rerum ditaret, ab isto
Parta tibi titulo jurarem gaudia, sed cum
In pejus versis cernam ruere omnia fatis
Haud mihi sat constat cur tam læteris Jola.
- I.** Cum subit hesterni species pulcherriima somni
O Manasyle, mihi tanta est meminisse voluptas
Quanta foret, si res Diis nostra faventibus iret.
- M.** Perge, age, rem totam (potes hic considerare mecum)
Da mihi Pastor, aduc multum supresse diei
Umbrarum ni me fallit mensura, videtur.
- L.** Nocte sub extrema dubio cum subrubet ortu
Lux ventura, sopor me matutinus habebat:
Ecce mihi ante oculos visa est consistere amata
Parthenis: attonitum primò me perculit horror,
Mox flexis in humum genibus procumbere, blandas
Dein adhibere preces, atque ambas tendere palmas
Velle videbar; at aerèa velocior aura
Quàm cito visa fuit, cito tam me Diva reliquit,
Vel potius somni me grata reliquit imago.
Quidquid id est, ut me claro iam lumine st ratis
Proripui, surrepta oculis spectacula nostris,

Et

- Et mecum, quod non venissent sæpe quærebar.
- M.** Quando tibi memor, ut nobis fas credere, mens est
 Quæ tibi se Mater specie Jesseæ videndam
 Obtulit, aut qualis nocturna apparuit umbra?
- I.** Talis erat, qualem si quando invisimus urbem:
 In tabula ante suas depictam aspeximus aras.
 Nil est quod verbis, aut pluribus addere dictis
 Ultra habeam: quæcumq; minor de Virgine vox est;
 Nulla referre queunt cælestem exempla decorem.
- M.** Virgo licet titulo sit inenarrabilis ullo
 Non desunt tamen ante oculos quæ ponere nostros
 Parthénias valeant laudes: sic dicimus illam
 Ingenti reliquas inter præcellere forma
 Ut stellas inter præcellit Luna minores.
 Sic cum Virgineum mens est laudare pudorem
 Lilia cum nivibus sæpe usurpare solemus;
 Si matrem memorare libet, tunc concha vocatur
 Quæ nullo peperit divinam semine gemmam.
 Sin magis externas placeat percurrere dotes,
 Auroræ minor est per opaca crepuscula fulgor,
 Nec sic exorti jucunda est gratia solis
 Auricolore novos cum luce repercutit agros.
 Hæc, & plura potes de Virgine dicere Matre.
- I.** Non ego diffiteor, quin castam multa Parentem
 In mentem revocare queant, sed vocibus ullis
 Quidue opus est verbis? melius facunda loquentur
 Vota, mihi sat erit divino ab amore peruri,
 Sat quoque sit Divæ si nos amor illius urat:
 Quandoquidem donare illi nil præter amorem
 Paupertas finit, usque adeo nos torquet, & angit.
- M.** Quidquid adhuc nobis veluti mirabile quoddam
 Longo circuitu, & verborum ambage dedisti
 Nocturni lusus, insomnia vana fuere:
 Non ea me narrata movent, nam quisq; quod optat,
 Aut peragit, sibi fingit idem per visa; topore
 Vinitor in medio sturnis irascitur, umbris

Frondator, sulco convicia dicit arator; (rit.
 Quæ tibi luce, eadem in somnis quoque imago recur-

- I. Sed tamen hoc melius quam si nox invida nobis
 Objecta nostros aliqua violasset amores
 Phyllide, siue alia nympharum è gente puella:
 Hostibus hæc potius contingant somnia nostris.

M. Eueniat potius tibi fors, quæ contigit illi.
 Quisquis erat, Dominæ qui captus amore videndæ
 Uno iponte tulit priuari lumine, visa
 Mox capto meruit donari lumine Diua.


- Sitalis nostro fors arrisisset amori
 Mille oculos, & mille genas, quoq; plura dedissem
 Membra, mihi fælix quæuis iactura fuisset.
 I. Haud tali agricolas dignari suevit honore
 Parthenis, hos miseros cum Spiritus exuet artus
 Forsan erit tanti nobis data copia voti.

M. Outinam desiderii bonus annuat æther:
 Sed vereor ne longa nimis patientia duris
 Vincta malis nos inuitos in crimina cogat;
 Indignos ideo superæ Genitricis amore.

- I. Sperandum est: non semper erit, quam cernis, iniqua
 Hæc rerum facies: forsan nos tempora servat
 In meliora Deus; dabit his olim quoque finem.

M. Cras melius semper fore dicimus, & tamem omnis
 Irrita spes abit, & semper pejora supersunt.

- I. Hoc commune malum; non est cur nostra queramus
 Damna; cuique suis vita est exercita curis.



E C L O G A X.

In diem Virginis natalitium:

EX ITALICO SANNAZARII,

Argumento prophano in sacrum verso;

Paucis demptis, pluribus additis, aut mutatis,
prout res exigere videbatur.

FOntis ad herbosam nemora inter frondea ripam
Constiterat cana frontem præcinctus oliua
Pastor; eum patulę sub tegmine uidimus orni
Oſtaunm mensis qui Octobrem præuenit, alto
Concelebrare diem sub prima crepuscula cantu:
Ille ut erat roseum solis conuersus ad ortum,
Arborea uolucrum cętu plaudente sub umbra,
Non responsuris narrabat talia uentis.

Pande fores, nitido surgentem profer eoo
Sol formose diem; cęlo diffande sereno
Purpureos lucis radios, uarioque colore
Finge nouam blandi speciem pulcherrime ueris.
Illa dies hæc est, tua quam præuenter tarda
Nocte soror, quam tu longo producere debes
Emensus spatio supremi culmen olympi:
Nam, meminisse potes, Solymeote quoque dicunt
Produxisse diem populo dum uinceret hostem,
Quantò major erit producta gloria luce
Nazariam placidas quę Nympham eduxit in auras.
Umbriferę ualles, uosque alta cacumina rupes

E 2

Fron-

a Sanna. in Arca. Ecloga Tertia.

Frondentes alni, Piceę, męstequę cupressus
 Siquis inest sensus uobis, uel signa uoluptas
 Allicit, ad nostros aures aduertite cantus;
Fraudibus à furum procul insidiisque luporum
 Lanigeri teneri ludent cum matribus agni;
 Antiqui redeant mores, assuescat amęnas
 Ilex ferre rosas, ad duros pendeat uua
 Capreolis suspensa rubos, se frondea quercus
 Ignotis stillare fauis miretur, & ipsa
 Lactiseant roseis seruitum flumina pratis.
Non flores hortis, non campis mollia desint
 Gramina, non apris subeat, non tristibus urfis
 Cędis amor; Puer auulsis cytherejus alis
 Extinctis facibus, pharetra exarmatus, & arcu
 Ereptas nascente sibi Iesseide uires
 Lugeat: è contra laudes super astra puellę
 Virginis attollant, pastorum nec minus omnis
 Turba soluta operis testetur gaudia plausu,
 Et plausu, & uario ductis circum orbe choreis.
 Lętitiam quoque prata, suam quoq; uitrea prodant
 Flumina, sit facies cęlitranquilla, nec ullas
 Cernere sit supra montana cacumina nubes.
 Hac primum tepidas in luminis exiit oras
 Luce Parens, hac immensum nascente per orbem
 Inuenit sedem uirtus, humanaque corda
 Virgineę pulchro caluerunt laudis amore,
 Quem malus auersę mentis proscripserat error:
 Hujus in ingentes arbor mihi plurima laudes
 Cortice cęsa suo est, ut non decliuius ilex
 Germinet ulla jugis, aut frondeat ulla cupressus
 Quę non dilectam compellet scripta Mariam;
 Quę curas mihi sola potest lenire, Mariam,
 Quam nostri gemitus, mea quam lamenta, suisque
 Noctes, atque dies suspirant pectora uotis.
Dum rabidi cellis errabunt montibus ursi,
 Pinus acuta comas dum tendet in ethera, uiui

In mare dum querulo labentur murmure fontes,
 Dum spes, & castostimor exercebit amantes
 Illius in totis notescant nomina terris,
 Qua sine triste mihi fuerit deducere longos,
 Qua mihi dilecta dulce est producere Soles.
 At tu quæ superam cecinisti carmine Divam,
 Supplicibus uotis siluestris musa precare,
 Fausta sit illa dies, roseoque inubila uultu.

ECLOGA XI.

In aduersis cælestem opem esse implorandam, nec implorata desperandum.

INTERLOCUTORES

Mycon, Tityrus, Aquatores.

- M.** **A**vdieram quæ vestra solet percurrere fontem
 Prædia, mutato solitarum errore viarum
 Nunc domini urbanos perlabi Daphnidis hortos:
 Nimendax tulit hæc rumor, quæ numine fretus,
 Quo studio poteris fideis avertere pratis
 Æstivi quæ ferre solent incommoda menses?
- T.** Audieras, & vera Mycon pervenit ad aures
 Fama tuas; ego non unquam magis anxius ulla
 Tempestate fui, quam nunc ubi ductilis unda
 Æstivo teneris sub tempore deficit herbis.
- M.** Non satis est quod primitias sibi fertilis anni,
 Hordea prima, recens lectas in vitibus uvas
 Vindicet, ipse suos Daphnis nisi vertat in usus
 Seruitum vestris quæ flumina vallibus ibant?

- T.** Illum ego crediderim nobis irata dedisse
 Numina: sed cæptas prestat reuocare querelas,
 Nam si rescierit nos in mala vincula coget
 Illius ad nutum venturus ab urbe satelles.
- M.** Perge, quid absentis formidas Daphnidis iram?
 Perge tuum quæstu, verbisque leuare dolorem.
- T.** Illum ego crediderim nobis irata dedisse
 Numina, qui partes agat ulciscantis Olympi
 Inque malam versos Amaryllida plectat amores;
 Suetane continuum patrari furta per annum;
 Qui brumę, nebulęq; vicem impleat, & subductis
 Fontibus æstiuū dispendia duplicet anni.
- M.** Cum mala te diuersa premant, cur una querela,
 Et vox de raptis succurrit Tityre riuis?
- T.** Cætera continuo patimur quę damna tenore
 Sæpe dolis, vafra quandoque eludimus arte:
 Sic cum tempus adest secundæ pendere messis
 Primitias, vacui fecernimus nos dea totius,
 Et sparsa mollimus aqua, quod crescere possint
 Mole noua, & numero mensuram equare minore:
 Iussa prius diram quam musta uehantur in urbem
 Plurima purpureis superadditur unda racemis,
 Et ne degenerem absimilis color arguat uvam,
 Mentimur viridi pressum de vite liquorem
 Sanguineis ebulli baccis, morisue cruentis:
 His, & mille aliis Daphnim frustra mur anarum:
 Quod tamen à solito fraudatis flumine pratis
 Nos angit, studio damnum est reparabile nullo.
- M.** Quis vetat obscura intempestę noctis in umbra
 Exiguam fluuiο partem deducere, campis
 Qua possis, bibuli sęue sitim restinguere pratis? (tus)
- T.** Hinc quoq; nulla mihi superest spes; Daphnide mis-
 Nuper Ventidius vigilẽ noctesque, diesque
 Impendit curam, campo ne forte suo quis
 Inducat facili deductam tramite lympham;
 Crinitoque inuestiusequo, quem signat iustus

Flos quidam, variam quā vitrea labitur unda M
 Itque, reditq; viam, neque nimbis turbidus ether,
 Nec solis fera vis, noxue intempesta moratur:
 In proprium clam si quis aquam diuenterit hortum
 Aut sua per multos redimet tentamina nummos,
 Aut si parus domi fuerit res, carcere longo,
 Aut tortore dabit pœnas sublatum in altum
 Fune; mala hæc nobis, plura & ferus ille minatur:
 Illum ego (quod primo lux crastina portet eoo)
 Si procul in solis possim deprehendere filius
 Num mea se manus, aut mea num se temperet ira
 Quin sumam iustas, aut cede, aut verberare pœnas?

M. Mitte hæc, & posita nil proficiente querela
 Urbano potius fer munera larga Ministro;
 Nam vel fallor ego, aut Sulmonis dicere fuerat
 Pastor, quod placent homines data dona, Deosq;
T. Hæc quoque visa fuit nobis sententia, & illi (dum,
 (Quod malè sit) cum matre bimestrem misimus hæc
 Sed vel parva nimis fueriat, ingratæ dona
 Et misso cum matre nihil profecimus hædo:
 Illius est auro nempe exsaturanda cupido.

M. Parte tibi nulla cum res bene cedat, ad aures
 Daphaidis, experiare tuæ quid cantus a venæ
 Possit erit forsitan facundis gratia Musis.

T. Indignor, dum nostra jubes per carmina tutum,
 Insolitum quod nempe foret, sperare favorem:
 Tantus honos latiis hac tempestate camænis,
 Quantum calcatæ per devia littoris algæ.

M. Quod nequit industrem labor obtinuisse per artem,
 Forsitan optatis cælum feret: aspice ut atra
 Circum sagiferos glomerentur nubila colles?
 Quis scit an effusus descendat ab æthere nimbus,

T. Certè ego sacratis vovi donaria templis,
 Accendi que aris faculas, super omnia mitem
 Parthenidem supplex iterata in vota poposci
 Innocuos orans ætus, pluviasque salubres.

M. Dum pede res ibant facili, tibi nulla ferendi
Cura preces erat, at postquam fortuna noverca
Destituit, te Parthenidis reverentia cepit.

T. Ut fatear, devis ac nobis iactura fuisset,
Daphnidis imperio nil flumina versa morabar;
At simul ac vidi nativo humore carentes
Pratenfes nimio fundos ardescere sole,
Consilio meliore novas dimittere cepi
In curas animum, & toto conamine niti
Siqua infelicem potuisssem evadere casum:
Sors tamen euentu semper respondit iniquo:
Nil ratus humanis tandem confidere posse
Viribus, oraui te candida Partheni, velles
Deteriora bonis, & tristia uertere latis.

M. O utinam mala ne longè grauiora supersint:
Nuper iit nam rumor, adhuc pro Teutone posci
Dura tributa: quid esse putem, quod nos etiamnum
Reliquiæ vexent taciti, monumentaque belli?
Silicet ad patrium quamvis remeauerit Istrum
Solum aliis abiit, nobis gens barbara restat.

T. Fata videns retro in pejus sublapsa referri
Irascor, fractam ærumnis furor, iraque mentem
Abripit, & variis interrogo sæpe querelis
Quos habeo placidos non ullo tempore Divos.

M. Quid iuuat infano diuina lacerare, quæstu
Numina? Virgineo potius fer vota Puella,
Illius castæ potius fer vota Parenti;
Innumeris nec cede malis; Puer, & bona duris
Virgo aderit rebus, nec spes finet esse caducas.

ECLOGA XII.

Amans Parthenius iuxta cor Virginis.

Interlocutores

Chromis, Lydorus.

*Ad A. R. P. Virumque eruditissimum
P. Benedictum Bacchinum Mona-
chum Casinatem.*

Versibus expressos superæ tibi Matris amores
Mittimus; averso missos ne despice uultu
Magus honos, Bacchine, & nostri gloria Cæli;
Sed puto virginei dabitur mihi nomine vatis
Conciliare tuos, nulla licet arte, favores:
Non titulo poterant nostræ, non preside Musæ,
Aut meliore legi, magis aut sapiente probari,

Hortus erat; rigno Chromis, & Lydorus in horro
Compita purgabant rastris, duroque ligone
Noxia per teneros vellebant gramina bulbos:
Hosego cum tumulo residerem desuper alti
Collis, ab emenso cum sol deflenderet orbe
Audiui positis frondente sub Illice rastris
Matre super tales Iesseæ dicere versus,
Inque vicem sumpta intermittere Carmen avena.

E 5

Mu

- C. Mutat terra vices, nec vultus seruat eosdem
Annus, & insolitum variat natura tenorem:
Idem ego sum castus fueram qui nuper amator.
- L. Crescendo primis noster deflexit ab oris
Ardor, nec vultu semper procedit eodem
Qui novus innumeras prope crescere novit in horas.
- C. Absolvit captum sub vespere quisque laborem
Frondator posita, posita quoque falce putator;
Non requieserit ulla meo, nec finis amori.
- L. Infames Veneris qui castra sequuntur amantes
Oderunt proprio comitesque in amore recusant;
Vellem ego, quod totus te, Partheni, Mundus amaret.
- C. Me nulla anxietas, nullus me turbat amaror;
Sola mihi mæsto fedet hæc in pectore cura,
Num tu Virgo fatis, minus an mihi forsan amaris.
- L. Te mihi dilecta nihil est iucundius, ingens
Sed mea sæpè dolor cruciat præcordia, quod non
Es magis in cunctas, nec Partheni culta sat horas.
- C. Quo me cumque seram, quocumque ego lumina
Invenio causas, & amandi mille figuras. (verram
- L. Tot mihi terra novi argumenta ministrat amoris,
Totque mihi cæum, quot sunt vaga sidera Cælo.
- C. Lilia si specto natio candida lacte,
Casta tui nobis offert se forma pudoris.
- L. P. Et coloratos si specto rosaria fucos,
Hæc dico Dominæ sunt grata Rosaria nostræ.
- C. Conclatus quia tu quoque diceris hortus, in horto
Dum vagor in mentem venio pulcherrima Virgo.
- L. Cernere si fontem mihi contigit, audit & ipsa,
Protinus exclamo, signato à fonte Maria.
- C. Quid miser imploras Lædeos Navita fratres?
Stella Maris potius tua, Navita, Vela gubernet.
- L. Ut subeas mihi, Diva, suo non Cypridis astrum
Nominis, Stella mihi sed Matutina vocatur.
- C. Oblèdant me si qua tubs imitantur hoiores. [biantur.
Et quæ pulchra magis, quia tu quoque pulchra, pro-
- L. Sæpe

- L. Sæpe ego conspectis soleo deducere gemmis
Quantum magna tui præstent exempla decoris.
- C. Parte aliqua visis soleo comprehendere Stellis,
Quam sit imago tuæ, præclaraque gratia formæ.
- L. Arridet mihi sol, arridet candida Luna,
Luce sua nam te mihi visus uterque referre.
- C. Ver alii, atque hyemē Zephyris, vel frigore signant;
At nos Partheniis signamus tempora fallis.
- L. Principium gelidæ tunc dicimus affore brumæ,
Quando Parens summum peperit Divina Tonantē.
- C. Tempora floriferi tunc dicimus affore veris,
Nazarizm petiit cum nuncius Aliger ædem.
- L. Quo caram Elisaben invisit dia Viatrix,
Ille mihi æstivum mensis prænunciat annum. (Strat
- C. Haud procul Autumnum fore nobis prospera mon-
Lux; quæ Jessiaden tenera eduxit in auras.
- L. Quin etiam curis mihi cor tabescit iisdem,
Quis fuit liquidas dum Virgo duceret auras.
- C. Nec minus ipsa mihi perfundunt gaudia pectus,
Diva quibus lætata olim Jesseja fertur.
- L. Ah quoties mæsta timeo cum Matre, pruina,
Neve recens natum lædat grave frigus Iesum.
- C. Lætitiæ contra mihi causam dona ministrant,
Dona trium eo venientumque littore Regum.
- L. Indolvi quoties, quia tu quoque Virgo dolebas,
Dum cura amissi te sollicitaret Iesu!
- C. Lætor ego quoties, si quando recogito, lætum
Quando tibi invento cor exultabat Iesu!
- L. Sed numquam major carpit corda anxia mæror,
Quam cum Gethsemani succurrit flebilis hortus.
- C. Nostra quoque in tenes vanescant gaudia ventos
Cum subit illius mestissima noctis imago.
- L. Angebant quæ te Mater Jessea videntem,
Afficiunt animos eadem spectacula nostros.
- C. Invenere tui solatia nulla dolores;
Invenient quoque nulla mei solamina lætus.

- L.** Quæ non immiti facio convicia turbæ,
Injecit nodosa tuo quæ vincula Nato?
- C.** Quid Prolem spectante trahis Genitrice satellites?
Pone modum pænis, & in una parce duobus.
- L.** O' mihi fas esset tecum mæstissima Virgo
Partiri tristes, si non tibi demere curas.
- C.** Improbæ spina, meæ monumenta perennia culpæ,
Pectora quid Mariæ, quid tempora figis Jesu?
Meme adsum qui feci, in me tua spicula verte.
- L.** Ah ne vulnificis nil tale merentia flagris
Membra feri Isacii turba implacidissima vulgi;
Si nescis, miseræ pars est quoque Matris in illis,
Plura locuturos dolor interceptit, & humor
Ex oculis subjecta tepens manabat in ora:
Ipsi ad singultus, & lamentabile carmen
Flere videbantur flores, veteresque querelas
Deposuit luctu scriptus meliore Hyacinthus,
Invenitque novi, causamque, genusque doloris.



ECLOGA XIII.

In B. Mariæ Virginis Litanias Paraphrasis

Interlocutores

Charmis, Beris.

Ad A. R. P. Franciscum Grandium olim in Rhetoricæ Disciplinis Præceptorem meum, & nunc pro Sacro suggestu Oratorem celeberrimum.

*Dum verbis Francisce tonas, causamque tueris
 Numinis insoliti viribus eloquii,
 Parthenidis descripta tibi decora alta vovebam;
 Conveniens genio carmen, opusque tuo.
 Siquid erit, quod fortè tuas malè vellicet aures,
 Ingenii vitium dixeris omne mei.
 Siquid erit, doctæ bene quod respondeat arti,
 Doctrinæ specimen dixeris omne tuæ.*

F Est a dies aderat; superæ ad delubra Parentis
 Omnis Theliorei convenerat accola ruris,
 Et quicumque tuos bibit advena Cingule fontes:
 Ad fuit, argutoque unà cum Beride Charmis
 Inclyta Partheniæ relegens præconia Matris
 Addebat de more preces, titulosque canebat
 Publica quos pietas Mariano ad scripsit honori:
 Has Divam in laudes, atque hæc in vota vocabant.

S. Maria ora pro nobis.

C. O dulce audiri, mihi dulce Maria vocari
 Nomen, & afflictis spes constantissima rebus
 Nostra tuo fer vota, ser ò mitissima Nato.

S. Dei

Ω

Ω

Ω

Ω

Ω

Ω

Ω

Ω

Ω

S. Dei Genitrix.

B. Illius es nempe alma Parens, qui Sidera certis
Circumagis spatii, & sæcula dividit orbi;
Sicet una Dei es fortunatissima Mater.

S. Virgo Virginum.

C. Laus tibi materno de nomine plurima, sed laus
Virgineo è titulo pariter tibi plurima surgit;
Necti Mater eras, nisi tu quoque Virgo fuisses.

Mater Christi.

B. Nec satis est peperisse Deum; sub imagine terras
Uisum humana pariter, pariterque videndum
Integra Bethlemio peperisti Mater in antro.

Mater divine gratiæ.

C. Nobis una pariscælestem Virgo favorem,
Una parismiseristu plurima comoda terris;
Mille Parentis habes causas, & nomina mille.

Mater Purissima.

B. Nec candore suo te florida Lilia, nec te
Equiparant formosa suo candore Ligustra;
Pariore radiis innubia Sole remisit.

Mater Castissima.

C. Conjugii non illecebras experta profani
Haud decus intacti visa es deponere floris;
Quæ Virgo fueras, eadem es quoque candida Mater.

Mater Inviolata, Mater Intemerata.

B. Ut vitreæ fons vivus aquæ lapidosa volutus
Per loca, nec vitium, nec labem acquirit eundo,
Integra sic nulla temerata es labe Maria.

Mater Amabilis.

C. Te studiis cælum communibus ambit, & orbis,
Te Deus ambit amans; nec amare Partheni? vivax
Ante mihi in liquidas descendat spiritus auras.

Mater Admirabilis.

B. Singula miranti quibus es mirabilis ipsa
Tanta mihi attonitam rapiunt spectacula mentem,
Et suprema meos præstringit gloria sensus.

111

Mater Creatoris.

- C.** Qui terras refluvis emergere jussit ab undis,
Et spatiiis certum discrevit quattuor annum;
Illetui Natustulit, inclyta Diva, vocari.

Mater Salvatoris.

- B.** Pars bona servato tibi laudis provenit orbe;
Humanæ siquidem assertor, vindexque salutis
Adiutricem operis legit, magnamque Parentem.

Virgo Prudentissima.

- C.** Mortalem supra sortem, & communia jura
Te sibi perpetnam comitem Prudentia solers
Adscivit, vastoique habilem formavit ad usus.

Virgo Veneranda.

- B.** Quæ genstam nostro semota recessit ab orbe,
Quæ non Parthenidi famulos inpendat amores?
Illam omnis tellus, illam gens omnis adoret.

Virgo Prædicanda.

- C.** Quis non Virgineas atollat ad aurea laudes
Sidera? continuis occasus certet, & ortus
Officiis, tantæque canat præconia Matris.

Virgo Potens.

- B.** Illius imperio vel duro adamante refixa
Lex elementorum cedit, Dominamque potentem.
Omniparens Natura, & euntia tempora norunt.

Virgo Clemens.

- C.** Dum tua, Virgo, subit nobis clementia, mitem
Compositurus eram tibi quæ ver promovet, auram;
Mitior es tenera sed, quæ ver promovet, aura.
Nescio quæ genium sunt quamvis impare laude
Visa referre tuum, sed nil clementius illo:
At quid ego hæc antem? primis dilabor ab orsis
Deyius, & nullas mea servant carmina leges;
Sed bene; nulla tuo quoque regula scripta favori est,
Nec numero tua se cohibet clementia certo.

Virgo Fidelis.

- B.** Cum Domino, & miseris pepigisti Fœdera servis.

Pactaque cum Domino, cum servis Fœdera servas.
Promissamque fidem factis ingentibus imples.

Speculum Justitiæ.

C. Ad Themidis quicumque volet se effingere mores
 Justitiæ expressos tam fida in imagine vultus
 Ille tua miretur, & alta exempla reportet.

Sedes Sapientiæ.

B. In te docta suam posuit sapientia Sedem;
 Ah ego & ipse tuo sapiens in amore, tuoque
 Dicar in obsequio jam non indoctus amator.

Causa nostræ Letitiæ.

C. Qualis ubi roseo Phæbus se promit ab ortu
 Apricos recreat jucundo lumine colles,
 Talis sollicitis affers solatia terris.

Vas Spirituale, Vas honorabile, Vas insignæ devotionis.

B. Electum ceu vas, diuste Spiritus implet
 Cæli divitiis, divini nectare roris:

Ditat honos, pietas cælestes afflat odores,

Rosa mystica, Turris davidica, Turris eburnea.

C. Ceu Rosa virgineum præfers intacta ruborem,
 Fortis Davidicæ ceu propugnacula turris
 Diceris; est arcis tibi forma, & robur eburnæ.

Domus aurea.

B. Qui tibi composuit superi testæ aurea Cæli,
 Extulit ille tuas tali sub imagine laudes
 Es quoque Divini nam tu domus aurea Solis.

Fœderis arcæ.

C. Te sine cum miseris cæli commercia terris
 Nulla forent; magni nisi flestas Numinis iram
 Frustra promissæ sperantur fœdera pacis.

Janua Cæli.

B. Sydereas Divum ad sedes, & regna piorum
 Clausa prius nobis recludis limina; per te
 Obstruisti patuere fores stellantis Olympi.

Stella matutina.

C. Stella præis miseris tu matutina per æquor

Am-

Ambiguum nostræ, & metuenda pericula vitæ;
 Te duce Cœlituum summis appellitur oris.
Salus infirmorum, Refugium peccatorum Consolatrice
afflictorum.

- B.** Ægra cui macies corpus, cui crimina mentem,
 Et mæsta infomnes exercent pectora curæ,
 De te quisque suam præsumat, Virgo, salutem,
Auxilium Christianorum.
- C.** Hoc majora quidem titulo præbœnia præfers;
 At cum Christiadum rebus solamen in arvis
 Diceris, hæc nobis laus est gratissima dictu.
Regina Angelorum, Patriarcharum, Prophetarum.
- B.** Aligerum chorus omnis, & omnis turba Parentum
 Ifacidum, & quotquot cecinere oracula, Vatum
 Reginam te, magna Parens, Dominamque fatentur.
Regina Apostolorum, Martyrum, Confessorum.
- C.** Nec minus in totum quorum vox exiit orbem,
 Quisque sibi fuso palmas peperere cruore,
 Confessique fidem Heroestua jura verentur.
Regina Virginum.
- B.** Sed genio laus præ reliquis accedere uisa
 Nulla tuo magis est, quam cum formosa vocaris
 Virginei Regina Chori, purissima Virgo.
Regina sanctorum Omnium.
- C.** Singula quid referam? dulci quicumque fruatur
 Numinis aspectu, quicumque fruuntur amore
 Grande tibi obsequium æternos profitetur in annos.
Agnus Dei qui tollis peccata mundi, parce nobis
Domine, exaudi nos Domine, miserere nobis.
- B.** At tu qui nostræ vestigia noxia culpe
 Eluis æternus Supremi Numinis Agnus
 Da nobis ultro ueniam, & miserere precantum
 His super, atque aliis sacras ad Virginis aras
 Certabant precibus, decora & Mariana canebant;
 Donec nube diem diuersicolore rubentem
 Condidit indusis nox importuna tenebris.

MARIA CUSTOS.

Carmen extemporaneum.

Arbor erat flores, fructusque induta rubentes;
 Indutaque super, fructuque, & flore sedebat
 Arbore dirus Amor; summo de vertice frondes
 Ille manu, ramos & decutiebat opacos
 Continuo folia aereas volitare per auras
 Aspiceres, floresque simul; simul aurea labi
 Poma: frequens circum vulgus stipatur Amantum
 Autumni plectum, & odori munere veris,
 Aspectæquæ inhiat prædæ; quos caput ameni
 Floris amor, tristis dolor, & germana doloris
 Corripit anxietas, atque expers cura soporis:
 Quos legere ambrosios, & gustu iudice satum
 Explorare juvat, post dulcem tristis Orem
 Vexat amarities, capiuntque inamabilis esse
 Tædiæ: me comitem malefanc adiungere tui bæ,
 Hinc vesana Cupido, illinc malefuada Voluptas,
 Illa rosis flavos, hæc Myrto cincta capillos
 Illice suadebant vultu; dis corde ferebar
 Huc, illuc voto, nec adhuc mihi certa fugaces
 Spernendi illecebras steterat sententia, cum me
 Increpitans Divina Parens, dextraque prehensum
 Quid te floris, ait, quid amari ludicra fructus
 Forma capit, quiste mendax malè decipit error?
 Dixerat: extemplo, dictum mirabile, flores,
 Et quæ formosa super Arbore mala supersunt
 Immundum capiunt vitium, tetròsque videri
 In cineres abeunt; Asphaltida qualis ad undam
 Exitus esse solet lectis in littore pomis:
 Hinc ego mortalis collegi gaudia vitæ,
 Hæsternæ veluti fugitiva infomnia noctis
 In tenues umbras, rapidos vanescere ventos

ELE-

ELEGIÆ.

THE LIFE

ELEGIA I.

Quod primùm Virginis amore
captus sit.

UNica Virgo suo primùm me cæpit amore
Intactum flammis dire Cupido tuis.
Illa est cui teneri flores deuouimus æui,
Cui spatium vitæ seruiet omne meæ.
Natus ego ipsius, materque vocabitur ipsa:
Impleat ô titulos nomen utrumque suos.
Da veniam si te matrem, dulcissima, dixi
Si vox hac nimium libera parte fuit.
Audacem tua me fecit clementia, nam te
Nil mare, nil totus mitius orbis habet.
At si non matrem, dominam te dicere saltem,
Meque tui seruum, mancipiumque velis.
Ne tamen ingratos quisquam me ducere soles,
Parthenio quod sim tectus ab igne putet
Sunt hilares nobis lusus, sunt nescia fraudis
Gaudia; lætitia noster abundat amor.
Palleat, & flêtu noctes corrumpat amaro
Qui sedet ante tuas dura puella fores.
Ille negaturo dicat convicia posti,
Ile det aereis irrita verba Notis.
Infelix! quicumq; dies impendit, & annos
Dira Lycori tibi, sæua Neræa tibi.
Illecebras qui magna vocat solatia vestras,
Qui malè pro vobis sustinet esse miser.
Me iunet incæptis traducere lusbis æuum
Lusbis innocuis, pieriisque jocis.

Et

Et modò votivas superis sacrare cicutas
 Quæ celer irriguis Cingulus errat aquis,
 Et modò saginea laudes cantare sub umbra
 Siue tuas Iesu, siue Maria tuas.
 Audiet, & summo collis de vertice pastor
 Attentis voces auribus accipiet.
 Quis nouus hic, dicet, vates tui semper in ore
 Cælestis Puer est, cum Pueroque Parens
 Omnibus à tali sic fiam notus amore
 Ut qui me videat dicere possit, amat.
 Hinc mea semotum vulgetur fama per orbem.
 Hæc maneat cineres gloria sera meos.
 Non ego flaventes quas Ganges voluit arenas
 Invideam, vel opes aurifer herme tuas.
 Dives ero, faveas nobis modò candida Virgo
 Si facilem dederiste mihi, diues ero.

ELEGIA II

Amoris parthenii descriptio.

A Ccipe quid sit amor, tenerum quo pectus aduror,
 Et qua, pingendus si foret, arte foret.
 Non est ille puer: mecum fuit editus una,
 Quoque ego natus eram tempore, natus erat.
 Non habet aerias alio quibus avolet alas,
 Nec celer æthereum currere novit iter.
 Nam cum non vacuo mihi corde recesserit unquam
 Credibile est pennas non habuisse suas.
 Libertas oculis non est sua dempta, serenam
 Nullam tegit frontem, nullaue vitta comas.
 An qui tam certos in me direxerit ictus
 Hunc ego vittatum lumina bina putem?
 Illi cauta dedit rectos prudentia mores,

Inge-

Ingenium solers, Judiciumq; sagax.
 Namque scit innocuis bene quam sit ab ignibus uri,
 Quam malè sit Veneris, ferrea jura sequi.
 Forſitan an quoque ſit nudatus membra requires?
 Lactea diſcinſta corpora veſte tegit.
 Velle magis nivibus pura, niveiſque liguſtris
 Quam ſibi, vel ſimilem vellet habere pudor.
 Alaxa pharetram, in pharetra ſua condita ſervat
 Tela, quibus nobis vulnera ſæpe facit.
 Sæpe facit, facietque mihi quoque plura deinceps;
 Nam magis in noctes urimur, atque dies:
 Si formam videas, nihil eſt formoſius illo;
 Delapſum ſummo dixeris eſſe polo,
 Spectandum tali ſe præbet imagine, caſus
 Qui me leſſæ Virginis urit Amor.

ELEGIA III.

Quod duos uno tempore amet.

Q Uis fuit in liquidas primum qui protulit auras
 Nemo poteſt uno tempore amare duos?
 Ecce Dens puer, & Pueri quoque Mater amatur,
 Hi mihi diſiſum cor rapuere duo.
 Et tamen alterius non detrahit alter amori,
 Eſt partita licet nec mea flamma minor.
 Illum amo, nec minus hæc nobis quoque ſemper amatur
 Carus ut ille mihi, ſic quoque cara Parens:
 Quin niſi formoſus fuerit dilectus Ieſus
 Non dilecta ſatis; nec bene Mater erit,
 Et niſi virgineam Nati dilexero Matrem,
 Dilectus pariter non bene Natus erit.
 Hoc ſine longa foret quævis brevis hora, diurno
 Hac ſine vel ſpatio longior hora foret.

Denique

Denique quidquid agam quoquò vestigia vertam
 Hos præter non est altera cura prior.
 Dum loquor, hoc ipso quo verba iterare laboro
 Tempore, si quæras quid mihi fiat, amo.
 Non mens arbitrii est quamvis sit libera nostri,
 Nec mea sunt jûris vota, nec ora sui.
 Nam siquid meditor facunda prodere voce
 Siquid habet quod mens, corque vovère queat
 In mentem venit una mei spes dulcis Iesus,
 In mentem mea spes una Maria venit.
 Adde quod altiloquo cùm nuper carmine vellem
 Edere Sequanico parta trophea Iovi
 Non nisi de solo carmen veniebat Iesu,
 Omnis de supera Virgine versus erat.
 Languida cùm stratis depono membra, loquela est
 Ultima de Puero, deque Parente mihi.
 Cùm mea proripui stratis quoque membra, loquela
 Prima est de Puero, deque Parente mihi.
 Esse quid hoc dicam? nisi quod magis altera, & alter
 Urit, & arbitrii non finit esse mei.
 Sed tamen hoc melius, quàm si me nullus haberet,
 Aut aliquis qui non integer esset amor.
 Sic fortunatos liceat traducere soles,
 Ultima dum nostros finiat hora dies.
 Infidus alius committens linthea ventis
 Barbara semotas per vada quærat opes.
 Mille greges illi curvis in vallibus errent,
 Vastaque centenus rura colonus aret.
 Sat mihi perpetuos si semper amentur in annos,
 Quos ego nunc omni tempore semper amo.



ELEGIA IV.

Ad Melissum pictorem ut sibi
Virginem pingat.

Quo studio majore soles, & qua potes arte
Pingere, nunc Dominam pinge Melisse meam.
Neue tamen Dominæ sumas pro nomine vafra
Phyllida, seu Crotalem, purpureamue Napem.
Pro Domina est mihi Virgo: a me sic illa vocatur;
Me servum illius, mancipiumque voco.
Ante tamen quàm cuncta suo de more parentur,
Sint formosa oculis quæque notata tuis.
Finge tibi quidquid pulchri, varique decoris
Omnis habet tellus, quidquid olympus habet.
Florida subueniat jucundi veris imago,
Quique solet vernis floribus esse color.
Nec minus eoi succurrant lumina Solis,
Succurrat forma candida Luna sua.
Namque ea si memini, ceu sol electa vocatur,
Pulchra velut radii fulgida Luna tui.
Cum nihil artis erit quod non perpenderis ante
Nobile tunc solers incipe pictor opus.
Sed qua tu pinges vis nulla appareat artis:
Omnia naturæ sint operata modo.
Lacteola cervice fluat coma deplua, cingat
Tempora ter quinis nexa corona rosis.
Tale fac in sacro divinum, & amabile vultu,
Virginis ut possim dicere, vultus hic est.
Illius ut visa possim dignoscere forma
Maternum pariter, Virgineumque decus.
Si par nocturnis erit, aut formosius astris

E. **Cor.**

Conveniet fronti lumen utrumque suæ.
 Conveniet nitidis vestis saphirrina membris
 In qua sit taciti picta figura poli.
 Læva gerat Puerum, manus altera presset Jesum
 Ad nivibus similes, purpureosque sinus.
 Ipsos te nutus, ipsos te fingere Matris
 In Natum lusus, blanditiasque velim.
 Nil magis insignem poterit laudare tabellam,
 Quam si picturæ pondera vociserunt.
 Si quædam fuerint pro verbis iussa valere
 Signa locuturis vivida facta notis.
 Ipsa Parens Puero videatur dicere; tu spes,
 Delitiæque meæ, letitiæque meæ.
 Ipse Puer Matri videatur dicere; tu lux,
 Tu mihi præ reliquis carior una mihi es;
 Extendatque manus materna ad colla, probetque
 Blanditias Pueri Candida Virgo sui.
 O ego Diva tuos scirem depingere vultus,
 O ego appellea doctus in arte forem.
 Omne mihi ingenium tantos peteretur in usus,
 Atque omnis studii cura, laborque mei.
 Aspicerem ductum siquid peccare colorem,
 Clamarem; faciem non decet iste color.
 Singula delerem variis errata lituris,
 Subdita iudicio linea quæque foret.
 Hæc, & plura velim quoque te curare Melisse,
 Ut tibi propositum perficiatur opus.

ELEGIA V.

Sibi Virginem perpertuò amandam, &
 canendam proposuisse.

Siquis erit, qui me viduam sine amore juventam,
 Ingratosque putet ducere posse dies, ille

Ille idem tumidis quoque fluctibus æquora credat,
 Et cælum stellis posse carere suis.
 Tunc ego dimissa potero spirare Maria,
 Immemorem cum me fecerit alter amor.
 Immemoremque novi faciet tunc ardor amoris,
 Cum Sol inversum curret, & annus iter.
 Silicet hoc longum pepigi tibi fedus in ævum
 Ut te præ reliquis Partheni semper amem,
 Ut narrata meo tua sint præconia versu,
 Ut non præter te dicta sit ulla mihi.
 Sunt quibus alta tonant cantato carmina marte.
 Sunt quibus in numeros culta puella venit.
 Rura canunt alii, quo silicet hortus in agro,
 Et quo se felix vinea colle probet.
 Hos memorare juvat, quo sydere navita puppim
 Æquoris immensas dirigat inter aquas,
 Et quibus insidiis, quas sint capienda per artes
 Squamigerum in medio credula turba mari.
 Unam ego juravi numquam cessare Mariam
 Dicere; materies illa perennis erit.
 Non ego laurigera cupio de fronde coronam:
 Nil mihi cum fertis pulcher Apollo tuis.
 Non ego Mæonias opto contingere metas
 Per leve quadriugis vectus inane rotis.
 Si mereor, viridis crinem mihi cingat oliva,
 Nostraque mansuetis Musa vehatur equis,
 Et mecum in curru pariter vestetur eodem
 Armatus jaculis, & face dius Amor.
 Ponè alii vates, alique sequentur amantes
 Sola quibus, Virgo, cura placeret tibi est.
 Illis victor ego, & niveo spectandus amictu
 Dictabo castis carmina ducta modis;
 Exponamque novas artes, queis Deus Jesus,
 Et quibusest pariter Diva colenda Parens.
 Plaudet, & insolitum repetita voce triumphum
 Clamabit nostras turba secuta rotas.

Euge facer, dicent, vates; nil mobile vulgus;
 Nil quo te possit lædere livor habet.
 Perge tuos castæ lufus inscribere Matri:
 Lufibus illa tuis tempora longa dabit.
 Quid fidus tibi si Pastor, si pulcher Amyntas,
 Endimion vel si, Lunave dicta foret?
 Hæc sua laus aliis fuerit; tibi gloria major
 Parthenidem numeris posse referre tuis.
 Teliger interea mediis in plausibus Ales
 Jactabit rapidas, concutietque faces;
 Et modò figet in hos, modò tela vibrabit in illos;
 De tot ego pariter saucius unus ero.
 Parce Puer notas in me torquere sagittas;
 Non habet in nobis missa sagitta locum.
 Vincere quid domitum, victum quid perdere tentas,
 Innicis in vinctas cur nova vincla manus?
 Ante pedes positæ venator parcere prædæ
 Suevit, & in captas mitior esse feras
 Sunt alii quorum cingit præcordia ferrum,
 Corda quibus gelida frigidiora nive.
 Utilius potes hos jactis invadere telis,
 Admota potes hos sollicitare face.
 Si tamen innumero videor nisi saucius ictu
 Non aliter Dominæ posse placere meæ,
 Perge mihi sacris incendere pectora flammis,
 Perge mihi jaculis corda ferire tuis.
 Et cum sera suos ætas expleverit annos
 Accendat nostros fax ea sola rogos.
 Frigida tunc nullo circumdet busta paratu
 Pompa, nec inscriptis stemmata picta notis.
 Ante meos cineres tua pone insignia; fractos
 Cum telis arcus, cum pharetraque faces;
 Quaque tua toties ego cuspide vulneror, illa
 Bina super tumulo carmina cæde meo.
 Qui nunc funerea pulvis jacet horridus urnæ
 Virginei quondam scriptor amoris erat.

ELEGIA VI.

Venatio.

Craſtina venatu lux exercebitur omnis:
 Hic quoque captuſerit, te duce Virgo, labor.
 Utiliore diem ſtudio traducere poſſem,
 Quale foret de te verba diſerta loqui.
 Aut tibi nexa ſuis donare roſaria ſertis,
 Templeve ſollicitos ad tua ferre pedes.
 Hoc non diſſiteor melius foret; at quoque curàs
 Hac etiam liceat parte levare meas.
 Libertas feſſum ſi nulla remitteret arcum,
 Segnius ex arcu miſſa ſaggitia foret.
 Æſtivo fruges qui tempore protulit, idem
 Menſibus hybernis otia campus agit.
 Fæminei non ſunt noſtra oblectamina luſus:
 Hoſtibus hæc placeat lubrica vita meis.
 Me potius juvet umbroſas indagine valles,
 Et juga diſpoſitis cingere ſumma plagis.
 Aut canibus lepores captare, vel alite plumbo
 Figere, ſeu variis illaqueare dolis.
 Et modò comploſis in retia cogere palmis
 Deceptas viridis fraude coloris aves.
 Hæc vati ſint, Diva, tuo ſolatia, ſed non
 Hæc te de memori tollere mente velim.
 Viribus illam magis ſint irritamina noſtris,
 Ut pergam cæpta fortius ire via.
 Sic intermiſſum quò vi majore reſumat,
 Longum intermiſſit ſæpe viator iter.
 Quin ſtudio placuiſſe tibi conabimur iſto,
 Et te venatu promeruiſſe meo.
 Fædera nam ſervat qui connubialia turtur

A nostro liber vulnere turtur erit.
 Simplicitas faciet tutas nativæ columbas,
 Et quibus est quædam cura pudoris aves.
 Maxima pars prædæ fuerit mihi, si qua recedit
 A genio volucris, vel fera si qua tuo.
 In Venerem pròni lepores, vulpesque dolosæ,
 Quique lupus rabidæ plus feritatis habet,
 Nec minùs accipiter quia raptò vivere suevit
 Mille modis posita fraude, dolisque cadet;
 In captas quandoque tamen volucresque, ferasque,
 Ut te demerear Partheni, mitisero.
 Respectuque tui laqueis exempta dolosis
 Nidos in patrios missa redibit avis.
 Nam scio qui sævis gaudet (mitissima quippe es)
 Cædibus, ille tibi displicitur userit
 Singula quid referam? mihi seu venator agendus,
 Sive mihi potius scriptor agendus erit,
 Seu fuerint nobis cerealìa prædia curæ;
 Una eris ante oculos Partheni, quidquid agam.

ELEGIA VII

Ad Annulum.

Annule virginei titulos inscripte Puelli,
 Parthenidis sacras Annule scripte notas
 O mihi fas esset, quæ tu celestia præfers
 Nomina, pectoribus scribere posse meis.
 Non ego cum Puero castam tam sæpe Mariam
 Ad responsuròs vociferarer agros.
 Nec meus arboribus modò in his, modò scriptus in illis,
 Aut in saxosis rupibus esset amor.
 Una satis foret, atque magis jucunda voluptas
 In medio scriptos cordis habere duos.

Si

Si tamen hæc nostri nimia est audacia voti,
 Nec spes est tanto munere posse frui,
 Quod potero, tibi blanditias sacer Annule dicam,
 Blanditias titulis, nominibusque tuis.
 Utque loquentis agis partes, de Virgine tecum
 Sic ego, cælesti de Pueroque loquar.
 Sæpe videris enim quoties tua littera visa est,
 Nescio quæ tacita dicere voce mihi.
 Sæpe etiam facere es visus convicia, quod non
 Mens eadem in nobis quæ fuit ante, manet.
 Ah peream nisi sim condicto in fœdere constans
 Idem qui castus nuper amator eram.
 Crediderim potius sine vita vivere posse,
 Quam me juratam frangere posse fidem.
 Sed mihi præcipuè spectanti gaudia præbes
 Non quod materies aurea tota tua est,
 Sed quia jucundas parvo geris orbe figuras,
 Sed quia signa meæ certa salutis habes.
 Non ero continuaste cernere lassus in horas,
 Donec vitalis tempora lucis agam.
 Si fuerint lata subeunda pericula terra,
 Immenso fuerint si subeunda mari,
 Tu mihi per totas semper spectabere terras,
 Tu mihi per medias conspicietis aquas.
 Te spectem cum fera meos mors claudet ocellos,
 Te digito moriens deficiente geram.
 Quanta feram tibi tunc admotis oscula labris,
 Oscula de lachrymis uda futura meis?
 Non me terruerint læthi discrimina, non me
 Terruerit stygio vanus ab hoste timor.
 Nam quid ego metuam, superi si nomina scripta
 Visa mihi Nati, Visa Parentis erunt?

ELEGIA VIII.

Somnium.

Visus eram in somnis præruptum ascendere collem
 Parthenis in summo vertice Mater erat.
 In somnis nisi quod fuit hæc mihi visa, superni
 Hæc certè Pueri Candida Mater erat.
 Insuetum longèque viç, insuetumque labori
 Me Sacer angusto in calle præibat Amor.
 Hunc ego quo poteram nisu maiore sequebar;
 Tardabat gressus sed mora sæpe meos.
 Nam vepreta suis obstabant aspera dumis,
 Obstabant dubio lubrica saxa pedi.
 Adde, quod ille suis cum velox curreret alis
 A mage veloci ponè relictus eram.
 Quod possum tamen, anfractus superare laboro,
 Atque salebrofi tubera dura soli.
 Et modò tendo manus, modò languida brachia tendo
 Pressus ab infidi conditione loci.
 Sed nil tensa manus, nil brachia tensa juvant:
 Ibat præcipiti fortior ille gradu.
 Protinus exclamo, quid me, quid deferis ales
 Debueras nostræ qui comes esse viæ?
 Ocyor ipse tuis ceteras vestigia pennis;
 Nulla mihi officio subvenit ala suo.
 Da mihi te saltem fugientem cernere posse,
 Atque oculis, si non te pede posse sequi.
 Plura locuturo parte insidiatus ab omni
 Fessa mihi paphius terga premebat Amor,
 Et quod erat gravius nobis, tentabat euntem
 Retrahere à cæpta perfidus ille via.
 Fallebatque pedes objectis fraudibus, undè

Culpa-

Culpabat duram pes mihi lapsus humum.
 Quin me (nam suberant pendentes undique rupes)
 Ausus de summa vertere rupe fuit.
 Quid facerem? neque me insidias exire licebat,
 Nec dare præcipiti terga voluta fugæ.
 Qua datur infantem multa vi, jamque prementem
 Arceo jactata, reicioque manu;
 Et modò me dextra, modo me detorqueo læva;
 Irritus in ventos sed labor omnis abit.
 Tunc geminum partes dimissi lumen in omnes,
 Siquis præsentem forte tulisset opem.
 Aut quo nuper erat si videret in alto.
 Colle Parens; nec spes vana sefellit; erat.
 Hanc ego suspiciens, ad sis mitissi na dixi,
 Succurrant animo Carmina nostra tuo.
 Carmina te longum nunquam tacitura per ævum,
 Dete, de Puero carmina scripta Deo.
 Tu pavido, fer opem vati, da vincere posse
 Hostiles iras, terribilesque minas.
 Vix ea: cum tenues subito decessit in auras,
 Et visus nusquam est qui prius hostis erat.
 Quis nostri pacem cordis, quis gaudia narret
 Cum meus à tanto desit hoste timor?
 Non sic obtento lætatur navita portu.
 Post maris, & dubiæ longa pericla viæ.
 Ite pedes, properoque gradu decurrite, dixi,
 Iamque parum à nostra vos proculestis hera.
 Non vos insidiæ, non ulla pericula tardant;
 A nullis metus est fraudibus, ite pedes.
 Hec mecum repetens submissa voce, videbar
 Deproperare citum per juga collis iter.
 Unoque obtutu gressus, alioque supremi
 Oleruata mihi culmina montis erant.
 Parua interuenit medii mora temporis; ecce
 Summa fuit celsi pars superata jugi.
 Quanta mihi fuerint tu connice gaudia, Divæ

Cum potui vultu proximior frui.
 Læta Patens viso minusest post prælia nato,
 Quem tulit extremum rumor obisse diem.
 Procubui, pavidosque in humum dejectus ocellos
 Percussi tremula pectora nostra manu.
 Ter mihi tentanti dulcem proferre Mariam
 Hæsit prolato naufraga lingua mari.
 Verba dabam ad numerum non peruenientia plenum,
 Atque interrupto dimidiata sono.
 Se tamen ut primum trepidus pavor ille remisit,
 Erexiq; oculos lucida in astra meos,
 Adspectata fuit primo mihi luminis ictu
 Quæ mihi luminibus carior una meis.
 Splendida mirabar divini exempla decoris,
 Et speciem, qua non altera visa prior.
 Cinxerat auratas radiorum argenteus ordo
 (Hæc illi fuerant gemmea ferta) comas.
 Nescioquid cæleste oculis radiabat, in ipsis
 Sacrum nescioquid, virgineumque genis.
 Non ego in exemplum pulchræ super omnia formæ
 Proponam nitidi fulgida signa poli,
 Non rutilas gemmas, non florum mille colores,
 Aut laudem à pretio siqua tulere suo.
 Hæc tantum mater vicit Iesseja, quantum
 Præcellit reliquas aurea Luna faces.
 Sed quæ visa fuit nobis res mira, premebat
 Anguis colla suo candida Virgo pede.
 Fallor, an ille fuit qui nos malè perdidit anguis?
 Per quem funestum mortis aditur iter?
 Hujus ad aspectum non me qui cæperat horror
 Continuit, quod non talia verba darem.
 Tunc es qui primam docuisti perfide matrem
 Frangere primævo cum Genitore fidem?
 Sed bene; qui fueras nestrorum causa malorum
 Virgo tibi tumidum contudit ecce caput.
 Talia jactanti somnes abruptit inertes

Eoo veniens clarus ab orbe dies.
 Protinus ut misso cæpi vigilare sopore,
 Blandibar somno credulus usque meo.
 Qualis erat verè (me credere nempe juvabat)
 Credideram mea quod visa fuisset hera.
 An quod amo, dixi, mihi per visa irrita fingo?
 Verane quæ cæpit nos ea forma fuit?
 An potius mihi fata quies ventura retexit?
 Compoluit casus an sopor ipse meos?
 Quæcumq; hæc fuerint, cùm nox mihi somnia mittes,
 Singula de Domina somnia mitte mea.

ELEGIA IX.

Se nil præter Virginem
 canere posse.

Credideram me posse aliquid committere castis,
 Quod non Parthenia de Genitrice foret.
 Iam satis est nobis, dixi, conscripta Maria:
 Nunc mihi de cultu carmina vitis erunt.
 Risit Amor, Virgo Pariter ceu prodiga vitis
 1 Est, inquit, fructu facta beata suo:
 De Cedro scripturus eram libanitide; Cedrus
 2 Sed Libani pariter Dia vocatur, ait.
 Visa fuit memoranda deinde Cupressus; at apta
 3 Virginis in titulos visa Cupressus erat.
 Ut propriis vidi successibus orsa carere
 Carmine materies altera sumpta meo est.
 In mentem palmeta Cades venere, virentis

F 6

Dos

- 1 Ego quasi vitis fructificavi. Eccli. cap. 24.
- 2 Quasi cedrus exaltata sum in Libano.
- 3 Quasi Cypressus in monte Sion. ibidem.

Dos quibus est frondis, perpetuusque decor.
 Palma Cades sed & est; Puer excipit, inclyta Mater

4 Hanc sibi pro titulo vindicat illa suo.

Tunc ego: si nequeo plantas, mox dicere flores
 Agrediar; rosa sit carminis ordo mei.

Ille dioneæ cum sit sacra Parenti,

Convenit in laudes non bene, Diva, tuas.

Teliger è contra Volucer: Ierichuntis in horto

5 Audiit à natis sæpe Maria rosas.

Florida quin illi sunt grata rosaria, & illi

Ex his tu pariter necdere certa potes.

En ad diversas iterum me vertere plantas

Mens fuit, & cæpta qua prius ire via.

Æternum viridis se Palladis obtulit arbor:

Hujus ego in Laudes jamque paratus eram.

Tu lætis formosa comis, tu mitis Oliva

Lenia tranquillæ simbola pacis habes

Tu campis speciosa tuis; hoc, reddidit Ales,

6 De casta pariter dicere Matre iuvat.

Dicturo Platanum, Ielseis & eminet, addit

7 Ceu Platanus rivas frondæa propter aquas.

Quando omnis nostræ vis irrita cesserat artis

Mene inopem, dixi, copia multa facit;

Libera quæ reliquis, anne est mihi vincita voluntas;

Aduersor votis an levis ipse meis?

Hactenus intactum musis peragrabimus orbem,

Et quæ vicino littora Sole tepent.

Illic fælices desudant balsama Silvæ;

Cultus odoratis messibus kalat ager.

Argumenta meis faveant modò talia cæptis

Quis scit an hoc ultra progrediatur opus?

Divus ad hæc: fælix quæ profert cinnama tellus,

8 Quæ-

4 Quasi palma exaltata sum in Cades.

5 Quasi plantatio rosæ in Iericho.

6 Quasi oliva speciosa in campis.

7 Et quasi platanus exaltata sum juxta aquam in plateis.

8 Quæque viret culto messis odora solo,
 Et quæ grata legit nabatheus aromata pastor,
 De Domina prius hæc scripta fuere tua.
 Cum nec parte mihi quoque res bene cedat in ista;
 Experiar falsi vasta profunda maris.
 Dulce rudimentum Mariæ proferre volentis.
 Nomina, prolatum, subdidit ille, mare est.
 Si mare, si tellus nostris est usibus impar,
 Conabor numeris ire per astra meis.
 Quid magis Aurora pulchrum surgente videtur?
 En Aurora meum roscida carmen erit.
 Vel duo quæ summo collucent aurea Mundo
 Lumina, carmen erunt Lunaque, Solque meum.
 Gestator pictæ sic ad mea verba pharetræ:
 9 Parthenis electi nomina Solis habet.
 Nomina habet pariter Lunæ, Auroræque, decoros.
 10 Cum surgens dubia luce colorat agros,
 Silicet, ajebam, toto nil restat in orbe,
 In cælo, aut falsis quod meditemur aquis.
 Ingenii me vis, atque ars me deficit omnis;
 Propositi videor nescius esse mei.
 Anne ego bella canam, castrisne educere tentem
 Instruâs acies, belligerosque duces?
 Nec tibi succurrat, subjecit protinus Ales,
 Horrida castaliis bella tonare modis,
 Nec refer armatos media inter castra maniplos,
 Hæc nisi de Supera Matre referre velis.
 Pace tua, pharetrate Puer, sunt mollia dicta
 Aptamagis Domina, quam fera bella meæ.
 Mitia conveniunt illi, quia mitis & illa est:
 Non laus ad genium Virginis ista facit.
 Falleris ille sub hæc: solymeo à rege choorti

11 Par

8 Sicut cinnamomum, & balsamum aromatizans odorem
 dedi.
 9 Quæ est ista quæ progreditur quasi aurora consurgens.
 10 Pulchra ut Luna, electa ut Sol.

Par est instructæ pulchra vocata Parens.
 Ergone, clamabam, titulis sese omnibus aptat,
 Quæ semper causa est cur ego semper amem?
 Nec potis ipsa suos mense est expromere sætus,
 Uisque adeo sensus possidet illa meos?
 Aut facit hoc rerum in sterili penuria mente,
 Aut pauper venæ fluxus, & unda meæ.
 Non facit hoc, iteravit Amor, penuria rerum,
 Non pauper venæ fluxus, & unda tuæ.
 Causa una est, quod amas; tibi si contingat amorem
 Ponere, tunc vates protinus alter eris.
 Tunc tibi læta fluent pro quovis carmina voto,
 Eloquio rebus conveniente suis.
 Tunc poteris rigido pugnæ accendere cantu,
 Gestaque mæonio bella referre pede.
 Sed quoniam partes sacri prosteris amantis,
 Non ideo arbitrii tu potes esse tui.
 Sic ait, atque unam jecit de mille sagittis
 In mea jam multis corda petita locis.

ELEGIA X.

Ad Virginem cum autor hypocondriaco affectu laboraret.

Diva Parens, quam dicam contingere causa,
 Quod mea corripuit corpora dira lues?
 Non hæc proveniunt è poto damna Lyco;
 Scis mihi quod simplex pæne bibatur aqua.
 Non hoc blanda facit, varique saporis orexis;
 Cura est à variis abstinuisse cibis.
 Sunt procul à nobis Veneris mala gaudia, non me
 Ledit
 Terribilis ut castrorum acies ordinata.

Ledit ad infames nox vigilata fores.
Et tamen infani gliscit vis effera morbi
Pæna nec est nobis quam fuit ante minor.
Proteus in subitas non tot solet ire figuras,
Quot miser innumeris torqueor ipse modis.
Torridus in venis modò fervor ad æstuat, ut me
Ignibus exuri iam prope, jamque putem.
Obsidet egelida modò me formidine mæror,
Ut prope me rigidas suspicer esse nives.
Sæpe gerit dirum media inter viscera bellum
Æolus, & rabida seditione fremit.
Sæpe reor novus errantem Copernicus orbem,
Circumagitur denso dum caput igne vapor.
Cumque sua currens dum cernitur arbore silva,
Visa est orphææ fabula vera liræ.
Silicet ipsa mihi quoque sunt ludibria pænæ,
Et mala sunt lusu noxia facta suo.
Adde quod ut membris, sic est animis que, meoque
Ingenio pariter perniciofa lues.
Sæpe tuas laudes me dicere, Virgo, parante
Pernicies cæptis obstitit illa meis.
Omnia perpeterer; sed non te dicere posse
Quis, nisi cui non es Mater amata, ferat?
Pestis atrox, qua non est sævior altera, parte
Hac saltem nobis mitior esse velis.
Dum me lenè finas de Virgine condere carmen,
Cætera sis rebus tristis ut ante meis.
Haud rebar sacros te ledere posse poetas;
Sed mea quod possis lædere pæna docet.
Me miserum! surdas hæc dum jactamus ad auras
Æstuat, & vires integrat illa suas.
O ego ne ferrent tantos sine fine dolores,
Quam mallem extremum claudere posse diem,
Triste vel in mediis deducere cautibus ævum,
Quà via nulla homini pervia, nulla feræ,
Nec quisquam docta nobis persuadeat arte,

Olim

Olim quòd mea sit restituenda salus,
 Quas non ars succos, quas herbas miscuit? ulla
 Nec tamen herba tulit, nec mihi succus opem,
 Tristia non cana me fronde abintia, non me
 Iuverunt foliis intiba pressa suis.
 Corpus in æstiva nil mergere profuit unda,
 Venatu longos nil agitare dies.
 Utilius poterat nostris Podalirius impar
 Non ullas morbis applicuisse manus.
 Sed quam nulla queunt medicamina ferre salutem,
 Alma potes vati Partheni ferre tuo
 Cum possis, nobis pariter te velle putandum est:
 Non male spes de te convenit ista mihi.
 Nam quis facundo poterit comprehendere versu
 Te sola quibus est reddita dante salus?
 Vidi ego tela ferox cum mors sua mittere vellet,
 Per te porrectam continuisse manum
 Inveni periter quite, tantum modo dicta
 Se referant propriis consuluisse malis.
 Præsentem tot mille tui sentire favorem:
 Fac quoque sim de tot millibus unus ego.
 Quod si sperata longos miserata labores
 Occurres nobis candida Mater ope;
 Flore coronanda tibi suspendetur ad aras,
 Quæ narret casus picta tabella meos.
 Illic suppliciter tristis, similisque gementi
 Pingar, & effusis mæssa per ora comis.
 Et quem tot curæ, quem tot fecere dolores
 In nostro ductus corpore pallor erit.
 At tu, Virgo Parens pictura stabis in illa
 Busseno rutilum Sydere testa caput;
 Et me respicies placido mitissima vultu.
 Convertens oculos ad mala nostra tuos.
 Nec minus accepti monumentum in signe favoris
 Hoc in postremo margine carmen erit.
 Hæc tibi sanatus potuit quæ munera vates,

137
Et cum muneribus cor, animumq; vovet.

ELEGIA XI.

Ad Deiparam, ut Vineam à se nuper
consitam fecundet.

Læta mihi culto pubescit Vineæ colle,
Et jam quarta, ex quo est consita, currit hyems;
Hanc tu Diva Potens numerosis fructibus imple,
Optatis domini ne sit auara sui.
Auspice te primo natis sub vere racemis
Parcat deposito dira pruina gelu.
Nullis rare scat nebulis dum pullulat uva;
Capreolos nullo in palmitæ vitis agat.
Sint procul infesti fures, sturnique rapaces,
Et quæ vinetis insidiantur aves.
Et cum Septembrem declivior aduehet æstas,
Phæbus inassueta luce serenus eat.
Sic erit: interea secundi munera ruris
Exponam templis maxima Diva tuis.
Deque novis lætas suspendam vitibus uvas,
Quas feret ante suum vinea nostra diem.
Nec satis hoc; donis addentur vota, precesque;
Verbaque præcipue laudibus apta tuis.
Tu, dicam, spes una mei es, spes publica mundi;
Solamen nostris, perfugiumque malis.
Plus oculis, ipso quoque te plus diligo corde;
Plus ego te vita diligo Virgo mea.
Plus quoque diligerem, siquid te carius esset;
Sed nil præter te carius esse potest.
Præter te, Puerumque tuum: vos estis amoris,
Et desiderii unica meta meis;

Vos mihi jactato ventis, tumidisque procellis
 Estis in infido sidera fida mari.
 Hæc nos, vel certè non his diversa loquemur:
 Sit modò nostra tuo munere villa ferax.
 Auguror: educta melius jam proficit uva
 Qui nuper sine spe palmes innaniserat.
 Nostraque mirantur reliqui vineta coloni
 Facta sub auspiciis uberiora tuis.
 Siquis fertilior provenerit undè requireret
 Autumnus; dicam, causa Maria fuit.
 Illa meas vites, mea prædia sospitat; illa
 Temperat æstivas, imbriferasque dies.
 Non ego labentis mores interpretor anni,
 Aut celer eoo quid ferat Eurus equo.
 Num malus insolitos Auster denunciaret imbres,
 Num Boreæ gelidas provocet aura nives.
 Quid moneat vacuo, pleno quid Delia cornu,
 Quid Sol cùm falsa nubilus exit aqua.
 Tu mihi pro quovis Virgo spectabere signo,
 Nam suevere sua signa carere fide;
 Et cum sint Lunæ, sua sint mendacia Soli,
 Nostra tamen tu non fallere vota soles.
 Fac rata sint mea dicta Parens; ut sentiat omnis
 Quod tua me solita dextera juvit ope.



ELEGIA XII.

De quodam mihi nuper obiiciente, quòd
 mediam Augustissimi Mariæ
 Nominis Syllabam pro-
 duxerim.

Nescio quis nobis est ausus vertere culpæ,
 Quòd mihi pro Maria scripta Maria fuit.
 Ergo aliquis nostro leges imponet amori,
 Et tradet linguæ jura superba meæ?
 Dempta sit in reliquis libertas vocibus, una
 Quod sit libertas hac mihi voce velim.
 Si Maria a nobis dicetur; cæcula credent
 Se maria in scriptis dicta fuisse meis.
 Adde quod est mihi dulce magis scripisse Mariam,
 Nam sic in nostra lenius aure sonat.
 Altera causa quoque est: mensuræ syllaba longæ
 Dicenti gratam ducit in ore moram.
 Nam cum parthenidis compello nomina, veilem
 Esse meo talem semper in ore sonum.
 Siqua odio nobis fuerint, vel siqua Parenti
 Virgineæ, brevibus sint memorata modis:
 Atque ea si poterunt illa, aut hac voce referri.
 Contractis potius vocibus utar ego.
 Sic mihi pro culpa dictum scelus, & mihi dictum
 Pro longa brevius sit mihi clade malum.
 Idalii pharetra, ætherei dicetur Amoris
 Scribenda in versu longa pharetra meo.
 Lene juvat Domine sic nostræ inflectere nomen;
 Et quæ sunt Domine grata futura meæ.

Illa abigit mæstos mihi vox de pectore sensus,
 Tranquillosque facit leniter ire dies.
 Certè ego dum curis ago tristia tempora, nostræ
 Nil aliud curæ quo medeantur habent.
 Quis mea dum fato raperetur præcoce conjux,
 Solamen nobis rite daturus erat?
 Quos ego non gemitus, quæ non suspiria fudi,
 Quæ non vota suam non habitura fidem?
 Ergone, clamabam, miserum me deseris vxor,
 Plus vita, atque oculis vxor amata meis?
 Ergone te amplexu poterit divellere nostro,
 Invida quæ soluet funeris hora duos?
 Nec te quæ referat, consoleturque parentem,
 Certa satis vitæ est unica nata fux?
 Hæc ego: sed mediis clamata Maria querelis
 Lenibat quavis fortius arte malum.
 Silicet illa fuit clamanti dulcior ipso
 Melle, quod industriis vere laborat apis.
 Dulcior ambrosiæ succo, suavius liquore
 Quem matutinus spargit ab axe dies.
 O utinam quòque me cum fera vocaverit hora
 Sit nomen mea vox ultima, Diva, tuum.
 Tunc me nil brevior, nil syllaba longa movebit;
 Si frustra fueris non mihi dicta, sat est.

ELEGIA XIII.

Ad Angelum tutelarem, ut hunc libellum
 Virgini dono ferat.

UT scis exiguus nobis est, Diue, libellus:
 Mens fuit hunc Domine mittere sepe meç
 Hunc quoque, si qua tui tangit te cura clientis,
 Ipsi Parthenidi te modò ferre velim.

Parva

Parua nec obliuiscas quod sint hæc munera, ceptum

Ingenti prius hoc mole volumen erat.

Extenuavit opus jurati cura pudoris:

Pars operis flammis tradita nempe fuit.

Pars operis non casta, suis quæ lufibus audax

Virginis & Matri displicitura fuit.

Ante tamen quam dona feras comissa Parenti,

Singula iudicio carmina subde tuo,

Deme meis quod erit melius tibi demere visum,

Addere quod visum versibus adde meis,

Siquis erit titulus, qui non respondeat illi,

De qua sum constans factus amator ego,

Illum aliis expunge notis, titulumque lituris,

Nostraque non miti corrige scripta manu.

Si fuerit quævis, ut erit de cælite Diva

Laus minor, inventis aucta sit illa tuis.

Nomina præcipue fuerint ubi dicta Mariæ,

Dura in iucundi reiice verba soni.

Illius & lenes adhibe in præconia voces,

Suavior ambrosia versus ut omnis eat.

Hæc ubi præstiteris, mea fer donaria castæ

Deponens niveos Virginis ante pedes.

Inuenies illam forsan repetita ferentem

Pro mundi Nato vota salute suo;

Aut extorquentem divina fulmina dextra,

Fulmina criminibus debita sæpe meis.

Quidquid aget, dic Virgo tuus tibi carmina vates

Mittit, & accipias qualiacumque rogat.

Scribendi quæ sola fuit, sic unica causa

Illi mittendi muneris est, quod amat.

Si tamen aspiciet, mihi quod contingere nolim;

Auersis oculis hæc mea scripta Parens,

Tu blandas appone preces, aptasque Mariam

Flectere, tu partes conciliantis age.

Qua poteris prætende meis velamina culpis;

Nixa patrocínio stat mea causa tuo.

Sed puto tranquillo [quid enim clementius illa?]
 Exceptum vultu Dia probabit opus.
 Nam quibus est Cypris, quibus aut cantatus Adonis,
 Ex illis non sum vatibus unus ego.
 Et illis neque sum, tristi qui praelia versu,
 Et uersu, & rabida praelia uoce movent.
 Siqua igitur casto merces est debita uati,
 Diuam pro casto plurima uate roga.
 Non sunt in nostris ingentia praelia uotis,
 Vanaque sollicitum quæ bona vulgus amat.
 Nec me blanda movent speratæ præmia fame,
 Nec quæ post cineres gloria sera venit.
 Tu face quod nostros non dedignetur amores
 Parthenis, hoc scilicet munere visus ero.
 Horaque cum nobis aduenerit ultima, missum
 Quod nunc est carmen, carminis author eat.
 Has fer rite preces, mea dum monumenta reponas
 Quolibet, aut mage quo iusserit illa loco.
 Fallor ego, an castos inter Jessea poetas
 Carmina te Mater ponere nostra uolet?
 Inter & Hosciaden verso in suspiria cantu
 Lugentem Domini funera amara sui?
 Inter & ambrosio referentem Deslion ore,
 Parthenius qua sit lege colendus amor?
 At nisi carminibus nostris, post funera saltem
 Sit mihi fastali degere posse loco.
 Meque Parens solio Virgo despectet ab alto
 Inter cælestes carmina ferre choros.
 Hoc precor, hoc nobis ausim promittere, nil est
 Quod non de supera Virgine speret amans.



LYRICA.

LYRICA

HENDECASYLLABI.

Nil te dulce magis potest Jesu,
 Nil te dulce magis Maria quidquam
 Aut vox dicere, mensue cogitare.
 Audiri nihil est magis suave,
 Quam formosetuum Puellè nomen,
 Quam formola tuum Maria, dum vos
 Tota mente gero, mihi beata
 Cor dulcedine recreat voluptas:
 Ni vos mente geram, meum relinquant
 Pectus gaudia, deferat voluptas,
 Sime sollicitiautrinque curis
 Aut vexet dolor, aut amor perurat.
 Estis sola meo quies dolori,
 Estis sola meo quies amori,
 Quo me cumque ferant pedes, vel agros
 Vel cæcas nemorum petam latebras
 Desertos Puerum voco per agros,
 Silvestres Mariam cano per umbras,
 Et quodcumque voco, vocant & illi,
 Et quodcumque cano, canunt & illæ.
 Cum nostros placido quies sopore
 Artus irrigat, anxiiisque curis
 Affert innocuum levamen, illos
 Vita qui mihi plus amantur ipsa
 Nox tranquilla refert, precesque supplex
 In nostras videor vocare Natum,
 In nostras videor vocare Matrem.
 Horis euigilans amo diurnis,
 Nocturnis amo somnians in umbris,
 Nox est nulla mihi, dies nec ulla
 Jesu te sine, te sine o Maria.

Fælix dic mihi, dic Mariæ amator,
 Dum tecum repetis ferena læti
 Cordis gaudia, quæ perennis instar
 Fontis perpetuò parit voluptas,
 Non dives magis, & magis beatus,
 Unus præ reliquis tibi videris,
 Quam si Persidis, Indicique Gangis
 Thesauros gràvida premas sub arca?
 Dum supplex precibus vocas amatam,
 Dum flectis precibus diu vocatam,
 Dumque est visa suo Parens amore
 Respondere tuo lubens amori,
 Non divùm prope vel tibi videris
 Æqua sorte frui? decora pulchris,
 Si gemmis magis, ignei que stellis,
 Et Luna magis, aureoque Sole?
 It Virgo tacita reditque mente,
 Non sordet tibi quidquid orbe toto
 Formosum magis, inclytumque præstat?
 Si quando etheriæ vocas Mariæ
 Nomen dulce, suave, jube nomen,
 Non vox ambrosio videtur illa
 Succo dulcior, Atticoque melle?
 Cùm post funera Cælitum receptus
 Inter delitias beatiores
 Vultus aspicias, quibus pudica
 Solatur Genitrix pios amantes,
 Fælix dic mihi, dic Mariæ amator,
 Hæc est cætera nonne cogitant?
 Supra gaudia gratior voluptas?

Tota es Virgo decora, tota pulchra es;
 Tota es gratia, candor, & venustas,
 Nec te continnas ænem per horas?
 Vel si Partheni non amare vellem,
 Non te Partheni non amare possem.

Tu solamen ades meis querelis,
 Et tutamen ades mihi in periclis,
 Te nec in medijs vocem querelis,
 Te nec in medijs vocem periclis?
 Vel si Partheni non vocare vellem,
 Non te Partheni non vocare possem.
 Te præter mihi nil videtur aptum,
 Quod cantare meæ queant camenæ,
 Te nec perpetuos canam per annos?
 Vel si te canere o Maria nollem,
 Non te non canere o Maria possem.

ODE BVCOLICA.

Interlocutores, Lycon, Daphnis.

- L. Cui tu Daphni rosas, aane Amaryllidi?
 D. Non, verum superæ Parthenidi: meum
 Prædata est mihi nuper
 Cor pulcherrima Parthenis.
 L. Prædata est tenerum cor tibi Parthenis?
 Hoc tunc crediderim, cum leporem canis,
 Cum prehensam ferus ore
 Deponet pecudem lupo.
 D. Non sum qui fueram; non mea cogitat
 Curas mens veteres, nec mea concinit
 Cæcos amplius ignes
 Vas fræ fistula cypridis.
 L. Sacras undè novus factus amans faces
 Imo corde foves, qui modò sueveras
 Primævum malesanis
 Ver impendere lusibus?
 D. Alta, quod fatear, nuper in æsculo
 Signabam tenui falce Amaryllida.

Ad primam manus hæsit
En perterrita lineam.

Dein post cùm reliquas ducere Syllabas
Tentarem facili cuspide, Dextera

Cæptis favit, & ultro
Nostris paruit usibus.

Et jam nescio quo scriptus erat *MARI*
Cortex; ecce novum blanda necessitas

Alpha inscribere trunco
Ipso jussit in exitu.

Incisas oculis dum repeto notas
Induro relegens singula stipite,

Lævi sculpta Maria
En apparuit arbore.

Ex illo Mariam candida lux mihi
Nox jucunda refert, nec mihi carior

Visa est ulla, nec ulla
Nostro carmine dignior.

L. Nobis mira refert Daphni, sed æsculus
Dic quo colle viret? cum Maria suum

Hic signare Puellum
Ardor me novus incitat.

D. Thelioris patulum scis ubi verticem
Densus silva tegit frondibus? explicas

Hoc se monte dicata
Nostri arbor amoribus.

FINIS.

*Cum Autorem in villa sua pro amore quo illi
devinctus mutuo, ac veneratione in-
visisset.*

ODE.

Vidi Caneantem nuper Apollinem,
Vidi ad propinquum credite Cingulum;
Circumque plaudentes frequenti
Cingulides Dryadas corona.

Talis vetustæ credere fabulæ
Si fas, Pheræi pavit oves ducis,
Sensere solis cum remotæ
Carminibus, sonituque silvæ.

Audita pratis jura recentibus,
Audita & hortis; in faciles negas
Nec ire quas Pomona leges
Ille jubet, Zephyrique Coniux.

Vidi ad potentes attonito cita
Nutus Colono currere gramina;
Et vinci ab illo vota gaudet
Exigui sua cultor horti.

Illi nec absint Numine pectora,
Sed sanctiori fervida Numine,
Responset axi quo Mariam
Sæpe loquax Puerumque imago.

Amat: flagrantis nec patiens Dei
Tradit tenellis arboribus notas;
Nostros dei n crescens amores,
Charum & ait fer ad astra nomen.

Vidi, an me inani lusit imagine

Aurita

Aurita verbis arbor amantibus?

**Crescet ; poetam & sponte nexis
Parthenium foliis coronat .**

Reimprimatur , & Imprimatur respectivè

Aloysius dalla Rosa Vic. Gen. Parmæ .

Reimprimatur , & Imprimatur respectivè.

Vicarius Sancti Officii Parmæ .

VIDIT .

Præses Camera .

Errata

Pag. 9. lin 22. tempere
 P. 10. l. 10. Cachinis
 P. 11. l. 33. ego tum.
 P. 16. l. 1. Tuetonicis
 P. 16. l. 10. Trophæa.
 P. 16. l. 15. etere
 P. 16. l. 24. Napææ
 P. 17. l. 9. ether
 P. 19. l. 5. Carta
 P. 21. l. 18. Silicet
 P. 22. l. 4. hyulca
 P. 22. l. 26. igentesque
 P. 24. l. 18. comittere
 P. 24. l. 32. balantumque
 P. 24. l. 35. firmamtemque
 P. 28. l. 30. aspectu
 P. 30. l. 21. quesinit
 P. 31. l. 22. phlegrea
 P. 31. l. 23. Cycloplea
 P. 32. l. 5. abicit
 P. 32. l. 15. fluuant
 P. 45. l. 6. faciemus
 P. 48. l. 27. oneidos
 P. 56. l. 4. fæffo
 P. 58. l. 19. affollet
 P. 72. l. 13. comiffasque
 P. 78. l. 35. coneretaque
 P. 82. l. 36. effeminat
 P. 84. l. 18. fere
 P. 85. l. 5. intermisso
 P. 90. l. 26. ane collum
 P. 96. l. 13. aduc
 P. 101. l. 8. inubila
 P. 103. l. 19. ingratus

Corrige.

tempore
 Cachinnis
 ego tum
 Theutonacis
 Trophæa
 æthere
 Napææ
 Æther
 charta
 Scilicet
 hiulca
 ingentesque
 committere
 balantumque
 firmantemque
 aspectu
 quæsiuit
 phlegræa
 Cyclopea
 abiicit
 fluant
 faciemus
 Æneidos
 fesso
 assolet
 comiffaque
 concretaque
 effeminat
 feræ
 intermissa
 ane colum
 adhuc
 innubila
 ingrataue

Errata.

P. 105. l. 12. preside
 P. 110. l. 24. discendat
 P. 112. nostre letitie
 P. 111. l. 1. Creataris
 P. 112. mistica
 P. 113. l. 2. apellitur
 P. 118. l. 26. Nullam tegit
 P. 119. l. 4. requires
 P. 119. l. 20. detrait
 P. 120. l. 12. trophæa
 P. 129. l. 36. connice
 P. 134. autor
 P. 135. l. 28. ledere
 P. 137. fecundet
 P. 142. l. 5. et illis

Corrige.

præside
 discedat
 nostræ lætitiæ
 Creatoris
 mystica
 appellitur
 nulla tegit
 requires
 detrahit
 trophæa
 connice
 author
 lædere
 fecundet
 ex illis



BIB
V